


漢書









正義大夫行祕書少監琅邪縣開國子顏師古注

凡天文在圖籍昭昭可知者經星常宿中外官凡百一十八名積

數七百八十三星皆有州國官宮物類之象其伏見蚤晚邪正存

亡虛實闕陋孟康曰伏見早晚謂五星也日月五星下道為邪存謂列宿不虧也亡謂恒星不見虛實若天牢星實則因多虛則開出之屬也闕陋若三台星相去遠近也

及五星所行合散犯守陵歷鬪食孟康曰合同舍也散五星有變則其精散為祿星也犯七寸以內光芒相及也凌相冒過也食

星月相凌不見者則所蝕也韋昭曰自下往觸之曰犯居其宿曰守經之為歷矣掩為凌星相擊為鬪也彗孛飛流日月薄食張晏曰彗所

也孛氣似彗飛流謂流星流星也孟康曰飛絕迹而去也流光迹相連也日月無光曰薄京房易傳曰日月赤黃為薄或曰不交而食曰薄韋昭曰氣往迫之為薄虧毀曰食也

暈適背穴抱珥重蜺孟康曰皆曰旁氣也適日之將食先有黑之變也背形如背字也穴多作鏹其形如玉鏹也抱氣向日也珥形點黑也如瘡曰暈讀曰運重或作虹

蜺讀曰齋蟠蠓謂之重表云雄為重雌為蜺凡氣食曰上為冠為戴在旁直對為珥在旁如半環向日為抱向外為背有氣刺曰為鏹鏹扶傷也

迅雷風祆怪雲變氣此皆陰陽之精其本在地而上發于天者也政失於此則變

見於彼猶景之象形鄉之應聲師古曰鄉讀曰響是曰明君觀之而寤飭身

正事思其咎謝則禍除而福至自然之符也中宮天極星其一明

者泰一之常居也旁三星三公或曰子屬後句四星末大星正妃

餘三星後官之屬也環之匡衛十二星藩臣皆曰紫宮前列直斗

口三星隨北端銳若見若不見曰陰德或曰天一紫宮左三星曰

天槍右四星曰天棊蘇林曰音棊打之棊師古曰棊音白講反後十七星絕漢抵營室曰閣道

北斗七星所謂璇璣玉衡曰齊七政杓攜龍角孟康曰杓斗柄也龍角東方宿也攜連也衡殷

南斗魁枕參首晉灼曰衡斗之中央股中也用昏建者杓杓自華曰西南孟康曰傳曰斗第七星法太白

主杓斗之尾也尾為陰又其用昏昏陰位在西方故主西南夜半建者衡衡殷中州河濟之間孟康曰假令杓昏建寅衡夜半

亦建寅也平旦建者魁魁海岱曰東北也孟康曰傳曰斗魁第一星法為日主齊魁斗之首首陽也又其用在明陽與明德在東方

故主東方斗為帝車運于中央臨制四海分陰陽建四時均五行移節

度定諸紀皆繫於斗斗魁戴筐六星曰文昌宮晉灼曰似筐故曰戴筐一曰上將

二曰次將三曰貴相四曰司命五曰司祿六曰司災在魁中貴人

之牢

孟康曰傳曰天理四星在斗魁中貴人牢名曰天理也

魁下六星兩兩而比者曰三能

蘇林曰三能能音台

色壘君臣和不壘為乖戾柄輔星

孟康曰在北斗第六星旁

明近輔臣親彊斥小疏

弱

蘇林曰斥遠也

杓端有兩星一內為矛招摺

孟康曰近北斗者招摺招摺為天矛晉灼曰梗河三星天矛鋒招摺一星耳

外為盾天籙

晉灼曰外遠北斗也

在招摺南一名天籙

有句圓十五星屬杓曰賤人之牢牢中

星實則囚多虛則開出天一槍棊矛盾動摺角大兵起

李奇曰角芒角

東宮蒼龍房心心為明堂大星天王前後星子屬不欲直直王失

計房為天府曰天駟其陰右驂旁有兩星曰衿衿北一星曰華

晉灼

白華古轄字

東北曲十二星曰旗旗中四星曰天市天市中星眾者實其

中虛則耗房南眾星曰騎官左角理右角將大角者天王帝坐廷

其兩旁各有三星鼎足句之曰攝提

晉灼曰如鼎足之句曲也

攝提者直斗杓所指

曰建時節故曰攝提格亢為宗廟主疾其南北兩大星曰南門氏

為天根主疫尾為九子曰君臣斥絕不和箕為敖客后妃之府曰

口舌火犯守角則有戟房心王者惡之

南宮朱鳥權衡

孟康曰軒轅為權太微為衡也

衡太微三光之廷筐衛十二星藩臣西

將東相南四星執法中端門左右掖門掖門內六星諸侯其內五

星五帝坐後聚十五星曰哀烏即位旁一大星將位也月五星順

入軌道司其出所守天子所誅也其逆入若不軌道曰所犯名之

中坐成形

晉灼曰中坐犯帝坐也成形禍福之形見

皆羣下不從謀也金火尤甚廷藩西有隨

星四名曰少微士大夫

權軒轅黃龍體

孟康曰形如騰龍

前大星女主象

旁小星御者後宮屬月五星守犯者如衡占東井為水事火入之

一星居其左右天子且呂火為敗東井西曲星曰戊北北河南南

河兩河天闕間為關梁輿鬼鬼祠事中白者為質

晉灼曰輿鬼五星其中白者為質

火

守南北河兵起彗不登故德成衡觀成潢

晉灼曰日月五星不軌道也衡大微廷也觀占也潢五潢五帝車舍

也傷成戊

晉灼曰賊傷之占先成形於戊

禍成井

晉灼曰東井主水事火入一星居其旁天子且呂火敗故曰禍也

誅成質

晉灼曰熒惑入



輿鬼天質占  
曰大臣有誅

柳爲烏喙主木草七星頸爲員宮主急事張嗉爲厨主觴  
客翼爲羽翮主遠客軫爲車主風其旁有一小星曰長沙星星不  
欲明明與四星等若五星入軫中兵大起軫南衆星曰天庫庫有  
五車車星角若益衆及不具亡處車馬

西宮咸池曰天五潢五潢五帝車舍火入早金兵水水中有三柱

柱不具兵起奎曰封豨爲溝瀆婁爲聚衆胃爲天倉其南衆星曰

膾積如渚曰芻藁  
積爲膾也昴曰旄頭胡星也爲白衣會畢曰罕車爲邊兵主弋

獵其大星旁小星爲附耳附耳搖動有讒亂臣在側昴畢間爲天

街其陰陰國陽陽國孟康曰陰西南象坤維河山  
已北國也陽河山已南國也參爲白虎三星直者是爲

衡石孟康曰參三星者白虎  
宿中東西直似稱衡也下有三星銳曰罰孟康曰在參間上小下大故曰銳  
晉灼曰三星小邪列無銳形也爲

斬艾事其外四星左右肩股也小三星隅置曰觜觶爲虎首主葆

旅事如淳曰關中俗謂桑榆葉生爲葆晉灼曰禾野生曰旅今之飢  
民采旅也宋均曰葆守也旅軍旅也言佐參伐斬艾除凶也其南有四星曰天

廁天廁下一星曰天矢矢黃則吉青白黑凶其西有句曲九星三

處羅列一曰天旗二曰天苑三曰九旂其東有大星曰狼狼角變

色多盜賊下有四星曰弧直狼比地有大星曰南極老人晉灼曰比地近地也

老人見治安不見兵起常曰秋分時候之南郊

北宮玄武虛危危為蓋屋宋均曰危上一星高旁兩星下似蓋屋也虛為哭泣之事宋均曰蓋屋之下中無火

但空虛似平殯宮故主哭泣也其南有眾星曰羽林天軍宋均曰虛危營室陰陽終始之處際會之間恒多姦邪故設羽林為軍衛軍西

為壘或曰戊旁一大星北落北落若微亡軍星動角益稀及五星

犯北落入軍軍起火金水尤甚火入軍憂水水患木土軍吉孟康曰木星土

星入北落軍則吉也危東六星兩兩而比曰司寇營室為清廟曰離宮閣道漢

中四星曰天駟旁一星曰王梁王梁策馬車騎滿野旁有八星絕

漢曰天橫天橫旁江星江星動曰人涉水杵白四星在危南匏瓜

有青黑星守之魚鹽貴南斗為廟其北建星建星者旗也牽牛為

犧牲其北河鼓河鼓大星上將左左將右右將婺女其北織女織

女天女孫也

歲星

晉灼曰太歲在四仲則歲行三宿太歲在四孟四季則歲行二宿二八十六三四十二而行二十八宿十二歲而周天

曰東方春木於人五

常仁也五事貌也仁虧貌失逆春令傷木氣罰見歲星歲星所在

國不可伐可曰伐人超舍而前為贏退舍為縮贏其國有兵不復

縮其國有憂其將死國傾敗所去失地所之得地一曰當居不居

國亡所之國昌已居之又東西去之國凶不可舉事用兵安靜中

度吉出入不當其次必有天祲見其舍也歲星贏而東南

孟康曰五星東行天西轉

歲星晨見東方行疾則不見不見則變為祲星

石氏見彗星甘氏不出三月廼生彗本類星末類

彗長二丈贏東北石氏見覺星甘氏不出三月廼生天楛本類星

末銳長四尺縮西南

孟康曰歲星當伏西方行遲早沒變為祲星也

石氏見橈雲如牛

韋昭曰橈音參差之參

甘

氏不出三月廼生天槍左右銳長數丈縮西北石氏見槍雲如馬

甘氏不出三月乃生天欒木類星末銳長數丈石氏槍欒楛彗異  
狀其殃一也必有破國亂君伏死其辜餘殃不盡爲旱凶飢暴疾  
至日行一尺出二十餘日廼入甘氏其國凶不可舉事用兵出而  
易所當之國是受其殃又曰祆星不出三年其下有軍及失地若  
國君喪

熒惑

晉灼曰當呂十月入太微受制而  
出行列宿司無道出入無常也

曰南方夏火禮也視也禮虧視失逆夏

令傷火氣罰見熒惑逆行一舍二舍爲不祥居之三月國有殃五  
月受兵七月國半亡地九月地大半亡因與俱出入國絕祀熒惑  
爲亂爲賊爲疾爲喪爲飢爲兵所居之宿國受殃殃還至者雖大  
當小居之久殃乃至者當小反大已去復還居之若居之而角者  
若動者繞環之及乍前乍後乍左乍右殃愈甚一曰熒惑出則有  
大兵入則兵散周還止息廼爲其死喪寇亂在其野者亡地曰戰

不勝東行疾則兵聚于東方西行疾則兵聚于西方其南爲丈夫  
喪北爲女子喪熒惑天子理也故曰雖有明天子必視熒惑所在

太白

晉灼曰常呂正月甲寅與熒惑晨出東方二百四十日而入入四十日又出西方二百四十日而入入三十五日而復出東方出呂寅戌入呂丑未也

曰西方秋

金義也言也義虧言失逆秋令傷金氣罰見太白日方南太白居

其南日方北太白居其北爲羸侯王不宣用兵進吉退凶日方南

太白居其北日方北太白居其南爲縮侯王有憂用兵退吉進凶

當出不出當入不入爲失舍不有破軍必有死王之墓有亡國一

曰天下偃兵壅有兵者所當之國大凶當出不出未當入而入天

下偃兵兵在外入未當出而出當入而不入天下起兵有至破國

未當出而出未當入而入天下舉兵所當之國亡當期而出其國

昌出東爲東方入爲北方出西爲西方入爲南方所居久其國利

易其鄉凶

蘇林曰疾過也一說易鄉而出入也晉灼曰上言出而易言疾過是也

入七日復出將軍戰死入十日

復出相死之入又復出人君惡之已出三日而復微入三日迺復盛出是爲爽而伏

晉灼曰爽退也不進而伏伏不見也

其下國有軍其衆敗將北已入三

日又復微出三日迺復盛入其下國有憂帥師雖衆敵食其糧用其兵虜其帥出西方失其行夷狄敗出東方失其行中國敗一曰出蚤爲月食晚爲天祆及彗星將發於亡道之國太白出而留桑

榆閒病其下國

晉灼曰行遲而下也正出舉目平正出桑榆上餘二千里也

上而疾未盡期日過參天病

其對國

晉灼曰三分天過其一此戌酉之間也

太白經天天下革民更王

孟康曰謂出東入西出西入東也太白陰星出東當

伏東出西當伏西過午爲經天晉灼曰日陽也日出則星亡晝見午上爲經天

是爲亂紀人民流亡晝見與日爭明疆

國弱小國彊女主昌太白兵象也出而高用兵深吉淺凶埤淺吉

深凶行疾用兵疾吉遲凶行遲用兵遲吉疾凶角敢戰吉不敢戰

凶擊角所指吉逆之凶進退左右用兵進退左右吉靜凶圜己靜

用兵靜吉趨凶出則兵出入則兵入象太白吉反之凶赤角戰太

白者猶軍也而熒惑憂也故熒惑從太白軍憂離之軍舒出太白之陰有分軍出其陽有偏將之戰當其行太白還之破軍殺將辰星殺伐之氣戰鬪之象也與太白俱出東方皆赤而角夷狄敗中國勝與太白俱出西方皆赤而角中國敗夷狄勝五星分天之中積于東方中國大利積于西方夷狄用兵者利辰星不出太白爲客辰星出太白爲主人辰星與太白不相從雖有軍不戰辰星出東方太白出西方若辰星出西方太白出東方爲格野雖有兵不戰辰星入太白中五日乃出及入而上出破軍殺將客勝下出客亡地辰星來抵太白不去將死正其上出破軍殺將客勝下出客亡地視其所指己名破軍辰星繞環太白若鬪大戰客勝主人吏死辰星過太白閒可械劔小戰客勝

蘇林曰械音西函容也其間可容一劔也

居太白前旬三日軍罷出太白左小戰歷太白右數萬人戰主人吏死出太白右

去三尺軍急約戰凡太白所出所直之辰其國爲得位得位者戰

勝所直之辰順其色而角者勝其色害者敗晉灼曰鄭色黃而赤倉小敗宋色黃而赤黑小敗楚色赤黑小

敗燕色黑黃小敗皆大角勝也太白比狼赤比心黃比參右肩青比參左肩黑比奎

大星色勝位晉灼曰有色勝得位也行勝色晉灼曰太白行得度勝有色也行得盡勝之晉灼曰行應天度難有色得位行盡勝之

行重而色位輕星經傳得字作德

辰星晉灼曰常以二月春分見奎婁五月夏至見東井八月秋分見角亢十一月冬至見牽牛出以辰戌入以丑未二句而入晨候之東方夕候之西方也曰北方冬

水知也聽也知虧聽失逆冬令傷水氣罰見辰星出蚤爲月食晚

爲彗星及天妖一時不出其時不和四時不出天下大饑失其時

而出爲當寒反温當温反寒當出不出是謂擊卒兵大起與它星

遇而鬪天下大亂晉灼曰祇星彗字之屬也一曰五星出於房心間地動

填星晉灼曰常以甲辰元始建斗之歲填行一宿二十八歲而周天也曰中央季夏土信也思心也仁義禮

智曰信爲主貌言視聽曰心爲正故四星皆失填星迺爲之動填



星所居國吉未當居而居之若已去而復還居之國得土不廼得  
女子當居不居既已居之又東西去之國失土不廼失女不有土  
事若女之憂居宿久國福厚易福薄當居不居爲失填其下國可  
伐得者不可伐其羸爲王不宣縮有軍不復一曰既已居之又東  
西去之其國凶不可舉事用兵失次而上一舍三舍有王命不成  
不廼大水失次而下二舍有后感其歲不復不廼天裂若地動凡  
五星歲與填合則爲內亂與辰合則爲變謀而更事與熒惑合則  
爲飢爲旱與太白合則爲白衣之會爲水太白在南歲在北名曰  
牡牡晉灼曰歲陽也太  
白陰也故曰牡牡年穀大孰太白在北歲在南年或有或亡熒惑  
與太白合則爲喪不可舉事用兵與填合則爲憂主孽卿與辰合  
則爲北軍用兵舉事大敗填與辰合則將有覆軍下師與太白合  
則爲疾爲內兵辰與太白合則爲變謀爲兵憂凡歲熒惑填太白

四星與辰鬪皆為戰兵不在外皆為內亂一曰火與水合為淬晉灼曰火

入水故曰淬也與金合為鑠不可舉事用兵土與金合國亡地與木合則國

饑與水合為雍沮晉灼曰沮音沮溼之沮水性雍而潛土故曰雍沮一曰雍填也不可舉事用兵木與金合

鬪國有內亂同舍為合相陵為鬪二星相近者其殃大二星相遠

者殃無傷也從七寸曰內必之韋昭曰必有禍也凡月食五星其國必亡李奇曰謂

其分野之國歲曰飢熒惑曰亂填曰殺太白彊國曰戰辰曰女亂月食大

角王者惡之凡五星所聚宿其國王天下從歲曰義從熒惑曰禮

從填曰重韋昭曰謂以威重得從太白曰兵從辰曰法曰法者曰法致天下也

三星若合是謂驚立絕行晉灼曰有兵喪故驚收王故曰絕也其國外內有兵與喪民人

乏飢改立王公四星若合是謂大湯晉灼曰湯猶澌滌也其國兵喪並起君子

憂小人流五星若合是謂易行有德受慶改立王者掩有四方子

孫蕃昌亡德受罰離其國家滅其宗廟晉灼曰宗祖廟也百姓離去被滿四

方五星皆大其事亦大皆小其事亦小也凡五星色皆圓白爲喪  
爲旱赤中不平爲兵青爲憂爲水黑爲疾爲多死黃吉皆角赤犯  
我城黃地之爭白哭泣之聲青有兵憂黑水五星同色天下偃兵  
百姓安宣歌舞巳行不見災疾五穀蕃昌

凡五星

歲緩則不行急則過分逆則占

熒惑緩則不出急則不入違道則占

填緩則不建急則過舍逆則占

太白緩則不出急則不入逆則占

辰緩則不出急則不入非時則占

五星不失行則年穀豐昌

凡巳宿星通下之變者維星散句星信則地動

孟康曰散在尾北  
韋昭曰信音申

有星守

三淵天下大水地動海魚出紀星散者山崩不卽有喪龜鼈星不  
居漢中川有易者辰星入五車大水熒惑入積水水兵起入積薪  
早兵起守之亦然極後有四星名曰句星斗杓後有三星名曰維  
星散者不相從也

孟康曰散不復  
行列而聚也

三淵蓋五車之三柱也

晉灼曰柱音  
注解之注

天紀

屬貫索積薪在北戌西北積水在北戌東北

角亢氐沅州房心豫州尾箕幽州斗江湖牽牛婺女揚州虛危青  
州營室東壁并州奎婁胃徐州昴畢冀州觜觶參益州東井輿鬼  
雍州柳七星張三河翼軫荊州甲乙海外日月不占

晉灼曰海外遠甲  
乙日時不以古之

丁江淮海岱戊己中州河濟庚辛華山己酉壬癸常山己北一曰  
甲齊乙東夷丙楚丁南夷戊魏己韓庚秦辛西夷壬燕趙癸北夷  
子周丑翟寅趙卯鄭辰邯鄲巳衛午秦未中山申齊酉魯戌吳越  
亥燕代秦之疆候太白占狼弧吳楚之疆候熒惑占鳥衡燕齊之

疆候辰星占虛危宋鄭之疆候歲星占房心晉之疆亦候辰星占  
參罰及秦并吞三晉燕代自河山已南者中國中國於四海內則  
在東南爲陽陽則日歲星熒惑填星占於街南畢主之其西北則  
胡貉月氏旃裘引弓之民爲陰陰則月太白辰星占於街北昴主  
之故中國山川東北流其維首在隴蜀尾沒於勃海碣石是以秦  
晉好用兵孟康曰秦晉西南維之北爲陰與胡貉引弓之民同故好用兵復占太白太自主中國而胡貉數  
侵掠獨占辰星辰星出入趨疾常主夷狄其大經也

凡五星早出爲羸羸爲客晚出爲縮縮爲主人五星羸縮必有天  
應見杓

太歲在寅曰攝提格歲星正月晨出東方石氏曰名監惠在斗牽  
牛失次杓早水晚旱甘氏在建星婺女太初歷在營室東壁  
在卯曰單闕二月出石氏曰名降入在婺女虛危甘氏在虛危失

次杓有水災太初在奎婁

在辰曰執徐三月出石氏曰名青章在營室東壁失次杓早早晚

水甘氏同太初在胃昴

在巳曰大荒落四月出石氏曰名路踵在奎婁甘氏同太初在參

罰

在午曰敦牂五月出石氏曰名啟明在胃昴畢失次杓早早晚水

甘氏同太初在東井輿鬼

在未曰協洽六月出石氏曰名長烈在觜觶參甘氏在參罰太初

在注張七星

在申曰涇灘七月出石氏曰名天晉在東井輿鬼甘氏在弧太初

在翼軫

在酉曰作洛爾雅作作噩

八月出石氏曰名長壬在柳七星張失次杓有

女喪民疾甘氏在注張失次杓有火太初在角亢

在戌曰掩茂九月出石氏曰名天睢在翼軫失次杓水甘氏在七星翼太初在氐房心

在亥曰大淵獻十月出石氏曰名天皇在角亢始甘氏在軫角亢太初在尾箕

在子曰困敦十一月出石氏曰名天宗在氐房始甘氏同太初在建星牽牛

在丑曰赤奮若十二月出石氏曰名天昊在尾箕甘氏在心尾太初在婺女虛危甘氏太初歷所曰不同者曰星羸縮在前各錄後所見也其四星亦略如此

古歷五星之推亡逆行者至甘氏石氏經曰熒惑太白爲有逆行夫歷者正行也古人有言曰天下太平五星循度亡有逆行日不

食朔月不食望夏氏日月傳曰日月食盡主位也不盡臣位也星傳曰日者德也月者刑也故曰日食修德月食修刑然而歷紀推月食與二星之逆亡異熒惑主內亂太白主兵月主刑自周室衰亂臣賊子師旅數起刑罰失中雖其亡亂臣賊子師旅之變內臣猶不治四夷猶不服兵革猶不寢刑罰猶不錯故二星與月爲之失度三變常見及有亂臣賊子伏尸流血之兵大變乃出甘石氏見其常然因已爲紀皆非正行也詩云彼月而食則惟其常此日而食于何不臧詩傳日月食非常也比之日食猶常也日食則不臧矣謂之小變可也謂之正行非也故熒惑必行十六舍去日遠而顛恣太白出西方進在日前氣盛乃逆行及月必食於望亦誅盛也

國皇星大而赤狀類南極所出其下起兵兵彊其衝不利

孟康曰歲星之精散



所爲也五星之精散爲六十四變志記不盡也

昭明星大而白無角乍上乍下所出國起兵多變

孟康曰形如三足几几上有九彗上向熒惑之

也精

五殘星出正東東方之星其狀類辰去地可六丈大而黃

孟康曰星表有青氣

如暈有毛填星之精

六賊星出正南南方之星去地可六丈大而赤數動有光

孟康曰形如彗芒九

角太白之精

司詭星出正西西方之星去地可六丈大而白類太白

孟康曰星大而有尾兩角熒惑

也之精

咸漢星出正北北方之星去地可六丈大而赤數動察之中青

孟康

曰一名獄漢星青中赤表下有彗從橫亦填星之精也

此四星所出非其方其下有兵衝不利

四填星出四隅去地可四丈地維滅光亦出四隅去地可二丈若

月始出所見下有亂者亡有德者昌

燭星狀如太白其出也不行見則滅所燭城邑亂孟康曰星上有三彗上出亦填星之精也如

星非星如雲非雲名曰歸邪李奇曰邪音蚺孟康曰星有兩赤彗上向上有益狀氣下連星歸邪出必有歸

國者星者金之散氣其本曰人孟康曰星石也金石相生人與星氣相應也星衆國吉少則凶

漢者亦金散氣其本曰水星多多水少則旱孟康曰漢河漢也水生於金多少謂漢中星也其大

經也

天鼓有音如雷非雷音在地而下及地其所住者兵發其下

天狗狀如大流星孟康曰星有尾旁有彗下有如狗形者亦太白之精有聲其下止地類狗所墜及

望之如火光炎炎中天其下圜如數頃田處上銳見則有黃色干

里破軍殺將

格澤者如炎火之狀黃白起地而上下大上銳其見也不種而獲

不有土功必有大客

蚩尤之旗類彗而後曲象旗

孟康曰彗或之精也晉灼曰呂氏春秋云其色黃上白下也

見則王者征伐

四方

旬始出於北斗旁狀如雄雞其怒青黑色象伏鼈

李奇曰怒當首怒晉灼曰鼈雌也或曰怒則色

青宋均曰怒

謂芒角刺出

枉矢狀類大流星虵行而倉黑望如有毛目然

長庚廣如一匹布著天此星見起兵星碌至地則石也

如信曰碌亦墜也

天暉

而見景星

孟康曰暉精明也有赤方氣與青方氣相連赤方中有兩黃星青方中有一黃星凡三星合爲景星也

景星者德星也其狀無常常出於有道之國日有中道月有九行

中道者黃道一曰光道光道北至東井去北極近南至牽牛去北

極遠東至角西至婁去極中夏至至於東井北近極故晷短立八

尺之表而晷景長尺五寸八分冬至至於牽牛遠極故晷長立八

尺之表而晷景長丈三尺一寸四分春秋分日至婁角去極中而

暑中立八尺之表而暑景長七尺三寸六分此日去極遠近之差

暑景長短之制也去極遠近難知要曰暑景暑景者所已知日之

南北也日陽也陽用事則日進而北晝進而長陽勝故爲溫暑陰

用事則日退而南晝退而短陰勝故爲涼寒也故日進爲暑退爲

寒若日之南北失節暑過而長爲常寒退而短爲常燠此寒燠之

表也故曰爲寒暑一曰暑長爲潦短爲旱奢爲扶

矯止不行也蘇林曰景形奢大也音灼扶者邪臣進而正臣疎君子不足姦人

有餘月有九行者黑道二出黃道北赤道二出黃道南白道二出

黃道西青道二出黃道東立春春分月東從青道立秋秋分西從

白道立冬冬至北從黑道立夏夏至南從赤道然用之一決房中

道青赤出陽道白黑出陰道若月失節度而妄行出陽道則旱風

出陰道則陰雨凡君行急則日行疾君行緩則日行遲日行不可

指而知也故曰二至二分之星爲候日東行星西轉冬至昏奎八  
度中夏至氐十三度中春分柳一度中秋分牽牛三度七分中此  
其正行也日行疾則星西轉疾事執然也故過中則疾君行急之  
感也不及中則遲君行緩之象也至月行則曰晦朔決之日冬則  
南夏則北冬至於牽牛夏至於東井日之所行爲中道月五星皆  
隨之也箕星爲風東北之星也東北地事天位也

孟康曰東北陽日月五星起於牽牛故爲天位

坤在西南紐於陽爲地統故爲地事也

故易曰東北喪朋及巽在東南爲風風陽中之陰大

臣之象也其星軫也月去中道移而東北入箕若東南入軫則多  
風西方爲雨雨少陰之位也月失中道移而西入畢則多雨故詩  
云月離于畢俾滂沱矣言多雨也星傳曰月入畢則將相有呂家  
犯罪者言陰盛也書曰星有好風星有好雨月之從星則曰風雨  
言失中道而東西也故星傳曰月南入牽牛南戒民間疾疫月北

入太微出坐北若犯坐則下人謀上一日月爲風雨日爲寒溫冬  
至日南極晷長南不極則溫爲害夏至日北極晷短北不極則寒  
爲害故書曰日月之行則有冬有夏也政治變於下日月運於上  
矣日出房北爲雨爲陰爲亂爲兵出房南爲旱爲天喪水旱至衝  
而應及五星之變必然之効也兩軍相當日暈等力均厚長大有  
勝薄短小亡勝重抱大破亡抱爲和背爲不和爲分離相去直爲  
自立立兵破軍若曰殺將抱且戴有喜圍在中中勝在外外勝青  
外赤中白和相去赤外青中白惡相去氣暈先至而後去居軍勝  
先至先去前有利後有病後至後去前病後利後至先去前後皆  
病居軍不勝見而去其後發疾雖勝亡功見半日日上功大白重  
屈短上下銳李奇曰屈或爲尾韋昭曰短而直者也或曰短屈之証有者下大流血日暈制勝近期三  
十日遠期六十日其食食所不利復生生所利不然食盡爲主位

曰其直及日所躔加日時用名其國凡望雲氣仰而望之三四百  
里平望在桑榆上千餘里二千里登高而望之下屬地者居三千  
里雲氣有戰居上者勝自華曰南氣下黑上赤嵩高三河之郊氣  
正赤常山曰北氣下黑上青勃碣海岱之間氣皆黑江淮之間氣  
皆白徒氣白土功氣黃車氣乍高乍下往往而聚騎氣卑而布卒  
氣搏

如瀆曰搏專也  
搏音徒端反

前卑而後高者疾前方而後高者銳後銳而卑者

卻其氣平者其行徐前高後卑者不止而反氣相遇者卑勝高銳  
勝方氣來卑而循車道者不過三四日去之五六里見氣來高七  
八尺者不過五六日去之十餘二十里見氣來高丈餘二丈者不  
過三四日去之五六十里見捎雲精白者其將悍

晉灼曰捎音霄  
章昭曰音髡

其

士怯其大根而前絕遠者戰精白其芒低者戰勝其前赤而印者  
戰不勝陳雲如立垣杼雲類杼柚雲搏而端銳杓雲如繩者居前

竟天其半半天蜺雲者類鬪旗故銳鉤雲句曲諸此雲見曰五色  
占而澤搏密其見動人迺有占兵必起占鬪其直王朔所候決於  
日旁日旁雲氣人主象皆如其形曰占故北夷之氣如羣畜穹閭  
南夷之氣類舟船幡旗大水處敗軍場破國之虛下有積泉金寶  
上皆有氣不可不察海旁蠶氣象樓臺廣壑氣成宮闕然雲氣各  
象其山川人民所聚積故候息耗者入國邑視封畺田疇之整治  
如清曰蔡邕云麻田曰疇城郭室屋門戶之潤澤次至車服畜產精華實息者吉虛  
耗者凶若煙非煙若雲非雲郁郁紛紛蕭索輪困是謂慶雲慶雲  
見喜氣也若霧非霧衣冠不濡見則其城被甲而趨夫雷電赧垂  
辟歷夜明者陽氣之動者也春夏則發秋冬則滅故候書者亡不  
司天開縣物孟康曰謂天裂而見物象也天開示縣象地動坼絕山崩及陲川塞谿坑孟康曰坑音羅音羅

谿坑崩也蘇林曰坑音伏伏流也如清曰坑填塞不通也

水澹地長澤竭見象城郭門閭潤息橐枯宮廟



廊第人民所次嘗俗車服觀民飲食五穀草木觀其所屬倉府廩

庫四通之路六畜禽獸所產去就魚鼈鳥鼠觀其所處鬼哭若譁

與人逢還訛言誠然凡候歲美惡謹候歲始歲始或冬至日產氣

始萌臘明日人衆卒歲壹會飲食發陽氣故曰初歲正月旦王者

歲首立春四時之始也四始者候之日而漢魏鮮集臘明正月旦

決八風孟康曰魏鮮人姓名作占候者也風從南大旱西南小旱西方有兵西北戎叔爲

東南民有疾疫歲惡故八風各與其衝對課多者爲勝多勝少久

勝亟疾勝徐旦至食爲麥食至日跌爲疾跌至晡爲黍晡至下晡

爲叔下晡至日入爲麻欲終日有雲有風有日當其時深而多實

亡雲有風日當其時淺而少實有雲風亡日當其時深而少實有

日亡雲不風當其時者稼有敗如食頃小敗就五斗米頃大敗風

日亡雲不風當其時者稼有敗如食頃小敗就五斗米頃大敗風

復起有雲其稼復起各曰其時用雲色占種所宜雨雪寒歲惡是

日光明聽都邑人民之聲聲宮則歲美吉商有兵徵旱羽水角歲

惡或從正月旦比數雨率日食一升至七升而極孟康曰正月一日雨而民有一升之食二日雨

民有二升之食如此至七日已來驗也過之不占數至十二日直其月占水旱孟康曰一日雨正月水也為其

環域千里內占即為天下候竟正月孟康曰月三十日周天歷二十八宿然後可占天下月所離列

宿日風雲占其國然必察太歲所在金穰水毀木飢火旱此其大

經也正月上甲風從東方來宜蠶從西方來若且有黃雲惡冬至

短極縣土炭孟康曰先冬至三日縣土炭於衡兩端輕重適均冬至而陽氣至則炭重夏至陰氣至則土重晉灼曰蔡邕歷律記候鍾律權土炭冬至陽氣應黃鍾通土炭

輕而衡仰夏至陽氣應蕤賓通土炭重而衡低進退先後五日之中炭動麋鹿解角蘭根出泉水踊略曰知日

至要決暑景夫天運三十歲一小變百年中變五百年大變三大

變一紀三紀而大備此其大數也春秋二百四十二年間日食三

十六彗星三見夜常星不見夜中星隕如雨者各一當是時禍亂

輒應周室微弱上下交怨殺君三十六亡國五十二諸侯奔走不得保其社稷者不可勝數自是之後衆暴寡大并小秦楚吳粵夷狄也爲彊伯田氏篡叁三家分晉並爲戰國爭於攻取兵革遞起城邑數屠因曰飢饉疾疫愁苦臣主莫憂患其察禴祥候星氣尤急

如清曰呂氏春秋荆人鬼越人禴今之巫祝禱祠淫祀之比也晉灼曰禴音珠璣之璣

近世十二諸侯七國相王言從橫

者繼踵而占天文者因時務論書傳故其占驗鱗雜米鹽亡可錄者周卒爲秦所滅始皇之時十五年間彗星四見久者八十日長或竟天後秦遂曰兵內兼六國外攘四夷死人如亂麻又熒惑守心及天市芒角色赤如雞血始皇既死適庶相殺二世卽位殘骨肉戮將相太白再經天因曰張楚並興兵相踰籍蘇林曰踰音臺登躡也或作蹈秦遂曰亡項羽救鉅鹿枉矢西流枉矢所觸天下之所伐射滅亡象也物莫直於矢今蛇行不能直而枉者執矢者亦不正曰象項羽執

政亂也羽遂合從阮秦人屠咸陽凡枉矢之流呂亂伐亂也

漢元年十月五星聚於東井呂歷推之從歲星也

李奇曰歲星得其正度其四星隨比常正行故

曰從也孟康曰歲星先至先至爲主也

此高皇帝受命之符也故客謂張耳曰東井秦地漢

王入秦五星從歲星聚當呂義取天下秦王子嬰降於枳道漢王呂屬吏寶器婦女亡所取閉宮封門還軍次于霸上呂候諸侯與秦民約法三章民亡不歸心者可謂能行義矣天之所予也五年遂定天下卽帝位此明歲星之崇義東井爲秦之地明効也

三年秋太白出西方有光幾中

晉灼曰幾中近踰身

乍北乍南過期廼入辰星

出四孟

韋昭曰法當出四仲出四孟爲易土之象也

是時項羽爲楚王而漢已定三秦與相距

滎陽太白出西方有光幾中是秦地戰將勝而漢國將興也辰星出四孟易王之表也後二年漢滅楚

七年月暈圍參畢七重占曰畢昴間天街也街北胡也街南中國

也昂爲匈奴參爲趙畢爲邊兵是歲高皇帝自將兵擊匈奴至平城爲冒頓單于所圍七日廼解

十二年春熒惑守心

李奇曰心爲天王也

四月宮車晏駕

應劭曰天子當晨起早作而方崩殞故稱晏駕云韋昭曰凡初崩爲

晏駕者臣子之心猶爲宮車當駕而出耳

孝惠二年天開東北廣十餘丈長二十餘丈地動陰有餘天裂陽不足皆下盛彊將害上之變也其後有呂氏之亂

孝文後二年正月壬寅天欖夕出西南

孟康曰歲星之精

占曰爲兵喪亂其

六年十一月匈奴入上郡雲中漢起三軍曰衛京師其四月乙巳水木火三合於東井占曰外內有兵與喪改立王公東井秦也八月天狗下梁壅是歲誅反者周殷長安市其七年六月文帝崩其十一月戊戌土水合於危占曰爲雍沮所當之國不可舉事用兵必受其殃一曰將覆軍危壘也其七月火東行行畢陽環畢東北

出而西逆行至昴卽南廼東行占曰爲喪死寇亂畢昴趙也

孝景元年正月癸酉金水合於婺女占曰爲變謀爲兵憂婺女粵也又爲齊其七月乙丑金木水三合於張占曰外內有兵與喪改立王公張周地今之河南也又爲楚其二年七月丙子火與水晨出東方因守斗占曰其國絕祀至其十二月水火合於斗占曰爲卒不可舉事用兵必受其殃一曰爲北軍用兵舉事大敗斗吳也又爲粵是歲彗星出西南其三月立六皇子爲王王淮陽汝南河間臨江長沙廣川其三年吳楚膠西膠東淄川濟南趙七國反吳楚兵先至攻梁膠西膠東淄川三國攻圍齊漢遣大將軍周亞夫等戍止河南呂候吳楚之敝遂敗之吳王亡走粵粵攻而殺之平陽侯敗三國之師于叁咸伏其辜叁王自殺漢兵呂水攻趙城城壞王自殺六月立皇子二人楚元王子一人爲王王膠西中山楚

徙濟北爲淄川王淮陽爲魯王汝南爲江都王七月兵罷天狗下  
占爲破軍殺將狗又守禦類也天狗所降曰戒守禦吳楚攻梁  
堅城守遂伏尸流血其下

三年填星在婁幾入還居奎奎魯也占曰其國得地爲得填是歲  
魯爲國

四年七月癸未火入東井行陰又曰九月己未入輿鬼戊寅出占  
曰爲誅罰又爲火災後二年有栗氏事其後未央東闕災

中元年填星當在觜觶參去居東井占曰亡地不廼有女憂其三  
年正月丁亥金木合於觜觶爲白衣之會三月丁酉彗星夜見西  
北色白長丈在觜觶且去益小十五日不見占曰必有破國亂君  
伏死其辜觜觶梁也其五月甲午金木俱在東井戊金去木留守  
之二十日占曰傷成於戊木爲諸侯誅將行於諸侯也其六月壬

戊蓬星見西南在房南去房可二丈大如二斗器色白癸亥在心  
東北可長丈所甲子在尾北可六丈丁卯在箕北近漢稍小且去  
時大如桃壬申去凡十日占曰蓬星出必有亂臣房心閒天子宮  
也是時梁王欲爲漢嗣使人殺漢爭臣袁盎漢按誅梁大臣斧戍  
用梁王恐懼布車入關伏斧戍謝罪然後得免

中三年十一月庚午夕金火合於虛相去一寸占曰爲鑠爲喪虛  
齊也

四年四月丙申金木合於東井占曰爲白衣之會并秦也其五年  
四月乙巳水火合於參占曰國不吉參梁也其六年四月梁孝王  
死五月城陽王濟陰王死六月成陽公主死出入三月天子四衣

白臨邸第

後元年五月壬午火金合於輿鬼之東北不至柳出輿鬼北可五



寸占曰爲鑠有喪興鬼秦也丙戌地大動鈴鈴然民大疫死棺貴  
至秋止

孝武建元三年三月有星孛於注張歷太微干紫宮至於天漢春  
秋星孛於北斗齊魯晉之君皆將死亂今星孛歷五宿其後濟東  
膠西江都王皆坐法削黜自殺淮陽衡山謀反而誅

三年四月有星孛於天紀至織女占曰織女有女變天紀爲地震  
至四年十月而地動其後陳皇后廢六年熒惑守輿鬼占曰爲火  
變有喪是歲高園有火災竇太后崩

元光元年六月客星見于房占曰爲兵起其二年十一月單于將  
十萬騎入武州漢遣兵三十餘萬已待之元光中天星盡摺上已  
問候星者對曰星摺者民勞也後伐四夷百姓勞于兵革

元鼎五年太白入于天苑占曰將呂馬起兵也一曰馬將呂軍而

死耗其後呂天馬故誅大宛馬大死於軍

元鼎中熒惑守南斗占曰熒惑所守爲亂賊喪兵守之久其國絕祀南斗越分也其後越相呂嘉殺其王及太后漢兵誅之滅其國元封中星孛于河戍占曰南戍爲越門北戍爲胡門其後漢兵擊拔朝鮮已爲樂浪玄菟郡朝鮮在海中越之象也居北方胡之域也

太初中星孛于招搖傳曰客星守招搖蠻夷有亂民死君其後漢兵擊大宛斬其王招搖遠夷之分也

孝昭始元中漢宦者梁成恢及燕王候星者吳莫如見蓬星出西方天市東門行過河鼓入營室中恢曰蓬星出六十日不出三年下有亂臣戮死於市後太白出西方下行一舍復上行二舍而下去太白血兵上復下將有戮死者後太白出東方入咸池東下入

東井人臣不忠有謀上者後太白入太微西藩第一星北出東藩第一星北東下去太微者天廷也太白行其中宮門當閉大將被甲兵邪臣伏誅熒惑在婁逆行至奎法曰當有兵後太白入昴莫如曰蓬星出西方當有大臣戮死者太白星入東井太微廷出東門漢有死將後熒惑出東方守太白兵當起主人不勝後流星下燕萬載宮極東去李奇曰極屋梁也三輔間名為極或曰極棟也三輔間名棟為極尋棟東去也延篤謂之堂前闌楯也法曰國恐有誅其後左將軍桀票騎將軍安與長公主燕刺王謀作亂咸伏其辜兵誅烏桓

元鳳四年九月客星在紫宮中斗樞極間占曰為兵其五年六月發三輔郡國少年詣北軍五年四月燭星見奎婁間占曰有土功胡人死邊城和其六年正月築遼東玄菟城二月度遼將軍范明友擊烏桓還

元平元年正月庚子日出時有黑雲狀如焱風亂鬣音舜轉出西北東南行轉而西有頃亡占曰有雲如衆風是謂風師法有大兵其後兵起烏孫五將征匈奴

二月甲申晨有大星如月有衆星隨而西行乙酉牂雲如狗赤色長尾三枚夾漢西行大星如月大臣之象衆星隨之衆皆隨從也天文曰東行爲順西行爲逆此大臣欲行權曰安社稷占曰太白散爲天狗爲卒起卒起見禍無時臣運柄牂雲爲亂君到其四月昌邑王賀行淫辟立二十七日大將軍霍光白皇太后廢賀

三月丙戌流星出翼軫東北干太微入紫宮始出小且入大有光人有頃聲如雷三鳴止占曰流星入紫宮天下大凶其四月癸未宮車晏駕

孝宣本始元年四月壬戌甲夜辰星與參出西方其二年七月辛

亥夕辰星與翼出皆爲蚤占曰大臣誅其後熒惑守房之鉤鈴鉤

鈴天子之御也

晉灼曰上言房爲天駟其陰右驂旁有二星曰鈴故曰天子御也

占曰不太僕則奉車不黜

卽死也房心天子宮也房爲將相心爲子屬也其地宋今楚彭城

也

四年七月甲辰辰星在翼月犯之占曰兵起上卿死將相也是日

熒惑入輿鬼天質占曰大臣有誅者名曰天賊在大人之側

地節元年正月戊午乙夜月食熒惑

孟康曰凡星入月見月中爲星食月月奄星星滅爲月食星

熒惑在

角亢占曰憂在宮中非賊而盜也有內亂讒臣在旁其辛酉熒惑

入氐中氐天子之宮熒惑入之有賊臣其六月戊戌甲夜客星又

居左右角間東南指長可二尺色白占曰有姦人在宮廷間其丙

寅又有客星見貫索東北南行至七月癸酉夜入天市芒炎東南

指其色白占曰有戮卿一曰有戮王期皆一年遠二年是時楚王

延壽謀逆自殺

四年故大將軍霍光夫人顯將軍霍禹范明友奉車霍山及諸昆弟賓婚爲侍中諸曹九卿郡守皆謀反咸伏其辜

黃龍元年三月客星居王梁東北可九尺長丈餘西指出閣道間至紫宮其十二月宮車晏駕

元帝初元元年四月客星大如瓜色青白在南斗第二星東可四尺占曰爲水飢其五月勃海水大溢六月關東大飢民多餓死琅邪郡人相食

二年五月客星見昴分居卷舌東可五尺青白色炎長三寸占曰天下有妄言者其十二月鉅鹿都尉謝君男詐爲神人論死父免

官孟康曰姓謝名君男者兒也不記其名直言男耳

五年四月彗星出西北赤黃色長八尺所後數日長丈餘東北指

在參分後二歲餘西羌反

孝成建始元年九月戊子有流星出文昌色白光燭地長可四丈  
大一圍動搖如龍虵形有頃長可五六丈大四圍所詘折委曲貫  
紫宮西在斗西北子亥間後詘如環北方不合留一合所占曰文  
昌爲上將貴相是時帝舅王鳳爲大將軍其後宣帝舅子王商爲  
丞相皆貴重任政鳳妬商譖而罷之商自殺親屬皆廢黜

四年七月熒惑踰歲星居其東北半寸所如連李時歲星在關星  
西四尺所熒惑初從畢口大星東東北往數日至往疾去遲占曰  
熒惑與歲星鬪有病君飢歲至河平元年三月旱傷麥民食榆皮  
二年十二月壬申太皇太后避時昆明東觀

如道曰食貨志武帝修昆明池  
列觀環之或曰卽病謝君男故

避其  
時

十一月乙卯月食填星星不見時在輿鬼西北八九尺所占日月

食填星流民千里

河平元年三月流民入函谷關

河平二年十月下旬填星在東井軒轅南端大星尺餘歲星在其西北尺所熒惑在其西北二尺所皆從西方來填星貫輿鬼先到歲星次熒惑亦貫輿鬼十一月上旬歲星熒惑西去填星皆西北逆行占曰三星若合是謂驚位是謂絕行外內有兵與喪改立王公其十一月丁巳夜郎王歆大逆不道牂柯太守立捕殺歆

三年九月甲戌東郡莊平男子侯母辟兄弟五人羣黨爲盜攻燔官寺縛縣長吏盜取印綬自稱將軍三月辛卯左將軍千秋卒右將軍史丹爲左將軍四年四月戊申梁王賀薨

陽朔元年七月壬子月犯心星占曰其國有憂若有大喪房心爲宋今楚地十一月辛未楚王友薨



四年閏月庚午飛星大如缶出西南入斗下占曰漢使匈奴明年  
鴻嘉元年正月匈奴單于雕陶莫臯死五月甲午遣中郎將楊興  
使弔

永始二年二月癸未夜東方有赤色大三四圍長二三丈索索如  
樹南方有大四五圍下行十餘丈皆不至地滅占曰東方客之變  
氣狀如樹木曰此知四方欲動者明年十二月己卯尉氏男子樊  
並等謀反賊殺陳留太守嚴普及吏民出囚徒取庫兵劫略令丞  
自稱將軍皆誅死庚子山陽鐵官亡徒蘇令等殺傷吏民篡出囚  
徒取庫兵聚黨數百人爲大賊踰年經歷郡國四十餘一日有兩  
氣同時起並見而並令等同月俱發也

元延元年四月丁酉日蝕時天暝晏殷如雷聲有流星頭大如  
缶長十餘丈皎然赤白色從日下東南去四面或大如盂或如雞

子耀耀如雨下至昏止郡國皆言星隕春秋星隕如雨爲王者失  
執諸侯起伯之異也其後王莽遂顛國柄王氏之興萌於成帝是  
已有星隕之變後莽遂篡國

綏和元年正月辛未有流星從東南入北斗長數十丈二刻所息  
占曰大臣有繫者其年十一月庚子定陵侯淳于長坐執左道下  
獄死

二年春熒惑守心二月乙丑丞相翟方進欲塞災異自殺三月丙  
戌宮車晏駕

哀帝建平元年正月丁未日出時有著天白氣廣如一匹布長十  
餘丈西南行謹如雷西南行一刻而止名曰天狗傳曰言之不從  
則有犬禍詩妖到其四年正月二月三月民相驚動謹譁奔走傳  
行詔籌祠西王母又曰從目人當來

十二月白氣出西南從地上至天出參下貫天厠廣如一匹布長十餘丈十餘日去占曰天子有陰病其三年十一月壬子太皇太后詔曰皇帝寬仁孝順奉承聖緒靡有解怠而久病未瘳夙夜惟思殆繼體之君不宜改作春秋大復古其復甘泉泰畤汾陰后土如故

二年二月彗星出牽牛七十餘日傳曰彗所已除舊布新也牽牛日月五星所從起歷數之元三正之始彗而出之改更之象也其出久者爲其事大也其六月甲子夏賀良等建言當改元易號增漏刻詔書改建平二年爲太初元將元年號曰陳聖劉太平皇帝刻漏已百二十爲度八月丁巳悉復蠲除之賀良及黨與皆伏誅流放其後卒有王莽篡國之禍

元壽元年十一月歲星入太微逆行干右執法占曰大臣有憂執

殺  
法者誅若有罪二年十月戊寅高安侯董賢免大司馬位歸第自

天文志第六 終

金陵書局  
汲古閣本

漢書二十六

正義大夫行祕書少監琅邪縣開國子顏師古注

易曰天垂象見吉凶聖人象之河出圖雒出書聖人則之師古曰上繫之辭也

則效也劉歆曰為慮義氏繼天而王師古曰慮讀與伏同受河圖則而畫之八卦是

也師古曰放效河圖而畫八卦也禹治洪水賜雒書法而陳之洪範是也師古曰取法雒書而陳洪範也聖

人行其道而寶其真降及于殷箕子在父師位而典之師古曰父師即太師殷之三公也箕子紂之諸父而為太師故曰父師

周既克殷曰箕子歸武王親虛已而問焉故經曰惟

十有三祀王訪于箕子師古曰祀年也商曰祀自王廼言曰烏呼箕子惟

天陰隲下民相協厥居我不知其彝倫道敘服虔曰隲音陟也應劭曰陰覆也陟升也相助也協和也倫理

也攸所也言天覆下民王者當助天居我不知居天常理所次序也師古曰隲音質隲定也協和也天不言而默定下人助合其居箕子廼言曰我聞在

昔鯀陘洪水汨陳其五行應劭曰陘塞也汨亂也水性流行而鯀障塞之失其本性其餘所陳列皆亂故曰亂陳五行也師古曰汨音骨帝

乃震怒弗畀洪範九疇彝倫道敘師古曰帝謂上帝即天也震動也畀與也系疇類也九類即九章也數敗也音丁故反鯀

則殛死禹迺嗣興

師古曰殛誅也見樂而殛殛音居力反

天迺錫禹洪範九疇彝倫道敘

師古

曰自此以上洪範之文

此武王問雒書於箕子箕子對禹得雒書之意也初一日

五行

師古曰謂之行

次二曰羞用五事

師古曰羞進也

次三曰農用八政

張晏曰農食之本食

為八政首故以農為名也師古曰此說非也農厚也券明義例皆同非田農之義也

次四曰財用五紀

應劭曰財合也合成五行為之條紀也師古曰財讀曰叶和也

次五曰建用皇極

應劭曰皇太極中也

次六曰艾用三德

應劭曰艾治也治大中之道用三德也師古曰艾讀曰艾

次

七曰明用稽疑

應劭曰疑事明考之於蓍龜

次八曰念用庶徵

師古曰念思也庶眾也徵應也

次九曰嚮

用五福畏用六極

應劭曰天所以嚮樂人用五福所以畏懼人用六極

凡此六十五字皆雒書本文

所謂天迺錫禹大法九章常事所次者也已為河圖雒書相為經

緯八卦九章相為表裏昔殷道弛文王演周易

師古曰演廣也更廣其文也演音弋善反

周道

敝孔子述春秋則乾坤之陰陽效洪範之咎徵天人之道粲然著

矣漢興承秦滅學之後景武之世董仲舒治公羊春秋始推陰陽

為儒者宗宣元之後劉向治穀梁春秋數其駭福傳以洪範

師古曰駭古文

禍字以洪範義傳而說之傳字或作傳讀曰附謂附著與仲舒錯師古曰錯互不同也至向子歆治左氏傳其春秋

意亦已乖矣言五行傳又頗不同是已監音來監仲舒別向歆師古曰監字與

傳監音來傳載眭孟夏侯勝京房谷永李尋之徒所陳行事師古曰眭音息

訖于王莽舉十二世曰傳春秋著于篇師古曰傳讀曰附謂比附其事

經曰初一日五行五行一日水二曰火三曰木四曰金五曰土水

曰潤下火曰炎上師古曰皆水火自然之性也木曰曲直師古曰言可操而曲可矯而直金曰從革張晏曰革更也

可更銷鑄也土爰稼穡師古曰爰亦曰也一說爰於也可於傳曰田獵不宿服虔曰不得其時也或曰

不豫戒曰不宿不戒以其時也飲食不享師古曰不行享獻之禮也出入不節奪民農時及有姦謀李奇曰姦謀增

賦履畝之事也臣瓚曰姦謂邪謀也師古曰卽下所謂作為姦詐以奪農時李說是則木不曲直說曰木東方也於易地

上之木為觀師古曰坤下巽上觀巽為木故云地上之木也其於王事威儀容貌亦可觀者也故

行步有佩玉之度師古曰玉佩上有雙衡下有雙璜琚瑀以維之衡牙玼珠以納其間右

也璜音黃琚音居瑀音禹玼音步千反登車有和鸞之節師古曰和鈴也以金為之施於衡上鸞亦以金為鸞鳥而銜鈴焉施於轡上動皆有聲以為舒疾之

節田狩有二驅之制師古曰謂田獵三驅也三驅之禮一為乾豆二為賓客三為充君之庖也飲食有享獻之禮師古

曰以禮飲食謂之享出入有名使民曰時務在勸農桑謀在安百姓如此師古

則木得其性矣若廼田獵馳騁不反宮室飲食沈湎不顧法度師古

酒謂溺於酒食妄興繇役曰奪民時作為姦詐曰傷民財則木失其性師古

矣蓋工匠之為輪矢者多傷敗如滑曰擦輪不曲矯矢不直也及木為變怪臣瓚曰梓柱更生及變為人形

是為木不曲直春秋成公十六年正月雨木冰劉歆曰為上陽

施不下通下陰施不上達故雨而木為之冰霧氣寒師古曰木不曲

直也劉向曰為冰者陰之盛而水滯者也木者少陽貴臣卿大夫

之象也此人將有害則陰氣協木木先寒故得雨而冰也是時叔

孫喬如出奔公子偃誅死師古曰叔孫喬如叔孫宣伯也通於宣公夫人穆姜謀欲作亂不克而出奔齊公子偃宣公庶子成公弟也豫喬如

之謀故見誅事師古曰行父季一曰時晉執季孫行父又執公此執辱之異師古曰行父季

並在十六年冬師古曰行父季秋公會晉侯于沙隨晉受喬如之譖而止師古曰行父季或曰今之長老名木冰為木介介者

公是年九月又信喬如之譖而執行父也師古曰行父季



甲甲兵象也是歲晉有陽陵之戰楚王傷目而敗師古曰晉楚戰于陽陵呂錡射恭王中目陽陵

鄭地屬常雨也

傳曰棄法律逐功臣殺太子曰妾為妻則火不炎上說曰火南方

揚光輝為明者也其於王者南面鄉明而治師古曰鄉讀曰嚮書云知人則

愆能官人師古曰虞書咎繇謨之辭愆智也故堯舜舉羣賢而命之朝師古曰謂優高

下遠四佞而放諸壑師古曰四佞即四凶也遠離也壑古野字孔子曰浸潤之譖膚受之訴不

行焉可謂明矣師古曰論語載孔子之言也浸潤言積漸也膚受謂初入皮膚以至骨髓也賢佞分別官人有序帥

由舊章師古曰帥循也由從也用也敬重功勳殊別適庶師古曰適讀曰嫡如此則火得其性

矣若迺信道不篤師古曰篤厚也或耀虛偽讒夫昌邪勝正則火失其性矣

自上而降及濫炎妄起師古曰炎讀曰燄災宗廟燒宮館雖興師衆弗能救

也是為火不炎上春秋桓公十四年八月壬申御廩災董仲舒曰

為先是四國其伐魯大破之於龍門韋昭曰魯郭門百姓傷者未瘳怨咎未

復而君臣俱惰內怠政事外侮四隣非能保守宗廟終其天年者

也故天災御廩曰戒之劉向曰為御廩夫人八妾所舂米之臧曰

奉宗廟者也師古曰一娶九女正嫡一人餘者妾也故云八妾時夫人有淫行師古曰謂通於齊侯挾逆心師古曰謂欲弑

桓天戒若曰夫人不可曰奉宗廟桓不寤與夫人俱會齊師古曰十八年春公會齊

侯于濼公與夫人姜氏遂如齊也夫人譖桓公於齊侯師古曰言世子同非吾子齊侯之子齊侯殺桓公師古曰齊侯享公公

醉使公子彭生乘公拉其幹而殺之公薨於車劉歆曰為御廩公所親耕藉田曰奉桑盛者也師古曰黍

稷曰黍在器曰盛也棄法度亡禮之應也嚴公二十年夏齊大災師古曰嚴公謂莊公也避明帝諱故

改曰嚴凡漢書載諡姓為嚴者皆類此劉向曰為齊桓好色聽女口曰妾為妻適庶數更師古曰

曰更改也桓公之夫人三王姬徐贏蔡姬皆無子而桓公好內多寵內嬖如夫人者六人長衛姬生公子無虧即武孟也少衛姬生惠公鄭姬生孝公葛嬴生昭公密姬生懿公宋華子生公子雍

公與管仲屬孝公於宋襄公以為太子易牙有寵於衛恭姬因寺人貂以薦羞於公請立武孟公許之管仲卒五公子皆求立適讀曰嫡下亦同數音所角反故致太災桓

公不寤及死適庶分爭九月不得葬師古曰魯僖十七年齊桓公卒易牙入因內寵以殺羣吏立無虧孝公奔宋十八年

齊立孝公不勝四公子之徒遂與宋人戰敗齊師于鹹立孝公而還八月葬桓公是為過於九月乃得葬也公羊傳曰大災疫也董仲舒

立孝公而還八月葬桓公是為過於九月乃得葬也

呂爲魯夫人淫於齊齊桓姊妹不嫁者七人國君民之父母夫婦

生化之本本傷則末天故天災所予也李奇曰以爲疫殺其民人釐公二十年五月

巳酉西宮災師古曰釐讀曰僖後皆類此穀梁呂爲愍公宮也呂諡言之則若疏故

謂之西宮劉向呂爲釐立妾母爲夫人呂入宗廟師古曰僖公之母謂戚風也本非正嫡僖既爲

君而母遂同夫人禮文四年經書夫人風氏薨五年王使榮叔歸含且賵是也故天災愍宮若曰去其卑而親者將害

宗廟之正禮師古曰愍公於僖公爲弟故云卑董仲舒呂爲釐娶於楚而齊媵之魯公

使立呂爲夫人師古曰僖公初聘楚女爲嫡齊女爲媵時齊先致其女魯魯使立爲夫人事見公羊穀梁傳西宮者小寢夫人

之居也若曰妾何爲此宮誅去之意也呂天災之故大之曰西宮

也左氏呂爲西宮者公宮也言西知有東東宮太子所居言宮舉

區皆災也宣公十六年夏成周宣榭火師古曰公羊經也成周洛陽也榭者所呂臧樂

器宣其名也董仲舒劉向呂爲十五年王札子殺召伯毛伯師古曰王札子

即王子捷也召伯毛伯周二大夫也召讀曰邵後皆類此天子不能誅天戒若曰不能行政令何呂禮樂

爲而滅之左氏經曰成周宣榭火人火也人火曰火天火曰災榭

者講武之坐屋成公三年二月甲子新宮災穀梁曰爲宣宮不言

諡恭也劉向曰爲時魯三桓子孫始執國政宣公欲誅之恐不能

使大夫公孫歸父如晉謀未反宣公死三家譖歸父於成公成公

父喪未葬聽讒而逐其父之臣使奔齊師古曰三桓謂孟孫叔孫季孫三家俱出桓公之子也公孫歸父東門襄仲之

子也歸父欲去三桓以張公室與宣公謀而聘于晉欲以晉人去之而宣公故天災宣宮

明不用父命之象也師古曰赤一曰三家親而亡禮猶宣公殺子赤而立

文公太子卽子惡也宣公文公之庶子襄仲殺赤而立宣公亡禮而親天災宣廟欲示去三家也董仲舒

曰爲成居喪亡哀戚心數興兵戰伐師古曰謂元年作巳甲一年季孫行父帥師會晉卻克及齊侯戰于鞌三年叔孫僑

如帥師故天災其父廟示失子道不能奉宗廟也一曰宣殺君而立

不當列於羣祖也襄公九年春宋災劉向曰爲先是宋公聽讒逐

其大夫華弱出奔魯師古曰華弱華耦之孫也與樂轡少相狎長相優又相謗轡以弓枯弱于朝未平公怒逐之遂來奔事在襄公六年左氏

傳曰宋災樂喜為司城

師古曰師城本司空避武公之諱故改其官為司城

先使火所未至徹小屋

師古曰恐火及之故徹去

塗大屋

師古曰大屋難徹故以泥塗之令火至不可焚

陳舂輦

應劭曰舂草籠也讀與本同輦所以與土也師古曰輦音居玉反

具繩缶

師古曰繩汲索也缶即盎也繩音工杏反

備水器

師古曰營釜之屬也許氏說文解字曰營備火金之長頸餅也

畜水潦積土

塗

師古曰潦行潦也蓄讀曰蓄蓄謂障渴聚之也塗泥也

繕守備

師古曰繕謂補修之也修守禦之備恐因火有它故也

表火道

師古曰火之所起之

道皆立標記也

儲正徒

師古曰儲待也正徒役徒也待音丈紀反

郊保之民使奔火所

師古曰郊保之民謂郊野之外保聚者也使奔火所

其救災也

又飭眾官各慎其職

師古曰飭讀與赤同 曾侯聞之問士弱曰

師古曰士弱音大夫士莊伯 宋

災於是乎知有天道何故對曰古之火正或食於心或食於味呂

出入火

師古曰味音竹救反

是故味為鶉火心為大火陶唐氏之火正闕伯居

商丘祀大火而火紀時焉相土因之故商主大火商人閱其飢敗

之釁必始於火是曰知有天道公曰可必乎對曰在道國亂亡象

不可知也

韋昭曰大亂之君天不復告故無象

說曰古之火正謂火官也掌祭火星行火

政季春昏心星出東方而味七星鳥首正在南方則用火季秋星

入則止火。呂順天時，救民疾。帝嚳則有祝融堯時，有闕伯。民賴其

德，死則呂為火祖，配祭火星。故曰：或食於心，或食於味也。相土商

祖契之曾孫。師古曰：契讀曰偃，音先列反，字或作尙，其用同耳。據諸典籍，相土即尙之孫，今云曾孫未詳其意。代闕伯後，主火星

宋其後也。世司其占，故先知火災。賢君見變，能修道。呂除凶亂，君

亡象，天不譴，告故不可必也。三十年五月甲午，宋災。董仲舒曰：為

伯姬如宋五年，宋恭公卒。師古曰：伯姬魯宣公女，恭姬也。成九年歸于宋十五年而宋公卒。今云如宋五年，則是轉寫誤。伯姬幽

居守節三十餘年，又憂傷國家之患，禍積陰生，陽故火生災也。劉

向曰：為先是宋公聽讒而殺太子痤。師古曰：痤，宋平公太子也。寺人惠牆伊戾譖太子云與楚客盟，平公殺之。事在襄二十六年。

年，痤音在戈反。應火不炎上之罰也。左氏傳：昭公六年六月丙戌，鄭災。是春

三月，鄭人鑄刑書。士文伯曰：火見，鄭其火乎？師古曰：士文伯，晉大夫伯暇也。火未出而

作火，呂鑄刑器，臧爭，辟焉。師古曰：著刑於鼎，故稱刑。器法設下爭，故云爭辟。火而象之不火，何為

說曰：火星出於周五月，而鄭呂三月作火鑄鼎，刻刑辟書。呂為民

約是爲刑器爭辟故火星出與五行之火爭明爲災其象然也又

棄法律之占也不書於經時不告魯也九年夏四月陳火師古曰公羊傳董

仲舒曰爲陳夏徵舒殺君楚嚴王託欲爲陳討賊陳國闢門而待

之至因滅陳師古曰夏徵舒陳卿夏南卽少西氏也徵舒之母通于靈公靈公飲酒于夏氏徵舒射而殺之楚子爲夏氏亂故伐陳謂陳人無動將討於少西氏遂入陳殺

陳事在宣十年十一年陳臣子尤毒恨甚極陰生陽故致火災劉向曰爲

先是陳侯弟招殺陳太子偃師師古曰招謂陳哀公之弟偃師卽哀公子也哀公有癘疾招殺太子而立公子留事在昭八年招音

韶皆外事不因其宮館者略之也八年十月壬午楚師滅陳師古曰莊王初

雖縣陳納申叔時之諫乃復封陳至此時陳又爲楚靈王所滅春秋不與蠻夷滅中國故復書陳火也師古曰九年火

時陳已爲楚縣猶追書陳國者以楚蠻夷不許其滅中夏之國左氏經曰陳災傳曰鄭裨竈曰五年陳將復

封師古曰裨竈鄭大夫封五十二年而遂亡子產問其故對曰陳水屬也火水

妃也而楚所相也今火出而火陳逐楚而建陳也妃呂五成故曰

五年歲五及鶉火而後陳卒亡楚克有之天之道也說曰顓頊曰

水王陳其族也

師古曰陳舜後也舜本出顓頊

今茲歲在星紀後五年在大梁大梁昴

也金爲水宗得其宗而昌故曰五年陳將復封楚之先爲火正故

曰楚所相也天曰一生水地曰二生火天曰三生木地曰四生金

天曰五生土五位皆曰五而合而陰陽易位故曰妃曰五成然則

水之大數六火七木八金九土十故水曰天一爲火二牡木曰天

三爲土十牡土曰天五爲水六牡火曰天七爲金四牡金曰天九

爲木八牡陽奇爲牡陰耦爲妃

師古曰奇音居宜反

故曰水火之牡也火水妃

也於易坎爲水爲中男離爲火爲中女蓋取諸此也自大梁四歲

而及鶉火四週四十八歲凡五及鶉火五十二年而陳卒亡火盛

水衰故曰天之道也哀公十七年七月己卯楚滅陳昭十八年五

月壬午宋衛陳鄭災董仲舒曰爲象王室將亂天下莫救故災四

國言亡四方也又宋衛陳鄭之君皆荒淫於樂不恤國政與周室



同行陽失節則火災出是曰同日災也劉向曰為宋陳王者之後

師古曰宋微子啟本出殷陳胡公滿有虞苗裔皆王者之後衛鄭周同姓也師古曰衛康叔文王之弟時周景王老

劉子單子事王子猛師古曰劉子劉獻公擊也單子穆公旗也皆周大夫也猛景王太子單音善尹氏召伯毛伯事

王子鼂師古曰尹氏文公圍也召伯莊公奭也毛伯毛得也皆周大夫也于鼂景王庶子也鼂古朝字子鼂楚之出也師古曰姊妹之子曰出及

宋衛陳鄭亦皆外附於楚亡尊周室之心後三年景王崩王室亂

故天災四國天戒若曰不救周反從楚廢世子立不正曰害王室

明同舉也定公二年五月雉門及兩觀災師古曰雉門公宮南門也兩觀謂闕董仲舒劉

向曰為此皆奢僭過度者也先是季氏逐昭公昭公死于外師古曰謂薨于

乾定公即位既不能誅季氏又用其邪說淫於女樂而退孔子師古曰

曰齊人歸女樂季桓子勸定公受之君臣相與觀之廢朝禮三日孔子乃行天戒若曰去高顯而奢僭者一曰門闕

號令所由出也今舍大聖而縱有舉亡曰出號令矣京房易傳曰

君不思道厥妖火燒宮哀公三年五月辛卯桓釐宮災董仲舒劉

向弓爲此二宮不當立違禮者也哀公又曰季氏之故不用孔子

孔子在陳聞魯災曰其桓釐之宮乎弓爲桓季氏之所出釐使季

氏世卿者也四年六月辛丑亳社災師古曰亳社殷社也董仲舒劉向弓爲亡

國之社所弓爲戒也師古曰存其社者欲使君常思敬慎懼危亡也天戒若曰國將危亡不用戒

矣春秋火災屢於定哀之間不用聖人而縱驕臣將弓亡國不明

甚也一曰天生孔子非爲定哀也蓋失禮不明火災應之自然象

也高后元年五月丙申趙叢臺災劉向弓爲是時呂氏女爲趙王

后嫉妒將爲讒口弓害趙王王不寤焉卒見幽殺惠帝四年十月

乙亥未央宮凌室災師古曰臧冰之室也丙子織室災師古曰織作之室劉向弓爲元年呂

太后殺趙王如意殘戮其母戚夫人是歲十月壬寅太后立帝姊

魯元公主女爲皇后其乙亥凌室災明日織室災凌室所弓供養

飲食織室所弓奉宗廟衣服與春秋御廩同義天戒若曰皇后亡

奉宗廟之德將絕祭祀其後皇后亡子後宮美人有男太后使皇

后名之而殺其母惠帝崩嗣子立有怨言太后廢之更立呂氏子

弘為少帝賴大臣共誅諸呂而立文帝惠后幽廢文帝七年六月

癸酉未央宮東闕梁思災師古曰梁思闕之屏也解具在文紀劉向言為東闕所言朝諸

侯之門也梁思在其外諸侯之象也漢興大封諸侯王連城數十

文帝即位賈誼等言為違古制度必將叛逆先是濟北淮南王皆

謀反其後吳楚七國舉兵而誅景帝中五年八月己酉未央宮東

闕災先是栗太子廢為臨江王師古曰景帝太子栗姬所生謂之栗太子言罪徵詣中尉自殺

丞相條侯周亞夫言不合旨稱疾免後二年下獄死武帝建元六

年六月丁酉遼東高廟災四月壬子高園便殿火董仲舒對曰春

秋之道舉往言明來是故天下有物視春秋所舉與同比者師古曰比類也

音必精微眇言存其意通倫類言貫其理天地之變國家之事粲然

皆見亡所疑矣按春秋魯定公哀公時季氏之惡已孰師古曰孰成也而孔

子之聖方盛夫昌盛聖而易孰惡季孫雖重魯君雖輕其勢可成

也故定公二年五月兩觀災兩觀僭禮之物師古曰兩觀天子之制也天災之者若

曰僭禮之臣可去已見舉徵而後告可去此天意也定公不知

省師古曰省省察也至哀公三年五月桓宮釐宮災二者同事所為一也若曰

燔貴而去不義云爾師古曰燔音煩哀公未能見故四年六月亳社災兩觀

桓釐廟亳社四者皆不當立天皆燔其不當立者以示魯欲其去

亂臣而用聖人也季氏亡道久矣前是天不見災者魯未有賢聖

臣雖欲去季孫其力不能昭公是也師古曰前是謂此時之前也見顯示也音胡電反次下並同至定哀

廼見之其時可也不時不見天之道也今高廟不當居遠東高園

殿不當居陵旁於禮亦不當立與魯所災同其不當立久矣至於

陛下時天廼災之者殆亦其時可也昔秦受亡周之敝而亡已化

之漢受亡秦之敝又亡呂化之夫繼二敝之後承其下流兼受其

猥難治甚矣

師古曰猥積也謂積敝也

又多兄弟親戚骨肉之連驕揚奢侈

師古曰揚謂振揚張大也

恣睢者衆

服虔曰自恣意怒貌也師古曰睢首呼季反

所謂重難之時者也陛下正當大敝之

後又遭重難之時甚可憂也故天災若語陛下當今之世雖敝而

重難非呂太平至公不能治也視親戚貴屬在諸侯遠正最甚者

忍而誅之

師古曰遠離也謂離正道者也

如吾燔遼高廟廼可視近臣在國中處旁仄

及貴而不正者忍而誅之

師古曰仄古側字

如吾燔高園殿廼可云爾在外

而不正者雖貴如高廟猶災燔之況諸侯乎在內不正者雖貴如

高園殿猶燔災之況大臣乎此天意也舉在外者天災外舉在內

者天災內燔甚罪當重燔簡罪當輕承天意之道也先是淮南王

安入朝始與帝舅太尉武安侯田蚡有逆言其後膠西于王趙敬

肅王常山憲王皆數犯法或至夷滅人家藥殺二千石而淮南衡

山王遂謀反膠東江都王皆知其謀陰治兵弩欲呂應之至元朔

六年廼發覺而伏辜時田蚡已死不及誅上思仲舒前言使仲舒

弟子呂步舒持斧鉞治淮南獄呂春秋誼顛斷於外不請師古曰顛與專同不

請者不奏待報既還奏事上皆是之太初元年十一月乙酉未央宮柏梁臺

災先是大風發其屋夏侯始昌先言其災日後有江充巫蠱衛太

子事征和二年春涿郡鐵官鑄鐵銷皆飛上去此火為變使之

然也其三月涿郡太守劉屈釐為丞相後月巫蠱事興帝女諸邑

公主陽石公主師古曰諸琅邪之縣也公主所食曰邑故謂之諸邑陽石北海之縣字亦作羊丞相公孫賀子太僕敬

聲平陽侯曹宗等皆下獄死七月使者江充掘蠱太子宮太子與

母皇后議恐不能自明乃殺充舉兵與丞相劉屈釐戰死者數萬

人太子敗走至湖自殺師古曰湖縣名也即今闕鄉湖城二縣界明年屈釐復坐祝禳要斬

師古曰禮古詛字也音側據反妻梟首也成帝河平二年正月沛郡鐵官鑄鐵不下

隆隆如雷聲又如鼓音工十三人驚走音止還視地地陷數尺鑪

分爲十一鑪中銷鐵散如流星皆上去與征和二年同象其夏帝

舅五人封列侯號五侯

師古曰譚商立  
根逢時比五人

元舅王鳳爲大司馬大將軍秉

政後二年丞相王商與鳳有隙鳳譖之免官自殺明年京兆尹王

章訟商忠直言鳳顛權鳳誣章以大逆梟下獄死妻子徙合浦後

許皇后坐巫蠱廢而趙飛燕爲皇后妹爲昭儀賊害皇子成帝遂

亡嗣皇后昭儀皆伏辜一曰鐵飛屬金不從革昭帝元鳳元年燕

城南門災劉向曰爲時燕王使邪臣通於漢爲讒賊謀逆亂南門

者通漢道也天戒若曰邪臣往來爲姦讒於漢絕亡之道也燕王

不寤卒伏其辜元鳳四年五月丁丑孝文廟正殿災劉向曰爲孝

文太宗之君與成周宣榭火同義先是皇后父車騎將軍上官安

安父左將軍桀謀爲逆大將軍霍光誅之皇后以光外孫年少不

知居位如故光欲后有子因上侍疾醫言禁內後宮皆不得進唯

皇后顓寢皇后年六歲而立十三年而昭帝崩遂絕繼嗣光執朝

政猶周公之攝也是歲正月上加元服師古曰謂冠也通詩尙書有明慙之

性光亡周公之德秉政九年久於周公上既已冠而不歸政將為

國害故正月加元服五月而災見古之廟皆在城中孝文廟始出

居外天戒若曰去貴而不正者宣帝既立光猶攝政驕溢過制至

妻顯殺許皇后光聞而不討後遂誅滅宣帝甘露元年四月丙申

中山太上皇廟災甲辰孝文廟災元帝初元三年四月乙未孝武

園白鶴館災劉向曰為先是前將軍蕭望之光祿大夫周堪輔政

為佞臣石顯許章等所譖望之自殺堪廢黜明年白鶴館災園中

五里馳逐走馬之館師古曰五里者言其周迴五里不當在山陵昭穆之地天戒若曰

去貴近逸遊不正之臣將害忠良後章坐走馬上林下烽馳逐免



官

孟康曰夜於上林苑下舉火馳射也燎或作燒  
晉灼曰冠首曰烽競走曰逐師古曰孟說是

永光四年六月甲戌孝宣杜陵

園東闕南方災劉向昌爲先是上復徵用周堪爲光祿勳及堪弟

子張猛爲太中大夫石顯等復譖毀之皆出外遷是歲上復徵堪

領尚書猛給事中石顯等終欲害之園陵小於朝廷闕在司馬門

中內臣石顯之象也孝宣親而貴闕法令所從出也天戒若曰去

法令內臣親而貴者必爲國害後堪希得進見因顯言事事決顯

口堪病不能言顯誣告張猛自殺於公車成帝卽位顯卒伏辜成

帝建始元年正月乙丑皇考廟災初宣帝爲昭帝後而立父廟於

禮不正是時大將軍王鳳顓權擅朝甚於田蚡將害國家故天於

元年正月而見象也其後寢盛師古曰寢古浸字浸漸也五將世權遂曰亡道孟康

王五大司馬也師古

日謂鳳音商根莽也

鴻嘉三年八月乙卯孝景廟北闕災十一月甲寅許

日謂

皇后廢永始元年正月癸丑大官凌室災戊午戾后園南闕災是

時趙飛燕大幸許后既廢上將立之故天見象於凌室與惠帝四年同應戾后衛太子妾遭巫蠱之馱宣帝既立追加尊號於禮不正又戾后起於微賤與趙氏同天戒若曰微賤亡德之人不可以奉宗廟將絕祭祀有凶惡之馱至其六月丙寅趙皇后遂立姊妹驕妒賊害皇子卒皆受誅永始四年四月癸未長樂宮臨華殿及未央宮東司馬門災六月甲午孝文霸陵園東闕南方災長樂宮成帝母王太后之所居也未央宮帝所居也霸陵太宗盛德園也是時太后三弟相續秉政師古曰謂陽平侯鳳安陽侯音成都侯商相代爲大司馬舉宗居位充塞朝廷兩宮親屬將害國家師古曰謂太后家王氏皇后家趙氏故云兩宮親屬故天象仍見師古曰仍重也明年成都侯商薨弟曲陽侯根代爲大司馬秉政後四年根乞骸骨薦兄子新都侯莽自代遂覆國焉哀帝建平三年正月癸卯桂宮鴻宣殿災帝祖母傅太后之所居也時傅太后欲與成帝母等號齊尊

大臣孔光師丹等執政曰為不可太后皆免官爵遂稱尊號後三

年帝崩傅氏誅滅平帝元始五年七月己亥高皇帝原廟殿門炭

盡師古曰原廟重廟也高皇帝廟在長安城中後曰叔孫通譏復道故復起原

廟於渭北非正也是時平帝幼成帝母王太后臨朝委任王莽將

篡絕漢墮高祖宗廟師古曰墮毀也竟災規反故天象見也其冬平帝崩明年葬居

攝因曰篡國後卒夷滅

傳曰治宮室飾臺榭師古曰臺有室曰榭內淫亂犯親戚侮父兄則稼穡不成

說曰土中央生萬物者也其於王者為內事宮室夫婦親屬亦相

生者也古者天子諸侯宮廟大小高卑有制后夫人媵妾多少進

退有度九族親疏長幼有序孔子曰禮與其奢也寧儉師古曰論語載孔子之言也若

不得禮之中而失於奢則不如儉故禹卑宮室師古曰論語載孔子曰禹吾無間然矣卑宮室而盡力乎溝洫謂勤於治水而所居狹陋也文王刑

于寡妻師古曰大雅思齊之詩云刑于寡妻至于兄弟以御於家邦刑法也寡妻謂正嫡也御治也此美文王以禮法接待其妻旁及兄弟宗族又廣以政教治家邦此聖

人之所曰昭教化也師古曰昭明也如此則土得其性矣若廼奢淫驕慢則

土失其性亡水旱之災而草木百穀不孰是為稼穡不成嚴公二

十八年冬大水亡麥禾董仲舒以為夫人哀姜淫亂師古曰哀姜莊公夫人齊女也逆

陰氣故大水也劉向曰為水旱當書不書水旱而曰大亡麥禾者

土氣不養稼穡不成者也是時夫人淫於二叔內外亡別師古曰二叔謂莊公二弟

仲慶父及叔牙又因凶飢一年而三築臺師古曰謂三十一年春築臺于郎夏築臺于薛秋築臺于秦也即薛秦皆魯地也故應

是而稼穡不成飾臺榭內淫亂之罰云遂不改寤四年而死師古曰莊公三

十二年薨距大水無麥禾凡四歲也既流一世師古曰謂子般及閔公皆殺死奢淫之患也

傳曰好戰攻輕百姓飾城郭侵邊境則金不從革說曰金西方萬

物既成殺氣之始也故立秋而鷹隼擊秋分而微霜降其於王事

出軍行師把旄杖鉞誓士眾抗威武所曰征畔逆止暴亂也詩云

有虔秉鉞如火烈烈師古曰商頌長發之詩也虔固也此美殷湯典師出征固持其鉞以誅有罪威力猛盛如火熾烈又曰載戢

干戈載櫜弓矢

師古曰周頌時邁之詩也載櫜也櫜箱也言天下太平兵不復用故戢櫜而櫜也

動靜應誼說以犯難

民忘其死

師古曰言以和悅使人難犯危難不顧其生也易兌卦象曰說以犯難人忘其死故引之也說讀曰悅

金得其性矣若廼

貪欲恣睢務立威勝

師古曰睢音呼季反

不重民命則金失其性蓋工冶鑄金

鐵金鐵冰滯涸堅不成者衆

師古曰涸讀與近同近疑也音下故反春秋左氏傳曰固陰沍寒

及為變怪是

為金不從革左氏傳曰昭公八年春石言於晉晉平公問於師曠

師古曰晉掌樂大夫

對曰石不能言神或馮焉作事不時怨讎動於民

師古曰讎痛怨之言

也音讀

則有非言之物而言今宮室崇侈民力彫盡怨讎並興莫信其

性

師古曰信猶保也性生也一說信讀曰申言不得申其性命也石之言不亦宜乎於是晉侯方築虎祁之

宮

師古曰虎祁地在絳西臨汾水虎音斯

叔向曰君子之言信而有徵

師古曰叔向晉大夫羊舌肸也向音許兩反字亦作嚮其音同

劉歆曰為金石同類是為金不從革失其性也劉向曰為石白色

為主屬白祥成帝鴻嘉三年五月乙亥天水冀南山大石鳴

師古曰天水之

冀縣南山也

聲隆隆如雷有頃止聞平襄二百四十里

韋昭曰墊雞皆鳴師古

曰雉也石長丈三尺廣厚略等師古曰廣及厚皆如其長旁著岸脅去地二百餘丈民

俗名曰石鼓石鼓鳴有兵是歲廣漢鉗子謀攻牢師古曰鉗子謂鉗徒也牢係重囚之處纂

死臯囚鄭躬等盜庫兵劫略吏民衣繡衣自號曰山君黨與寤廣

師古曰明年冬廼伏誅自歸者三千餘人後四年尉氏樊並等謀反

殺陳畱太守嚴普自稱將軍山陽亡徒蘇令等黨與數百人盜取

庫兵經歷郡國四十餘皆踰年廼伏誅是時起昌陵作者數萬人

徙郡國吏民五千餘戶以奉陵邑作治五年不成廼罷昌陵還徙

家師古曰初徙人陪昌陵者今皆還其本居石鳴與晉石言同應師曠所謂民力彫盡傳云輕

百姓者也虜祁離宮去絳都四十里昌陵亦在郊墜皆與城郭同

占城郭屬金宮室屬土外內之別云

傳曰簡宗廟不禱祠廢祭祀逆天時則水不潤下說曰水北方終

臧萬物者也其於人道命終而形臧精神放越聖人爲之宗廟曰

收魂氣春秋祭祀已終孝道王者卽位必郊祀天地禱祈神祇望

秩山川懷柔百神亡不宗事師古曰懷來也柔安也謂招來而祭祀之使其安也宗尊也慎其齊戒致其

嚴敬鬼神歆饗多獲福助此聖王所已順事陰氣和神人也至發

號施令亦奉天時十二月咸得其氣則陰陽調而終始成如此則

水得其性矣若廼不敬鬼神致令逆時則水失其性霧水暴出百

川逆溢壞鄉邑溺人民及淫雨傷稼穡是爲水不潤下京房易傳

曰顛事有知誅罰絕理厥災水其水也雨殺人已隕霜大風天黃

飢而不損茲謂泰厥災水水殺人辟遇有德茲謂狂應劭曰辟天子也

用也師古曰厥災水水流殺人已水則地生蟲歸獄不解茲謂追非李

過音一易反曰歸罪過於民不罪已也張晏曰謂釋有罪之人而歸無辜者也解止也追非遂非也

厥水寒殺人追誅不解茲謂不理厥

水五穀不收大敗不解茲謂皆陰解舍也王者於大敗誅首惡赦

其衆不則皆函陰氣師古曰函厥水流入國邑隕霜殺穀桓公元年

秋大水董仲舒劉向曰為桓弒兄隱公民臣痛隱而賤桓後宋督

弒其君師古曰宋華父督為太宰諸侯會將討之師古曰謂齊陳鄭也桓受宋賂而歸師古

曰謂部又背宋諸侯由是伐魯仍交兵結讐伏尸流血百姓愈怨師古

大鼎曰桓會宋公者五與宋公燕人盟已而背盟伐宋宋公燕人怨而求助齊衛助之桓公懼而會紀侯鄭伯及四國之師大戰故十三年夏復大水一

曰夫人驕淫將弒君陰氣盛桓不寤卒弒死師古曰已劉歆曰為桓

易許田不祀周公師古曰許田魯朝宿之邑而有周公別號桓既篡位遂言許田與鄭而取鄭之祔田故云不祀周公廢祭祀之罰

也嚴公七年秋大水亡麥苗董仲舒劉向曰為嚴母文姜與兄齊

襄公淫其殺威公嚴釋父讐復取齊女未入先與之淫一年再出

會於道逆亂臣下賤之師古曰應也十一年秋宋大水董仲舒曰為時

魯宋比年為乘丘鄆之戰師古曰比年頻年也莊十年公敗宋師于乘丘十一年公敗宋師于鄆乘丘鄆魯地鄆首子移反百姓

愁怨陰氣盛故二國俱水劉向曰為時宋愍公驕慢睹災不改明

年與其臣宋萬博戲婦人在側矜而罵萬萬殺公之應師古曰萬宋大夫也戰敗獲于



魯復歸宋又為大夫與慙公兩婦人在側萬曰甚矣魯侯之淑魯侯之美天下諸侯宜為君者唯魯侯耳慙公於此婦人妒其言願曰此虜也爾虜焉故魯侯之美惡乎至萬怒搏慙公絕其脰而死事在莊十二年

二十四年大水董仲舒曰為夫人哀姜淫亂不婦陰氣盛也

劉向曰為哀姜初入公使大夫宗婦見用幣師古曰宗婦同姓之婦也大夫妻及宗婦見夫人者皆令執幣

又淫於二叔公弗能禁臣下賤之故是歲明年仍大水師古曰劉是踰禮也

飲曰為先是嚴飾宗廟刻桷丹楹曰夸夫人臣贊曰桷椽也章昭曰楹柱也師古曰莊公二十三年丹楹

楹二十四年刻桓宮稱將迎夫人故為盛飾簡宗廟之罰也師古曰簡慢也宣公十年秋大水飢董仲舒

曰為時比伐邾取邑師古曰比類也九年秋取根牟公羊傳曰根牟者何邾婁之邑也十年公孫歸父帥師伐邾取釋故云比年也亦見報

復兵讐連結百姓愁怨劉向曰為宣公殺子赤而立子赤齊出也師古曰赤母姜氏赤死姜氏大歸齊市人皆哭魯人謂之哀姜

故懼曰濟西田賂齊師古曰宣既即位與齊侯會于平州以定其位元年六月齊人取濟西田為立公邾子獲且亦齊出也師古曰獲且邾文公之子邾定公也亦齊女所生獲音俱碧反又音獲且音子余反而宣比

與邾交兵師古曰比類也臣下懼齊之威創邾之旼師古曰創懲也音初亮反皆賤公行而

非其正也成公五年秋大水董仲舒劉向曰為時成幼弱政在大

夫前此一年再用師師古曰成三年春公會晉侯宋公衛侯曹伯伐鄭秋叔孫僑如帥師圍棘是也明年復城鄆以疆

私家師古曰四年城鄆鄆季氏邑音運仲孫蔑叔孫僑如顓會宋晉陰勝陽師古曰仲孫蔑孟獻子也成五年

年春仲孫蔑如宋夏叔孫僑如會晉荀首于穀顓與專同專者不秉命于公襄公二十四年秋大水董仲舒曰為先

是一年齊伐晉襄使大夫帥師救晉師古曰襄二十三年秋齊伐衛遂伐晉八月叔孫豹帥師救晉次于雍榆後

又侵齊師古曰二十四年仲孫羯帥師侵齊國小兵弱數敵疆大百姓愁怨陰氣盛劉向

曰為先是襄慢鄰國是曰邾伐其南師古曰十五年邾人伐我南邾是也齊伐其北師古曰十六年

齊人伐我北邾是也莒伐其東師古曰十二年莒人伐我東邾是也百姓騷動後又仍犯疆齊也師古曰十八年公會

晉侯宋公衛侯鄭伯同圍齊二十三年救晉二十四年又侵齊是重犯也大水饑穀不成其災甚也高后三年夏漢

中南郡大水水出流四千餘家四年秋河南大水伊雒流千六百

餘家汝水流八百餘家八年夏漢中南郡水復出流六千餘家南

陽沔水流萬餘家師古曰沔漢水之上也音瀾善反是時女主獨治諸呂相王文帝後三

年秋大雨晝夜不絕三十五日藍田山水出流九百餘家燕壤民

室八千餘所殺三百餘人先是趙人新垣平曰望氣得幸爲上立

渭陽五帝廟欲出周鼎己夏四月郊見上帝師古曰事並見郊祀志歲餘懼誅謀

爲逆發覺要斬夷三族是時比再遣公主配單于賂遺甚厚師古曰比類也

高祖使劉敬奉宗室女翁主爲冒頓單于閼氏冒頓死其子老上單于初立文帝復遣宗人女爲單于閼氏匈奴愈驕侵犯北邊殺略多

至萬餘人漢連發軍征討戍邊元帝永光五年夏及秋大水潁川

汝南淮陽廬江雨壞鄉聚民舍及水流殺人先是一年有司奏罷

郡國廟是歲又定迭毀師古曰親盡則毀故云迭毀事在章玄成傳迭音大結反罷太上皇孝惠帝寢

廟皆無復修通儒曰爲違古制刑臣石顯用事師古曰石顯宦者故曰刑臣成帝建

始三年夏大水三輔霖雨三十餘日郡國十九雨山谷水出凡殺

四千餘人壞官寺民舍八萬三千餘所元年有司奏徙甘泉泰畤

河東后土于長安南北郊二年又罷雍五畤郡國諸舊祀凡六所

五行志第七上終

金陵書局印  
汲古閣本

漢書二十七

五行志第七中之上

漢書二十七

正議大夫行祕書少監琅邪縣開國子顏師古注

經曰羞用五事五事一曰貌二曰言三曰視四曰聽五曰思應劭曰思思慮

貌曰恭言曰從視曰明聽曰聰思曰容應劭曰容通也古文作書恭作肅從作艾師古

曰艾讀曰又又明作慤聰作謀應劭曰上聰則下謀故聰為謀也容作聖張晏曰容通達以至於聖休徵孟康曰善行之

也曰肅時雨若應劭曰居上而敬則雨順之艾時陽若應劭曰君政治則陽順之慤時與若應劭曰慤明也師古曰與讀曰

煥煥溫也音於六反其下亦同謀時寒若聖時風若師古曰凡言時者皆謂行得其道則寒暑風雨以時應而順之咎徵師古曰言惡行之驗

曰狂恒雨若僭恒陽若應劭曰僭僭差舒恒與若急恒寒若霽恒風若服虔曰霽音人

備霽應劭曰人君設霽鄙吝則風不順之也師古曰凡言恒者謂所行者失道則寒暑風雨不時而恒久為災也霽音莫豆反備設竝音構又音寇傳曰貌之不恭

是謂不肅厥咎狂厥罰恒雨厥極惡時則有服妖時則有龜孽師古

曰孽音魚列反其下竝同時則有雉死師古曰厥與禍同時則有下體生上之痾韋昭曰若牛之足反出背上下欲伐上之

福也師古曰痾音阿時則有青青吉祥李奇曰內曰皆外曰祥唯金沴水服虔曰沴害也如滄曰說曰

說曰

凡草物之類謂之妖妖猶天胎言尙微

師古曰天音烏老反

蟲豸之類謂之孽

師古曰有足謂之蟲無足謂之豸

孽則牙孽矣及六畜謂之既言其著也及人謂之痾

痾病貌言寤深也

師古曰寤漸也

甚則異物生謂之眚自外來謂之祥祥猶

禎也氣相傷謂之沴沴猶臨莅不和意也每一事云時則已絕之

言非必俱至或有或亡或在前或在後也孝武時夏侯始昌通五

經善推五行傳曰傳族子夏侯勝下及許商皆以教所賢弟子其

傳與劉向同唯劉歆傳獨異貌之不禁是謂不肅肅敬也內曰恭

外曰敬人君行已體貌不恭怠慢驕蹇則不能敬萬事失在狂易

故其咎狂也

師古曰狂易謂狂而易其常性

上嫚下暴則陰氣勝故其罰常雨也水傷

百穀衣食不足則姦軌竝作故其極惡也一曰民多被刑或形貌

醜惡亦是也風俗狂慢變節易度則為剽輕奇怪之服

師古曰剽音匹妙反

有服妖水類動故有龜孽

如瘡曰河魚大上呂為魚孽之比

於易巽為雞雞有冠距文

武之貌不爲威儀貌氣毀故有雞旤一曰水歲雞多死及爲怪亦是也上失威儀則下有彊臣害君上者故有下體生於上之痾木色青故有青眚青祥凡貌傷者病木氣木氣病則金沴之衝氣相通也於易震在東方爲春爲木也兌在西方爲秋爲金也離在南方爲夏爲火也坎在北方爲冬爲水也春與秋日夜分寒暑平是巳金木之氣易巳相變故貌傷則致秋陰常雨言傷則致春陽常旱也至於冬夏日夜相反寒暑殊絕水火之氣不得相併故視傷常與聽傷常寒者其氣然也逆之其極曰惡順之其福曰攸好德

孟康曰政不順則致妖順則致福也師古曰攸所也所好者德也

劉歆貌傳曰有鱗蟲之孽羊旤鼻痾說巳

爲於天文東方辰爲龍星故爲鱗蟲於易兌爲羊木爲金所病故致羊旤與常雨同應此說非是春與秋氣陰陽相敵木病金盛故能相并唯此一事耳旤與妖痾祥眚同類不得獨異史記

師古曰此志凡稱史

記者謂司馬遷所撰也 成公十六年公會諸侯于周單襄公見晉厲公視遠步高

師古曰單襄公周卿士單子朝也晉厲公景公之子也名州蒲單音善 告公曰晉將有亂魯侯曰敢問天道也抑

人故也 師古曰抑發語辭也 對曰吾非瞽史 師古曰瞽樂太師史太史 焉知天道吾見晉君之容

殆必禍者也夫君子目已定體足已從之 師古曰體定則目安足之進退皆無違也 是已觀其

容而知其心矣目已處誼足已步目 師古曰視瞻得其宜行步中其節也 晉侯視遠而足

高目不在體而足不步目其心必異矣目體不相從何已能久夫

合諸侯民之大事也於是虜觀存亡故國將無咎其君在會步言

視聽必皆無謫則可已知德矣 師古曰謫責也無謫謂得其義理無可咎責也 視遠曰絕其誼足

高曰棄其德言爽曰反其信 師古曰爽差也 聽淫曰離其名 師古曰淫和也 夫目已處

誼足已踐德 師古曰踐履也所履皆德行也 口已庇信 師古曰庇覆也言行相覆則為信矣 耳已聽名者也故不

可不慎偏喪有咎 師古曰苟喪其一則有咎 既喪則國從之 師古曰既盡也若盡喪之則國亦亡 晉侯爽二

吾是已云 張晏曰視遠一也步高一也 後二年晉人殺厲公凡此屬皆貌不恭之咎



云左氏傳桓公十三年楚屈瑕伐羅鬪伯比送之師古曰屈瑕即莫蹠也

在南郡枝江西還謂其馭曰莫蹠必敗師古曰莫蹠楚官名也字或作敖其音高舉止高心不固矣師古曰止足也

遽見楚子呂告師古曰遽速也楚子使賴人追之弗及莫蹠行遂無次且不

設備師古曰無次不為次列也及羅羅人軍之大敗莫蹠縊死釐公十一年周使內

史過賜晉惠公命師古曰內史過周大夫晉惠公夷吾也諸侯即位天子則賜命圭曰為瑞受玉惰師古曰不敬其事也過歸告

王曰晉侯其無後乎王賜之命而惰於受瑞先自棄也已其何繼

之有禮國之幹也敬禮之與也師古曰無禮則國不立故謂之幹無敬則禮不行故比之於與不敬則禮不

行禮不行則上下昏何呂長世二十一年晉惠公卒子懷公立晉

人殺之更立文公成公十三年晉侯使卻錡乞師于魯將事不敬

師古曰卻錡晉大夫駒伯也乞師欲自伐秦也將事致其君命也錡音牛爾反孟獻子曰卻氏其亡乎師古曰孟獻子仲孫蔑禮身之

幹也敬身之基也師古曰無禮則身不立不敬則身不安也卻子無基且先君之嗣卿也受命

呂求師將社稷是衛而惰棄君命也不亡何為十七年卻氏亡成

公十三年諸侯朝王遂從劉康公伐秦成肅公受賑于社不敬賑虔

祭社之肉也盛曰蠶器故謂之賑師古曰劉康公成肅公皆周大夫也賑讀與蠶同以出師而祭社謂之宜賑者即宜社之肉也蠶大蛤也音上忍反劉子曰吾聞之

曰民受天地之中曰生所謂命也師古曰劉子即康公也中謂中和之氣是曰有禮義動作

威儀之則曰定命也能者養曰之福不能者敗曰取既師古曰之往也能養生者則定

禮義威儀自致於福不能者則喪之以取禍亂是故君子勤禮小人盡力勤禮莫如致敬盡力莫

如惇篤敬在養神篤在守業國之大事在祀與戎祀有執膳戎有

受賑難劬曰腦祭肉也師古曰交古曰膳音扶元反神之天節也師古曰交神之節今成子惰棄其命矣其不

反虞五月成肅公卒成公十四年衛定公享苦成叔甯惠子相師古曰定

公名臧苦成叔晉大夫御犖也晉使御犖如衛故苦成叔敖師古曰教讀曰傲其下並同甯子曰苦

成家其亡虞古之為享食也曰觀威儀省甌福也師古曰食讀曰飢故詩曰

匪觥其觶旨酒思柔匪傲匪傲萬福來求張晏曰觥罰罰也飲酒和柔無失禮可罰罰徒觥然而已應劭曰

言在位者不傲訐不倨傲也師古曰小雅桑扈之詩也傲謂傲倖也萬福言其多也謂飲酒者不傲倖不傲慢則福祿就而求之也觥音蚪傲音工堯反今夫子傲取

既之道也後三年苦成家亡

師古曰十七年晉攻御氏長魚矯呂弋殺御錡御舉御至而滅其家

襄公七年衛孫

文子聘于魯君登亦登

師古曰文子衛大夫孫林父也禮之登階臣後君一等

叔孫穆子相

師古曰穆子叔孫豹趨

進曰諸侯之會寡君未嘗後衛君今吾子不後寡君寡君未知所

過吾子其少安

師古曰安徐也

孫子亡辭亦亡悛容

師古曰悛改也音千金反

穆子曰孫子必

亡為臣而君過而不悛亡之本也十四年孫子逐其君而外叛

師古曰逐

其君謂衛獻公出奔齊也外叛謂以滅叛之

襄公二十八年蔡景侯歸自晉入于鄭

師古曰景侯名固文侯之子也

鄭伯享之不敬子產曰蔡君其不免

師古曰言不免於禍

日其過此也君使子

展往勞于東門而敖

師古曰謂往日始適晉之時也子展鄭大夫公孫舍之

吾曰猶將更之

師古曰更改也今還

受享而惰迺其心也

師古曰言心之所常行也

君小國事大國

師古曰言身為小國之君而事于大國

而惰

敖曰為己心將得死虜君若不免必由其子淫而不父

師古曰通太子之妻如

是者必有子既三十年為世子般所殺

師古曰般讀與班同

襄公三十一年公

薨季武子將立公子稠

師古曰稠襄公之子齊歸所生稠音直雷反

穆叔曰是人也居喪而不

哀在感而有嘉容是謂不度不度之人鮮不為患師古曰穆叔即叔孫穆子也不度不遵禮度也

鮮少也音先淺反若果立必為季氏憂武子弗聽卒立之比及葬三易衰衰

衽如故衰師古曰衣前曰衽言游戲無已也比音必寐反衰音于回反衽音人禁反是為昭公立二十五年聽讒攻

季氏兵敗出奔死于外師古曰謂薨于乾侯襄公三十一年衛北宮文子見楚

令尹圍之儀師古曰北宮文子衛大夫也名佗令尹圍即公子圍楚恭王之子也時為令尹文子從衛侯在楚故見之言於衛侯曰令尹

似君矣將有它志師古曰謂有為君之心言語視瞻非其常雖獲其志弗能終也公曰子何曰

知之對曰詩云敬慎威儀惟民之則師古曰大雅抑之詩也則法也言君能慎其威儀乃臣下所法效之令尹

無威儀民無則焉民所不則曰在民上不可曰終師古曰遂言殺君篡國而取敗於乾谿也昭

公十一年夏周單子會於戚師古曰單子周大夫單成公也戚衛地視下言徐應劭曰視下視不登帶言徐不聞於表著

晉叔向曰單子其死虜師古曰叔向晉大夫羊舌肸也向音許兩反朝有著定師古曰朝內列位有定處所謂表著者也著音

直庶反又音除會有表師古曰會於野設表曰為位衣有繪帶有結師古曰繪領之交會也結紳帶之結也繪音工外反會朝之

言必聞于表著之位所曰昭事序也師古曰昭明也視不過結繪之中所曰

道容貌也

師古曰道讀曰導其下並同

言曰命之容貌曰明之失則有闕今單子為

王官伯

師古曰伯長也

而命事於會視不登帶言不過步貌不道容而言不

昭矣不道不恭不昭不從無守氣矣

師古曰貌正曰恭言正曰從

十二月單成公卒

昭公二十一年三月葬蔡平公蔡太子朱失位位在卑

師古曰不在正嫡之位而以長

幼序

魯大夫送葬者歸告昭子

師古曰昭子叔孫婁

昭子歎曰蔡其亡虜若不亡

是君也必不終詩曰不解於位民之攸慝

師古曰大雅假樂之詩也慝息也言在上者能率位不怠則其臣下

持曰安息也解讀曰懈慝音許既反

今始即位而適卑身將從之十月蔡侯朱出奔楚晉

魏舒合諸侯之大夫于翟泉

應劭曰水名今洛陽是也師古曰魏舒晉卿魏獻子也事在定公元年志不書者蓋闕文

將曰城

成周魏子泣政

師古曰謂代天子大夫為政以臨其事

衛彪僂曰將建天子而易位以令非

誼也

師古曰僂衛大夫建天子謂立天子之居也僂音奚

大事奸誼必有大咎

師古曰奸犯也音干

晉不失諸侯魏

子其不免虜是行也魏獻子屬役於韓簡子

師古曰簡子亦晉卿韓不信以城周之功役委簡子也屬音之

欲而田於大陸焚焉而死

師古曰高平曰陸因放火田獵而見燒殺也說者或以為大陸即鉅鹿北大陸澤也據會於狄泉則其所田處固當

在近非大

定公十五年邾隱公朝於魯執玉高其容仰公受玉卑其

容俯

師古曰隱公邾子益也玉謂朝者之贊

子贛觀焉

師古曰子贛孔子弟子端木賜也贛音貢

曰曰禮觀之二君者

皆有死亡焉夫禮死生存亡之體也將左右周旋進退俯仰於是

虛取之朝祀喪戎於是虛觀之今正月相朝而皆不度心已亡矣

師古曰不度不合法度

嘉事不體何曰能久

師古曰嘉事嘉禮之事謂朝祀也不體不得身體之節

高仰驕也卑俯

替也

師古曰替廢脩也

驕近亂替近疾君為主其先亡

師古曰是年五月定公薨哀公七年秋伐邾已邾子

蓋來

恒雨劉歆曰為春秋大雨也劉向曰為大水隱公九年

三月癸酉大雨震電庚辰大雨雪

師古曰雨雪雨首于具反

大雨雨水也

師古曰下雨音于具反後類並

同 震雷也劉歆曰為三月癸酉於歷數春分後一日始震電之時

也當雨而不當大雨大雨常雨之罰也於始震電八日之間而大

雨雪常寒之罰也劉向曰為周三月今正月也當雨水雪雜雨雪

電未可曰發也既已發也則雪不當復降皆失節故謂之異於易

雷已二月出其卦曰豫

師古曰坤下震上也

言萬物隨雷出地皆逸豫也己八

月入其卦曰歸妹

師古曰兌下震上也

言雷復歸入地則孕毓根核保藏蟄蟲

師古曰毓字與育同核亦蓂字也草根曰蓂音該

避盛陰之害出地則養長華實發揚隱伏宣盛

陽之德入能除害出能興利人君之象也是時隱己弟桓幼代而

攝立公子翬見隱居位已久勸之遂立

師古曰公子翬魯大夫羽父也勸殺威公已求為太宰翬音揮隱既

不許翬懼而易其辭

師古曰反謂桓公云隱欲殺之

遂與桓共殺隱天見其將然故正

月大雨水而雷電是陽不閉陰出涉危難而害萬物天戒若曰為

君失時賊弟佞臣將作亂矣後八日大雨雪陰見閒隙而勝陽篡

殺之既將成也公不寤後二年而殺昭帝始元元年七月大水雨

自七月至十月成帝建始三年秋大雨三十餘日四年九月大雨

十餘日左氏傳愍公二年晉獻公使太子申生帥師

師古曰以伐東山臯落氏

公衣

之偏衣佩之金玦

師古曰偏衣謂左右異色其半象公之服也金玦呂金為玦也半環曰玦

狐突歎曰時事之徵也

衣身之章也佩衷之旗也

師古曰狐突晉大夫伯行時為太子御戎也徵證也章明也旗表也衣所以明貴賤佩所以表中心

故敬

其事則命已始

師古曰賞以春夏

服其身則衣之純

師古曰壹其色

用其衷則佩之度

師古曰佩玉者君子之常德

今命已時卒闕其事也

應劭曰卒盡也闕閉也謂十二月盡時也

衣已危服遠其躬

也

師古曰危雜色也謂偏衣也遠音于萬反其下並同

佩已金玦棄其衷也服已遠之時已闕之危

涼冬殺金寒玦離胡可恃也

師古曰涼薄也危色不能純故曰薄也冬主殺氣金行在西是謂之寒玦形半缺故云離

梁餘子

養曰帥師者受命于廟受賑於社有常服矣

師古曰梁餘子養百大夫也時為下軍御軍之常服則韋弁

弗獲而危命可知也死而不孝不如逃之罕夷曰危奇無常金玦

不復君有心矣

應劭曰奇奇怪非常意復反也金玦猶玦去不反意也師古曰罕夷音大夫時為下軍卿也有心害太子之心也復音扶目反

後四年

申生曰讒自殺近服妖也左氏傳曰鄭子臧好聚鵠冠

張晏曰鵠鳥赤足黃文以其毛

飾冠韋昭曰鵠今翠鳥也師古曰子臧鄭文公子也鵠大鳥即戰國策所云鵠也天之將雨鵠則知之翠鳥自有鵠名而此飾冠非翠鳥也逸周書曰知天文者冠鵠冠蓋以鵠鳥知天時故也禮圖謂之術氏

冠鵠音聿又音術鄭文公惡之使盜殺之

師古曰時已得罪出奔宋故使盜殺之於陳宋之間

劉向曰為近

服妖者也一曰非獨為子臧之身亦文公之戒也初文公不禮晉



文師古曰晉文公之爲公子也避驪姬之難而出奔欲之楚過鄭鄭不禮焉又犯天子命而伐滑師古曰僖二十四年鄭公子士及堵俞彌帥師

伐滑王使伯服游孫伯如鄭請滑鄭伯不聽而執二子不尊尊敬上其後晉文伐鄭幾亡國師古曰僖三十年晉侯秦伯圍

鄭佚之狐曰國危矣使燭之武見秦伯師乃退也綫音鉅依反昭帝時昌邑王賀遣中大夫之長安多治仄

注冠應劭曰今法冠是也李奇曰一曰高山冠本齊冠也謁者服之師古曰仄古側字也謂之側注者言形側立而下注也蔡邕云高九尺鐵爲卷非法冠及高山也卷音去權反呂

賜大臣又曰冠奴劉向曰爲近服妖也時王賀狂悖師古曰悖或也音布內反聞天

子不豫師古曰言有疾不悅豫也弋獵馳騁如故與騶奴宰人游居娛戲

驕嫚不敬師古曰驕殿御也宰人主膳者也娛樂也戲音僖冠者尊服奴者賤人賀無故好作非

常之冠暴尊象也曰冠奴者當至尊墜至賤也師古曰墜墮也音道類反其後帝

崩無子漢大臣徵賀爲嗣卽位狂亂無道縛戮諫者夏侯勝等於

是大臣白皇太后廢賀爲庶人賀爲王時又見大白狗冠方山冠

而無尾鄧展曰方山冠以五采數爲之樂舞人所服此服妖亦犬旤也賀曰問郎中令龔遂遂

曰此天戒言在仄者盡冠狗也師古曰言王左右侍側之人不識禮義苦狗而著冠者耳冠音工與反其下亦同去之

則存不去則亡矣賀既廢數年宣帝封之為列侯復有臯死不得

置後又犬旤無尾之效也京房易傳曰行不順厥咎人奴冠天下

亂辟無適如消曰辟君也適適子也師古曰辟音璧適讀曰嫡妾子拜如消曰無適子故也又曰君不正臣欲篡厥

妖狗冠出朝門成帝鴻嘉永始之間好為微行出游選從期門郎

有材力者及私奴客多至十餘少五六人皆白衣袒幘師古曰袒幘不加上冠帶

持刀劍或乘小車御者在茵上蘇林曰茵車上尊也御者錯亂更在茵上坐也師古曰車小故御者不得迴避而在天子茵上也茵音因

或皆騎出入市里郊墜遠至旁縣時大臣車騎將軍王音及劉向

等數已切諫谷永曰易稱得臣無家師古曰損卦上九爻辭言王者臣天下無私

家也今陛下棄萬乘之至貴樂家人之賤事厭高美之尊稱好匹

夫之卑字如消曰稱張放家人是為卑字師古曰為微行故變易姓名崇聚票輕無誼之人已為私客師古曰票

音匹妙反又音類妙反置私田於民間畜私奴車馬於北宮數去南面之尊離深

宮之固挺身獨與小人晨夜相隨師古曰挺身引也烏集醉飽吏民之家師古曰乍合乍

離如鳥

亂服共坐溷肴亡別

師古曰溷肴謂雜亂也溷音胡困反

閔勉遜樂晝夜在路

師古曰閔勉猶

勉言不息也遜樂言流遜為樂也

典門戶奉宿衛之臣執干戈守空宮公卿百寮不知

陛下所在積數年矣昔虢公為無道有神降曰賜爾土田

師古曰春秋左氏傳莊公

三十二年有神降于莘虢公使祝應宗區史歸享焉神賜之土田史歸曰彼其亡乎

言將曰庶人受土田也諸侯夢得土

田為失國祥

師古曰僖五年晉滅虢據公醜奔京師

而況王者畜私田財物為庶人之事乎

左氏傳曰周景王時大夫賓起見雄雞自斷其尾

師古曰賓起即賓孟

劉向曰

為近雞旤也是時王有愛子子鼂王與賓起陰謀欲立之

師古曰子鼂王之庶

長子田于北山將因兵眾殺適子之黨

師古曰適讀曰嫡嫡子王子猛反後為悼王子猛之黨謂劉獻公單穆公

未及

而崩三子爭國王室大亂其後賓起誅死

師古曰三子謂子鼂子猛及子猛弟敬王可也劉子遂攻賓起殺之事並

在昭公二十二年

子鼂奔楚而敗

師古曰昭二十六年邵伯盈逐王子鼂子鼂奔楚定公五年王人殺之于楚

京房易傳曰有始

無終厥妖雄雞自齧斷其尾宣帝黃龍元年未央殿輅軫中雌雞

化為雄

孟康曰輅軫殿名也師古曰百官表太僕屬官有輅軫丞輅與路同軫音零

毛衣變化而不鳴不將無距

師古曰將

謂率領其羣也距雞附足骨鬪時所用刺之師古曰至時而鳴元帝初元中丞相府史家雌雞伏子漸化為雄師古曰初尚伏子後乃稍稍化為雄也伏音房富反

冠距鳴將永光中有獻雄雞生角者京房易傳曰

雞知時知時者當死房曰為已知時恐當之劉向曰為房失雞占

雞者小畜主司時起居人師古曰至時而鳴小臣執事為政之象也言

小臣將秉君威曰害正事猶石顯也竟宣元年石顯伏辜此其效

也一曰石顯何足曰當此昔武王伐殷至于牧豎誓師曰古人有

言曰牝雞無晨牝雞之晨惟家之索今殷王紂惟婦言用師古曰周書牧誓之

辭晨謂晨時鳴也索盡也言婦人為政猶雌雞而代雄鳴是喪家之道也索音思各反繇是論之師古曰繇讀與由同黃龍初元永光雞

變廼國家之占妃后象也孝元王皇后曰甘露二年生男立為太

子妃王禁女也黃龍元年宣帝崩太子立是為元帝王妃將為皇

后故是歲未央殿中雌雞為雄明其占在正宮也不鳴不將無距

貴始萌而尊未成也至元帝初元元年將立王皇后先曰為婕妤

三月癸卯制書曰其封婕妤父丞相少史王禁為陽平侯位特進

丙午立王婕妤為皇后明年正月立皇后子為太子故應是丞相

府史家雌雞為雄其占即丞相少史之女也伏子者明已有子也

冠距鳴將者尊已成也永光二年陽平項侯禁薨子鳳嗣侯為侍

中衛尉元帝崩皇太子立是為成帝尊皇后為皇太后已后弟鳳

為大司馬大將軍領尚書事上委政無所與師古曰與讀曰豫言政皆出鳳天子不豫王氏之

權自鳳起故於鳳始受爵位時雄雞有角明視作威師古曰視讀曰示顓君

害上師古曰顓與專同其下類此危國者從此人始也其後羣弟世權已至於莽遂

篡天下即位五年王太后廼崩此其效也京房易傳曰賢者居明

夷之世知時而傷師古曰易之明夷卦曰明入地中明夷夷傷也離下坤上言日在地中傷其明也知時謂知天時者也賢而被傷故取明夷之義或眾

在位師古曰言虛偽無實之人矯惑於眾在職位也厥妖雞生角雞生角時主獨又曰婦人顓政

國不靜牝雞雄鳴主不榮故房言為已亦在占中矣成公七年正

月鼯鼠食郊牛角

師古曰鼯小鼠也即今所謂甘鼠者音突

改卜牛又食其角劉向曰為近青

祥亦牛既也不敬而備霽之所致也昔周公制禮樂成周道故成

王命魯郊祀天地曰尊周公至成公時三家始顓政魯將從此衰

天愍周公之德痛其將有敗亡之既故於郊祭而見戒云鼠小蟲

性盜竊鼯又其小者也牛大畜祭天尊物也角兵象在上君威也

小小鼯鼠食至尊之牛角象季氏乃陪臣盜竊之人將執國命曰

傷君威而害周公之祀也改卜牛鼯鼠又食其角天重語之也

師古曰重音直

用反成公怠慢昏亂遂君臣更執于晉

師古曰更互也十年秋公如晉晉人曰公為貳於楚故止公至十一年三月乃得歸十六

年秋公會晉侯于沙隨晉受叔孫僑如之潛而止公是年九月又信僑如之譖執季孫行父舍之于茗丘十二月乃得歸故云君臣更執也更音工衛反

至于襄公晉為

湎梁之會

師古曰襄十六年晉平公會諸侯于湎梁湎梁者湎水之梁也湎水出河內軹縣東南至溫入河湎音工寬反

天下大夫皆奪君

政

師古曰湎梁之會諸侯皆在而魯叔孫豹晉荀偃宋向成衛甯殖鄭公孫釁小邾之大夫盟是奪其君政也

其後三家逐昭公卒死于

外幾絕周公之祀

師古曰幾音鉅依反

董仲舒曰為鼯鼠食郊牛皆養牲

師古曰

解於上

不謹也京房易傳曰祭天不慎厥妖鼯鼠齧郊牛角定公十五年

正月鼯鼠食郊牛牛死劉向曰為定公知季氏逐昭公舉惡如彼

親用孔子為夾谷之會齊人俠歸鄆謹龜陰之田師古曰夾谷齊地也一名祝其定公十年公與

齊侯會于夾谷齊侯欲使萊人曰兵劫孔子曰公退命上眾兵之齊侯乃止又欲曰盟要公孔子不欲使茲無還曰辭對又欲詐享孔子又距而不受於是齊人乃服先是季氏之臣陽貨曰

鄆謹龜陰之田奔齊至此會乃曰歸我鄆聖德如此反用季桓子淫於女樂而

退孔子無道甚矣師古曰桓子季平子之子季孫斯也女樂已解於上詩曰人而亡儀不死何為師古曰衛

詩和鼠之篇也無儀無禮儀也是歲五月定公薨牛死之應也京房易傳曰子不子鼠

食其郊牛哀公元年正月鼯鼠食郊牛劉向曰為天意汲汲於用

聖人逐三家故復見戒也師古曰聖人孔子也見顯也哀公年少不親見昭公之事

故見敗亡之異已而哀不寤身奔於粵此其效也師古曰哀二十七年公欲曰越伐魯而去三桓

公如公孫有山氏因遜于邾遂如越國人昭帝元鳳元年九月燕有黃鼠銜其

尾舞王宮端門中師古曰宮之正門王往視之鼠舞如故王使吏曰酒脯祠

鼠舞不休一日一夜死近黃祥時燕刺王且謀反將死之象也其

月發覺伏辜京房易傳曰誅不原情厥妖鼠舞門師古曰不原情者不得其本情成帝

建始四年九月長安城南有鼠銜黃蒿柏葉上民家柏及榆樹上

為巢桐柏尤多師古曰桐柏本亭名衛思后於其地葬也巢中無子皆有乾鼠矢數十時議臣

曰為恐有水災鼠盜竊小蟲夜出晝匿今晝去穴而登木象賤人

將居顯貴之位也桐柏衛思后園所在也其後趙皇后自微賤登

至尊與衛后同類趙后終無子而為害明年有鳶焚巢殺子之異

也師古曰鳶鳴也音弋全反天象仍見甚可畏也師古曰仍頻也一曰皆王莽竊位之象云京

房易傳曰臣私祿罔辟李奇曰辟君也臆私罰祿誣罔具君厥妖鼠巢文公十三年大室

屋壞近金沴木木動也先是冬釐公薨十六月廼作主師古曰主廟主也僖公三十三

年十二月薨至文二年二月廼師古曰禘祭也後六月又吉禘於太廟而致釐公師古曰禘祭也二而祭之文二

年八月而禘距作主六月也師古曰躋音子奚反又音子詣反春秋譏之經曰大事於太廟躋釐公



左氏說曰太廟周公之廟饗有禮義者也祀國之大事也惡其亂

國之大事於太廟故言大事也躋登也登釐公於愍公上逆祀也

釐雖愍之庶兄嘗為愍臣臣子一例不得在愍上又未三年而吉

禘前後亂賢父聖祖之大禮內為貌不恭而狂外為言不從而僭

故是歲自十二月不雨至于秋七月後年若是者三而大室屋壞

矣前堂曰太廟中央曰太室屋其上重屋尊高者也象魯自是陵

夷將墮周公之祀也師古曰墮毀也音火規反穀梁公羊經曰世室魯公伯禽之廟

也周公稱太廟魯公稱世室大事者禘祭也師古曰禘合也毀廟及未毀廟之主皆合祭於太祖躋

釐公者先禘後祖也景帝三年十二月吳二城門自傾大船自覆

劉向曰為近金沴木木動也先是吳王濞曰太子死於漢稱疾不

朝陰與楚王戊謀為逆亂城猶國也其一門名曰楚門一門曰魚

門吳地曰船為家曰魚為食天戒若曰與楚所謀傾國覆家吳王

不寤正月與楚俱起兵身死國亡京房易傳曰上下咸諄厥妖城

門壞師古曰諄惑也音布內反宣帝時大司馬霍禹所居第門自壞時禹內不順外

不敬見戒不改卒受滅亡之誅哀帝時大司馬董賢第門自壞時

賢曰私愛居大位賞賜無度驕嫚不敬大失臣道見戒不改後賢

夫妻自殺家徒合浦

傳曰言之不從是謂不艾師古曰艾讀曰父厥咎僭厥罰恒陽厥極憂時則

有詩妖時則有介蟲之孽時則有大旤時則有口舌之病時則有

白眚白祥惟木沴金言之不從從順也是謂不义义治也孔子曰

君子居其室出其言不善則千里之外違之況其邇者虘師古曰易上繫之辭

也邇近也詩云如蜩如螗如沸如羹師古曰大雅蕩之詩也蜩蟬也螗蟻也即蚋蟻也謂政無文理虛言噴者如蜩螗之鳴湯之沸滔羹之將

孰也蜩音調螗音唐蟻音偃蚋音紹蟻音聊館音下館反言上號令不順民心虛譁憤亂則不能治海內

失在過差故其咎僭僭差也刑罰妄加羣陰不附則陽氣勝故其

罰常陽也旱傷百穀則有寇難上下俱憂故其極愛也君炆陽而

暴虐師古曰凡言炆陽者枯涸之意謂無惠澤於下也炆音口浪反臣畏刑而柑口師古曰柑籜也音其廉反籜音女涉反則怨謗之

氣發於訶謠故有詩妖介蟲孽者謂小蟲有甲飛揚之類陽氣所

生也於春秋為螽今謂之蝗皆其類也於易兌為口犬曰吠守而

不可信言氣毀故有犬旤一曰旱歲犬多狂死及為怪亦是也及

人則多病口喉欬者故有口舌痂金色白故有白眚白祥凡言傷

者病金氣金氣病則木沴之其極憂者順之其福曰康宣劉歆言

傳曰時有毛蟲之孽說弓為於天文西方參為虎星故為毛蟲史

記周單襄公與晉卻錡卻犢卻至齊國佐語師古曰單襄公解已在前卻錡駒伯也卻犢苦成叔也卻至昭

子即温季也國佐齊大夫國武子也告魯成公曰晉將有亂三卻其當之虐夫卻氏晉之

寵人也二卿而五大夫可曰戒懼矣高位實疾顛厚味實腊毒師古曰

曰顛什也腊久也言位高者必速顛什也味厚者為壽久今卻伯之語犯叔汪季伐師古曰伯駒伯也叔苦成叔也季温季也犯侵也汪商

也伐於尚也 犯則陵人迂則誣人伐則掩人有是寵也而益之曰三怨其

誰能忍之雖齊國子亦將與焉師古曰與讀日豫豫於禍立於淫亂之國而好盡言

曰招人過蘇林曰招音翹招舉也師古曰盡言猶極言也怨之本也唯善人能受盡言齊其有虐

師古曰言無善人不能受盡言 十七年晉殺三卻十八年齊殺國佐凡此屬皆言不從

之咎云晉穆侯曰條之役生太子名之曰仇師古曰穆侯僖侯之孫也條晉地也蓋曰敵來侵已當戰時而

生敢取仇忿師古曰太子之弟即桓叔也晦古其弟曰千晦之戰生名之曰成師師古曰太子之弟即桓叔也晦古

師眾也 師服曰異哉君之名子也師古曰師服晉大夫夫名曰制誼誼曰出禮師古曰先制義

理然後立名義理 禮曰體政政曰正民師古曰政曰禮成俗所曰正是曰政成而民聽易

則生亂師古曰反易禮義則亂生也嘉耦曰妃怨耦曰仇古之命也師古曰本自古昔而有此名今君

名太子曰仇弟曰成師始兆亂矣兄其替虐師古曰替廢也及仇嗣立是為

文侯文侯卒子昭侯立封成師于曲沃號桓叔師古曰昭侯國亂身危不能自安故封成師為曲沃

伯也桓諡也昭侯叔父故謂之叔也 後晉人殺昭侯而納桓叔不克師古曰事不遂復立昭侯子孝

侯桓叔子嚴伯殺之晉人立其弟鄂侯鄂侯生哀侯嚴伯子武公

復殺哀侯及其弟滅之而代有晉國師古曰武始并晉國故稱公也事在桓三年宣公六年鄭

公子曼滿與王子伯廖語欲為卿師古曰曼滿伯廖皆鄭大夫也廖音聊伯廖告人曰無德

而貪其在周易豐之離張晏曰離下震上豐上六變而之離曰豐其屋蔀其家也弗過之矣師古曰言無道德而大其屋不

過三歲必滅亡也間一歲鄭人殺之師古曰間一歲者中間隔一歲襄公二十九年齊高子容與宋

司徒見晉知伯汝齊相禮師古曰高子容齊大夫高止也宋司徒華定知伯晉大夫荀盈也汝齊晉大夫司馬侯也賓出汝齊

語知伯曰二子皆將不免子容專司徒侈皆亡家之主也師古曰專自是也侈奢泰

專則速及侈將呂其力敝專則人實敝之將及矣九月高子出奔

燕襄公三十一年正月魯穆叔會晉歸告孟孝伯曰趙孟將死矣

師古曰穆叔即叔孫穆子也孟孝伯魯大夫仲孫羯也趙孟晉卿趙文子也名武前年十月穆叔與武同會澶泉至此年正月乃歸其語偷不似民主師古曰偷日偷

苟且且年未盈五十而諄諄焉如八九十者弗能久矣師古曰諄諄重頓之貌也音之閏反若

趙孟死為政者其韓子虓師古曰韓子韓宣子也名起吾子盍與季孫言之可曰樹

樹

善君子也

師古曰季孫謂季武子也名宿言韓起有君子之德方執晉政可素厚之曰立善也

孝伯曰民生幾何誰能毋

偷

師古曰幾何言無多時也幾音居豈反

朝不及夕將焉用樹穆叔告人曰孟孫將死矣吾

語諸趙孟之偷也而又甚焉九月孟孝伯卒昭公元年周使劉定

公勞晉趙孟

師古曰周周景王也劉定公周卿也食邑於劉名夏是時孟與諸侯會於號故就而勞之

因曰子弁冕曰臨諸侯

盍亦遠績禹功而大庇民乎

師古曰時館於洛內因見河洛而美禹功故言之也弁冕冠也言今服冠冕有國家何不追績禹功而庇蔭其

人對曰老夫罪戾是懼焉能恤遠吾儕偷食朝不謀夕何其長也

師古曰儕等也言且得食而已苟免目前不能念其長久也儕音仕皆反

劉子歸曰語王曰諺所謂老將知而耄及

之者其趙孟之謂虜

師古曰諺俗所傳言也八十曰耄亂也言人年老閱歷既多謂將益智而又耄亂也

為晉正卿曰主

諸侯而儕於隸人朝不謀夕棄神人矣神怒民畔何曰能久

師古曰言其自

比賤隸而無恤下之心人為神主故神人皆去也

趙孟不復年矣

師古曰謂其節死不復見明年

是歲秦景公弟后子

奔晉

師古曰厚子即公子鍼

趙孟問秦君何如對曰無道趙孟曰亡虜對曰何為

一世無道國未艾也

師古曰艾讀曰刈刈絕也

國於天地有與立焉

師古曰言在天地之間多欲補助相與其成立

之不數世淫弗能敝也趙孟曰天虐對曰有焉趙孟曰其幾何師古曰言當幾

時也音居豈反對曰鍼聞國無道而年穀和孰天贊之也鮮不五稔師古曰贊

鮮少也稔孰也穀孰為一稔言少尚萬五年多則或不啻也稔音人甚反趙孟視蔭曰朝夕不相及誰能待五師古曰

之蔭影也趙孟自己年暮朝不及夕故言五年不可待也蔭讀與陰同后子出而告人曰趙孟將死矣主民玩歲

而惕日其與幾何師古曰玩愛也惕貪也與幾冬趙孟卒昭五年秦景公卒

昭公元年楚公子圍會盟師古曰圍楚恭王之子也時為楚設服離衛張晏曰

設人君之服離衛者二人執戈在前也師古曰離列人君之侍衛也魯叔孫穆子曰楚公子美矣君哉師古曰穆子

其服美似伯州犁曰此行也辭而假之寡君師古曰伯州犁楚太宰也言受楚王

鄭行人子羽曰假不反矣師古曰行人官名子羽公孫揮伯州犁曰子姑憂

子皙之欲背誕也應劭曰子皙攻殺伯有今又背盟欲復作亂也師古曰子皙鄭大夫公

子羽曰假而不反子其無憂虐師古曰言令尹將圖為君齊國子曰吾代

二子閔矣應劭曰閔憂也二子伯州犁行人子羽也師古曰國子齊大夫國弱也二子謂王

子圍及伯州犁也圍己是年篡位而不能令終州犁亦為圍所殺故言可閔應說

非陳公子招曰不憂何成二子樂矣應劭曰言國有憂己乃得已成功也師古曰也

樂也招師古曰齊子衛大夫齊惡也言衛齊子曰苟或知之雖憂不害招陳公子哀公弟也言因憂已成事事成而退會子先知為備雖有憂難無所損害

羽告人曰齊衛陳大夫其不免乎國子代人憂子招樂憂齊子雖

憂弗害夫弗及而憂與可憂而樂與憂而弗害皆取憂之道也師古曰弗

及而憂謂憂不及已而妄憂也師古曰太太誓曰民之所欲天必從之誓周書也二大夫兆憂矣能無

至乎師古曰兆憂謂開憂兆也言曰知物其是之謂矣師古曰物類也察其昭公十五年晉

籍談如周葬穆后師古曰籍談晉大夫也穆后周景王之后諡穆也既除喪而燕師古曰燕與宴同王曰諸侯

皆有弓填撫王室晉獨無有何也師古曰填撫王室謂獻器物也填音竹刃反籍談對曰諸侯

之封也皆受明器於王室故能薦彝器師古曰明器明德之器也彝器常可寶用之器也晉居深山

戎翟之與鄰拜戎不暇其何曰獻器王曰叔氏其忘諸乎師古曰叔

一曰叔父之使故謂之叔氏也師古曰分音扶問反昔而高祖

司晉之典籍師古曰而亦汝曰為大正故曰籍氏女司典之後也何故忘之



籍談不能對賓出王曰籍父其無後乎數典而忘其祖師古曰言志之忘祖業籍談

歸曰語叔嚮叔嚮曰王其不終乎吾聞所樂必卒焉師古曰言志之所樂終於此事今

王樂憂若卒曰憂不可謂終王一歲而有三年之喪一焉師古曰為太子三年喪死

三年乃娶達子之志言三年之喪二后及太子也於是乎曰喪賓燕又求彝器樂憂甚矣三年之喪

雖貴遂服禮也師古曰遂猶竟王雖弗遂燕樂已早師古曰天子除喪當在卒禮王

之大經也一動而失二禮無大經矣師古曰經謂常法也既不遂服又即宴樂是失二禮言曰考典

典曰志經師古曰考成也志記也忘經而多言舉典將安用之哀公十六年孔丘

卒公誄之曰昊天不弔不憇遺一老俾屏予一人應劭曰憇且辭也言昊天不善於魯不且遺一

老使屏蔽我一人也師古曰憇音魚覲反子贛曰君其不歿於魯乎夫子之言曰禮失則昏名

失則愆師古曰夫子謂孔子也昏謂惑也愆過也失志為昏失所謂愆生弗能用死而誄之非

禮也稱予一人非名也師古曰天子自稱曰予一人非諸侯之號故云非名君兩失之二十七年公孫

于邾師古曰孫讀曰遜遂死於越師古曰已解於上庶徵之恒陽劉向曰為春秋大旱也

其夏旱雩祀謂之大雩不傷二穀謂之不雨京房易傳曰欲德不

用茲謂張孟康曰欲得賢者而不用人君徒張此意厥災荒旱也其旱陰雲不雨變而赤因

而除師出過時茲謂廣李奇曰廣音曠章昭曰謂怨曠也其旱不生上下皆蔽茲謂隔

其旱天赤三月時有雹殺飛禽上緣求妃茲謂僭師古曰緣歷也言歷衆處而求妃妾也其

旱三月大溫亡雲居高臺府茲謂犯陰侵陽其旱萬物根死數有

火災庶位踰節茲謂僭其旱澤物枯為火所傷釐公二十一年夏大

旱董仲舒劉向曰為齊威既死諸侯從楚釐尤得楚心楚來獻捷釋

宋之執師古曰謂此年楚執宋公曰伐宋冬使宜申來獻捷十二月盟于薄釋宋公也外倚彊楚炕陽失衆又作南門

勞民興役師古曰南門本名稷門更改高大而作之事在二十年諸雩旱不雨略皆同說宣公七年秋

大旱是夏宣與齊侯伐萊師古曰萊國卽東萊黃縣也襄公五年秋大雩先是宋魚

石犇楚師古曰犇古奔字也事在成十五年魚石宋左師也公子目夷之曾孫也楚伐宋取彭城曰封魚石師古曰事在成

十八年鄭畔于中國而附楚師古曰自鄢陵戰後鄭遂不服故諸侯屢侵伐之襄與諸侯其圍彭城師古曰

曰謂襄元年使仲孫蔑會晉欒黶宋華元  
衛甯殖曹人莒人邾人滕人薛人圍彭城  
城鄭虎牢  
師古曰事在二年武牢本鄭邑時已屬晉蓋追言之

是歲鄭伯使公子發來聘  
師古曰公子發鄭穆公之子子產之父也字子國  
使大夫會吳于善道

外結二國內得鄭聘有炕陽動衆之應  
師古曰使仲孫蔑會吳也善道地名  
八年九月大

雩時作三軍季氏盛  
師古曰萬二千五百人為軍魯本立上下二軍皆屬於公有事則三卿遞帥之而征伐今季氏欲專其人故增立中軍三卿各主其

一也事在二十八年八月大雩先是比年晉使荀吳齊使慶封來聘  
師古曰比年頻年也荀吳晉大夫即荀偃之子也二十六年晉侯使來聘慶封齊大夫也二十七年齊侯使來聘

是夏邾子來朝襄有炕陽自

大之應昭公三年八月大雩劉歆曰為昭公即位年十九矣猶有

童心居喪不哀炕陽失衆六年九月大雩先是莒牟夷曰二邑來

韓  
師古曰事在五年牟夷莒大夫也二邑謂牟婁及防茲也  
莒怒伐魯叔弓帥師距而敗之昭得入晉  
師古曰叔弓魯大夫時昭公適欲朝晉而遇莒人來討將不果行叔弓既敗莒師公乃得去故傳云成禮大國已為援好也

外和大國內獲二邑取勝

鄰國有炕陽動衆之應十六年九月大雩先是昭公母夫人歸氏

薨昭不感又大蒐于比蒲  
師古曰事在昭十一年歸氏胡國之女歸姓即齊歸也齊諡也蒐謂聚衆而田獵也比蒲魯地名比音昆

叔嚮曰魯有大喪而不廢蒐國不恤喪不忌君也君亡感容不顧

親也殆其失國與三年同占二十四年八月大雩劉歆曰為左氏

傳二十三年邾師城翼還經魯地師古曰翼邾邑也經者道出其中也魯地謂武城也魯襲取邾師

獲其三大夫師古曰謂徐鉏丘弱茅地也邾人愬于晉晉人執我行人叔孫婍師古曰叔孫昭

子也婍音丑略反是春廼歸之二十五年七月上辛大雩季辛又雩旱甚也

劉歆曰為時后氏與季氏有隙師古曰后氏邠昭伯也季氏季平子也季邠之雞鬪季氏芥其雞邠子為之金距平子怒益宮於邠

氏且責讓之故邠昭伯怨之又季氏之族有淫妻為讒使季平子與族人相惡皆其

譖平子師古曰謂平子庶叔父公鳥之妻季嬖與雍人檀通而譖季氏之族人季公亥公思展故平子殺思展已故族人皆怨之子家駒諫曰讒

人曰君徼幸不可師古曰子家駒即子家懿伯莊公之玄孫也一名騶昭公遂伐季氏為所敗出犇

齊定公十年九月大雩先是定公自將侵鄭歸而城中城二大夫

帥師圍鄆師古曰事並在六年中城魯之邑也二大夫謂季孫斯仲孫何忌嚴公三十一年冬不雨是歲一

年而三築臺師古曰是年春築臺于郎夏築臺于薛秋築臺于秦秦郎薛皆魯地奢侈不恤民釐公二年冬十

月不雨三年春正月不雨夏四月不雨六月雨先是者嚴公夫人

與公子慶父淫而殺二君師古曰慶父桓公之子莊公弟也二君謂子般及閔公國人攻之夫人遜于

邾慶父犇莒釐公即位南敗邾師古曰謂元年公敗邾師于偃東敗莒獲其大夫師古曰謂元年

公子友帥師敗莒師于鄆獲莒挈也有炕陽之應文公二年自十有二月不雨至于秋七

月文公即位天子使叔服會葬師古曰叔服周之內史也叔氏服字會葬葬僖公毛伯賜命師古曰亦天子

使之也毛伯周之卿士毛國伯爵也賜命者賜弓命圭為瑞信也又會晉侯于戚師古曰謂大夫公孫敖會之也戚衛邑在頓丘衛縣西公子遂

如齊納幣師古曰納玄纁之幣謂公為婚於齊又與諸侯盟師古曰謂公孫敖會宋公頤侯鄭伯晉士穀盟于垂隴也垂隴鄭地上得天

子外得諸侯沛然自大師古曰沛音普大反躋釐公主大夫始顛事師古曰謂季孫行父也顛讀與專同

十年自正月不雨至于秋七月先是公子遂會四國而救鄭師古曰謂九年

楚人伐鄭公子遂會晉人宋人衛人許人曰救之楚使越椒來聘師古曰越椒楚大夫名也事亦在九年秦人歸綏師古曰謂九年秦人

來歸僖公及成風之襚也凡問喪者衣服曰襚成風僖公之母也成諡也風姓也襚音遂有炕陽之應十三年自正月不雨至

于秋七月先是曹伯杞伯滕子來朝師古曰十一年曹伯來朝十二年杞伯滕子來朝郕伯來犇

師古曰事在十二年  
秦伯使遂來聘  
師古曰事在十二年遂秦大夫名即左氏所謂西乞術  
季孫行父城諸及

師古曰事在十二年諸  
二年之間五國趨之內城二邑  
炕陽失衆一

曰不雨而五穀皆孰異也  
文公時大夫始顓盟會公孫敖會晉侯

又會諸侯盟于垂隴  
故不雨而生者陰不出氣而私自行  
象施

不由上出臣下作福而私自成一曰不雨近常陰之罰  
君弱也惠

帝五年夏大旱江河水少谿谷絕先是發民男女十四萬六千人

城長安是歲城廼成文帝三年秋天下旱是歲夏匈奴右賢王寇

侵上郡詔丞相灌嬰發車騎士八萬五千人詣高奴  
師古曰即上郡之縣擊右

賢王走出塞其秋濟北王興居反使大將軍討之皆伏誅後六年

春天下大旱先是發車騎材官屯廣昌  
師古曰武都之縣是歲二月復發材

官屯隴西後匈奴大入上郡雲中烽火通長安三將軍屯邊  
師古曰謂居中

大夫令免為車騎將軍屯飛狐故楚相  
蘇意為將軍屯句注將軍張武屯北地又三將軍屯京師  
師古曰謂河內太守周亞夫為將軍次細柳宗正劉禮為將軍

大霸上視茲侯徐  
厲為將軍次棘門  
景帝中三年秋大旱武帝元光六年夏大旱是歲四

將軍征匈奴師古曰謂車騎將軍衛青出上谷騎將軍公孫敖出代輕車將軍公孫賀出雲中驍騎將軍李廣出鴈門元朔五年春大

旱是歲六將軍眾十餘萬征匈奴師古曰謂衛青將六將軍兵也六將軍者衛尉蘇建為游擊將軍左內史李沮為疆弩將軍大

僕公孫賀為騎將軍代相李蔡為輕車將軍俱出朔方大行李息岸頭侯張次公為將軍出右北平元狩三年夏大旱是歲發天下

故吏伐棘上林穿昆明池天漢元年夏大旱其三年夏大旱先是

貳師將軍征大宛還天漢元年發適民師古曰適讀曰謫二年夏三將軍征

匈奴師古曰謂貳師將軍三萬騎出酒泉因打將軍出西河騎都尉李陵將步兵五千人出居延北也李陵沒不還征和元年夏

大旱是歲發三輔騎士閉長安城門大搜始治巫蠱明年衛皇后

太子敗昭帝始元六年大旱先是大鴻臚田廣明征益州暴師連

年宣帝本始三年夏大旱東西數千里先是五將軍眾二十萬征

匈奴師古曰本始三年御史大夫田廣明為祁連將軍後將軍趙充國為蒲類將軍雲中太守田順為武牙將軍及度遠將軍范明友前將軍韓增凡五將軍兵十五萬騎校尉常惠持

節護烏孫兵咸擊匈奴奴是為二十萬眾也神爵元年秋大旱是歲後將軍趙充國征西羌成帝

永始三年四年夏大旱左氏傳晉獻公時童謠曰丙之晨龍尾伏

辰衿服振振取號之旂師古曰徒歌曰謠衿服黑衣振振衿服之貌也衿音勻又音弋春反振音只人反鶉之賁賁天

策焯焯火中成軍號公其犇師古曰犇音奔焯音吐敦反又音敦犇古奔字是時號為小國介夏

陽之阨枯虞國之助師古曰介隔也亢衡於晉有炕陽之節失臣下之心晉

獻伐之問於卜偃曰吾其濟乎師古曰卜偃晉大夫主卜者偃曰童謠對曰克之十

月朔丙子旦日在尾月在策鶉火中必此時也冬十二月丙子朔

晉師滅虢虢公醜犇周周十二月夏十月也言天者曰夏正史記

晉惠公時童謠曰恭太子更葬兮後十四年晉亦不昌昌廼在其

兄是時惠公賴秦力得立立而背秦內殺二大夫師古曰謂里克丕鄭國人

說師古曰說讀曰悅及更葬其兄恭太子申生而不敬故詩妖作也後與秦

戰為秦所獲立十四年而死晉人絕之更立其兄重耳是為文公

遂伯諸侯師古曰伯讀曰霸左氏傳文成之世童謠曰鸛之鶴之公出辱之



師古曰鸚音  
幼鸚音欲

鸚鵡之羽公在外野往饋之馬

師古曰饋亦餽字

鸚鵡跣跣公在乾

侯

臣瓚曰乾侯在魏郡斥丘縣師古曰跣跣跳行貌也跣音誅乾音干

徵褻與襦

師古曰徵求也褻袴也言公出外求袴襦之服

鸚鵡之巢遠

哉搖搖

師古曰搖搖不安之貌

稠父喪勞宋父昌驕

師古曰父讀曰甫甫者男子之通號故云稠甫宋甫也言昭公欲去季氏不遂而出

故曰喪勞定公無德於下坐致君位故曰昌驕

鸚鵡鸚鵡往歌來哭

師古曰謂昭公生時出奔死乃昌喪歸之

至昭公時有鸚

鵲來巢公攻季氏敗出奔齊居外野次乾侯八年死于外歸葬魯

昭公名稠公子宋立是為定公元帝時童謠曰井水溢滅竈煙灌

玉堂流金門至成帝建始二年三月戊子北宮中井泉稍上溢出

南流象春秋時先有鸚鵡之謠而後有來巢之驗井水陰也竈煙

陽也玉堂金門至尊之居象陰盛而滅陽竊有宮室之應也王莽

生於元帝初元四年至成帝封侯為三公輔政因昌篡位成帝時

童謠曰燕燕尾涎涎

師古曰涎涎光澤貌也音徒見反

張公子時相見木門倉琅根燕

飛來啄皇孫皇孫死燕啄矢其後帝為微行出遊常與富平侯張

放俱稱富平侯家人過河陽主作樂見舞者趙飛燕而幸之故曰

燕燕尾涎涎美好貌也張公子謂富平侯也木門倉琅根謂宮門

銅鍱師古曰門之鋪首及銅鍱也銅色青故曰倉琅鋪首銜環故謂之根鍱讀與環同言將尊貴也後遂立為皇后弟

昭儀賊害後宮皇子卒皆伏辜所謂燕飛來啄皇孫皇孫死燕啄

矢者也成帝時謠又曰邪徑敗良田讒口亂善人桂樹華不實

黃爵巢其顛故為人所羨今為人所憐桂赤色漢家象華不實無

繼嗣也王莽自謂黃象黃爵巢其顛也嚴公十七年冬多麋劉歆

曰為毛蟲之孽為災劉向曰為麋色青近青祥也麋之為言迷也

蓋牝獸之淫者也是時嚴公將取齊之淫女其象先見天戒若曰

勿取齊女淫而迷國嚴不寤遂取之夫人既入淫於二叔終皆誅

死師古曰謂慶父縊死叔牙為卒齊人殺哀姜也幾亡社稷師古曰謂子般閔公前後見殺而齊侯欲取魯國也幾音鉅依反董仲舒指略

同京房易傳曰廢正作淫大不明國多麋又曰震遂泥李奇曰從三至五有坎象坎為

水四爲泥在水中故曰震遂泥泥者泥溺於水不能自拔道未光也或曰爲厥咎國多麋溺於淫女故其妖多麋麋迷也師古曰此易震卦九四爻辭也泥音乃計反

昭帝時昌邑王賀聞人聲曰熊視而見大熊左右莫見昌問郎中

令龔遂遂曰熊山野之獸而來入宮室王獨見之此天戒大王恐

宮室將空危亡象也賀不改寤後卒失國左氏傳襄公十七年十

一月甲午宋國人逐狝狗師古曰狝狂也音征例反狝狗入於華臣氏師古曰華臣華元之子也國人

從之臣懼遂奔陳先是臣兄闕爲宋卿師古曰闕爲右師闕卒臣使賊殺闕家

宰遂就其妻宋平公聞之曰臣不唯其宗室是暴大亂宋國之政

欲逐之左師向戌曰大臣不順國之恥也不如蓋之師古曰向戌宋桓公會孫也蓋謂覆

掩其事也公廼止華臣炕暴失義內不自安故犬禍至昌犇亡也高后八

年三月被霸上師古曰被者除惡之祭也音廢還過枳道見物如倉狗楫高后掖師古曰掖機謂狗

持之也機音執忽而不見卜之趙王如意爲祟遂病掖傷而崩先是高

后鳩殺如意支斷其母戚夫人手足摧其服昌爲人彘師古曰摧謂廢擊去其精也推

音口角反凡言彘者皆豕之別名

文帝後五年六月齊雍城門外有狗生角

師古曰雍城門者齊門名也春

秋左氏傳平陽之役趙武及秦周伐雍門之荻是也

先是帝兄齊悼惠王亡後帝分齊地立其庶子

七人皆為王

師古曰謂齊孝王將閭濟北王志菑川王賢膠東王雄渠膠西王卬濟南王辟光并城陽恭王喜是為七王

兄弟並彊有炕

陽心故犬禍見也犬守御角兵象在前而上鄉者也

師古曰鄉讀曰嚮次下亦同

犬

不當生角猶諸侯不當舉兵鄉京師也天之戒人蚤矣

師古曰蚤古早字

諸

侯不寤後六年吳楚畔濟南膠西膠東三國應之舉兵至齊齊王

猶與城守

師古曰與讀曰豫

三國圍之會漢破吳楚因誅四王故天狗下梁

而吳楚攻梁狗生角於齊而三國圍齊漢卒破吳楚於梁誅四王

於齊京房易傳曰執政失下將害之厥妖狗生角君子苟免小人

陷之厥妖狗生角景帝三年二月邯鄲狗與彘交悖亂之氣近犬

豕之禍也

師古曰悖惑也音布內反此下亦同

是時趙王遂悖亂與吳楚謀為逆遣使匈

奴求助兵卒伏其辜犬兵革失眾之占

如瀟曰犬吠守似兵革外附它類失眾也

豕北方匈奴

之象逆言失聽交於異類弓生害也京房易傳曰夫婦不嚴厥妖

狗與豕交茲謂反德國有兵革成帝河平元年長安男子石良劉

音相與同居師古曰二人共止一室有如人狀在其室中擊之為狗走出去後有

數人被甲持兵弩至良家良等格擊或死或傷皆狗也自二月至

六月乃止鴻嘉中狗與彘交左氏昭公二十四年十月癸酉王子

鼃弓成周之寶圭湛于河師古曰弓祭河也爾雅曰祭川曰浮沈湛讀曰沈後皆類此幾弓獲神助師古曰幾讀曰

冀甲戌津人得之河上陰不佞取將賣之則為石師古曰陰不佞周大夫也是時王

子鼃篡天子位萬民不鄉號令不從師古曰鄉讀曰嚮故有玉變近白祥也

癸酉入而甲戌出神不享之驗云玉化為石貴將為賤也後二年

子鼃犇楚而死史記秦始皇帝三十六年鄭客從關東來至華陰

望見素車白馬從華山上下知其非人道住止而待之遂至師古曰於道上

住而待此車馬持璧與客曰為我遺鎬池君張晏曰武王居鎬鎬池君則武王也武王伐商故神云始皇荒淫若紂矣今亦可伐也孟康曰

長安西南有鑄池師古曰鑄池在昆明池北此直江神  
告鑄池之神云始皇將死耳無豫於武王也張說失矣  
因言今年祖龍死蘇林曰祖始也  
龍人君象謂始

皇忽不見鄭客奉璧卽始皇二十八年過江所湛璧也與周子鼂

同應是歲石隕于東郡民或刻其石曰始皇死而地分此皆白祥

炕陽暴虐號令不從孤陽獨治羣陰不附之所致也一曰石陰類

也陰持高節臣將危君趙高李斯之象也始皇不畏戒自省反夷

滅其旁民而燔燒其石是歲始皇死後三年而秦滅孝昭元鳳三

年正月泰山萊蕪山南匈匈有數千人聲民視之有大石自立高

丈五尺大四十八圍入地深八尺三石爲足石立處有白鳥數千

集其旁眚孟昌爲石陰類下民象泰山岱宗之嶽王者易姓告代

之處當有庶人爲天子者孟坐伏誅京房易傳曰復崩來無咎師古曰復

卦之辭也今易  
崩字作朋也自上下者爲崩厥應泰山之石顛而下師古曰顛  
墜也聖人受命

人君虜又曰石立如人庶士爲天下雄立於山同姓平地異姓立

於水聖人於澤小人天漢元年三月天雨白毛三年八月天雨白

師古曰凡言驚者毛之強曲者也音力之反

京房易傳曰前樂後憂厥妖天雨羽又曰邪人

進賢人逃天雨毛史記周威烈王二十三年九鼎震

孟康曰威烈一王之諡也六國時也

師古曰卽報王之高祖也

金震木動之也是時周室衰微刑重而虐號令不從呂亂

金氣鼎者宗廟之寶器也宗廟將廢寶鼎將遷故震動也是歲晉

三卿韓魏趙篡晉君而分其地威烈王命呂爲諸侯天子不恤同

姓而爵其賊臣天下不附矣後三世周致德祚於秦

晉灼曰報王奔秦獻其邑此謂致德祚也

其後秦遂滅周而取九鼎九鼎之震木沴金失衆甚成帝元延元

年正月長安章城門門牡自亡

晉灼曰西出南頭第一門也牡是出籥者師古曰牡所出下閉者也亦曰豎爲之非出籥也

谷關次門牡亦自亡

章昭曰函谷關邊小門也師古曰非行人出入所由蓋關司曹府所在之門也

京房易傳曰飢而

不損茲謂秦厥災水厥咎牡亡妖辭曰關動牡飛辟爲亡道臣爲

非厥咎亂臣謀篡

李奇曰易妖變傳辭

故谷永對曰章城門通路寢之路函谷

關距山東之險城門關守國之固固將去焉故牡飛也

五行志第七中之上

終

金陵書局印  
汲古閣本

漢書二十七



五行志第七申之下

漢書二十七

正議大夫行祕書少監琅邪縣開國子顏師古注

傳曰視之不明是謂不愆厥咎舒厥罰恒與

師古曰與讀曰煥煥與也音於六反其下並同

厥極

疾

韋昭曰呂疾為罰

時則有草妖時則有羸蟲之孽

師古曰羸蟲之類無鱗甲毛羽故謂之羸蟲也音耶果反

時則

有羊旤時則有目痾時則有赤眚赤祥惟水沴火視之不明是謂

不愆愆知也詩云爾德不明呂亡陪亡卿不明爾德呂亡背亡仄

師古曰大雅蕩之詩也言不別善惡有逆背傾仄者有堪為卿大夫者皆不知之也从古側字

言上不明暗昧蔽惑則不能知善

惡親近習長同類

師古曰習狎也近狎者則親愛之同類者則長益也

亡功者受賞有罪者不殺百官

廢亂失在舒緩故其咎舒也盛夏日長暑呂養物政弛緩故其罰

常與也與則冬温春夏不和傷病民人故極疾也誅不行則霜不

殺草繇臣下則殺不呂時

師古曰繇讀與由同言誅罰由於臣下

故有草妖凡妖貌則呂

服言則呂詩聽則呂聲視則呂色者五色物之大分也在於眚祥

故聖人曰爲草妖失秉之明者也

師古曰謂失所執之權也音彼命反

溫與生蟲故有羸

蟲之孽謂螟螣之類

師古曰螟食苗心螣食苗葉之蟲也螟音冥螣音徒得反

當死不死未當生而生

或多於故而爲災也劉歆曰爲屬思心不容於易剛而包柔爲離

師古曰雨陽居外一陰居內故云剛包柔

離爲火爲目羊上角下號剛而包柔羊大目而不精

明視氣毀故有羊旤一曰暑歲羊多疫死及爲怪亦是也及人則

多病目者故有目疴火色赤故有赤眚赤祥凡視傷者病火氣火

氣傷則水沴之其極疾者順之其福曰壽

李奇曰於六極之中爲疾者逆火氣致疾病也能順火氣則旤更爲福

劉歆視傳曰有羽蟲之孽雞旤說曰爲於天文南方喙爲鳥星故

爲羽蟲旤亦從羽故爲雞雞於易自在巽說非是庶徵之恒與劉

向曰爲春秋亡冰也小與不書無冰然後書舉其大者也京房易

傳曰祿不遂行茲謂欺厥咎與雨雪四至而溫臣安祿樂逸茲謂

亂與而生蟲知罪不誅茲謂舒其與夏則暑殺人冬則物華實重

過不誅茲謂亡徵其咎當寒而與六日也桓公十五年春亡冰劉

向弓為周春今冬也先是連兵鄰國三戰而再敗也師古曰三戰者謂十年齊侯衛侯鄭

伯來戰于郎十二年與鄭師伐宋戰于宋十三年會紀侯鄭伯及齊侯宋公衛侯燕人戰也再敗者謂郎之戰穀梁傳曰弓吾敗也又宋之戰穀梁亦曰誰敗舉其可道者也據左氏傳公羊穀梁亦曰無冰並在十四年今

丙失百姓外失諸侯不敢行誅罰鄭伯突篡兄

而立公與相親師古曰突鄭莊公子即厲公也兒謂太子忽即昭公也莊公既卒突囚宋莊公之寵而得立遂使昭公奔衛故云篡兄也公與相親者謂十五年突

為祭仲所逐奔葵遂居櫟而昭公入公再與諸侯伐鄭謀納厲公長養同類不明善惡之罰也師古曰言桓篡立與突志同故曰長養同

類董仲舒曰為象夫人不正陰失節也師古曰夫人姜氏通于齊侯故云不正成公元年二月

無冰董仲舒曰為方有宣公之喪君臣無悲哀之心而炕陽作丘

甲師古曰時宣公薨始踰年故云有喪也上甲解在刑法志劉向曰為時公幼弱政舒緩也襄公二十

八年春無冰劉向曰為先是公作三軍有侵陵用武之意師古曰作三軍者季

氏欲專其權非公本意此說非也侵陵用武者謂入鄆取郟也郟首詩於是鄰國不和伐其三鄙師古曰謂十二年三月

鄆十五年夏齊侯伐我北鄙秋邾人伐我南鄙十六年二月齊侯伐我北鄙被兵十有餘年因之曰饑饉百姓怨望

臣下心離公懼而弛緩不敢行誅罰

師古曰弛放也音式爾反

楚有夷狄行公有從

楚心不明善惡之應

師古曰有從楚心謂二十八年公朝于楚

董仲舒指略同一曰水旱之災

寒暑之變天下皆同故曰無冰天下異也桓公殺兄弑君外成宋

亂與鄭易邑背畔周室

師古曰隱攝公位又桓之兄故云殺兄弑君也成宋亂者謂宋華父督弑其君殤公及其大夫孔父卨大鼎賂公公會齊侯

鄭伯于稷而平其亂也與鄭易邑謂呂太山之田易許田也許田者魯朝宿之邑也而呂與鄭明魯之不朝於王故云背畔周室

成公時楚橫行中國

師古曰謂成二年楚師侵衛遂侵我師于蜀六年七月楚公子嬰齊帥師伐鄭九年嬰齊帥師伐莒十五年楚子伐鄭十六年楚子與晉侯鄭伯戰于鄆陵十八年楚子伐宋

王札子

殺召伯毛伯

師古曰王札子即王子捷也召伯毛伯皆周大夫也今春秋經王札子殺召伯毛伯事在宣十五年而此言成公時未達其說召讀曰邵

晉敗

天子之師于貿戎

師古曰貿戎戎別種也公羊傳成八年王師敗績于貿戎孰敗之蓋晉敗之貿音莫候反

天子皆不能討襄

公時天下諸侯之大夫皆執國權

師古曰謂襄十六年會于澠梁諸侯之大夫盟皆類此

君不能制漸

將日甚善惡不明誅罰不行周失之舒秦失之急故周衰亡寒歲

秦滅亡與年武帝元狩六年冬亡冰先是比年遣大將軍衛青霍

去病攻祁連絕大幕

師古曰比頻也祁連山名也幕沙積也直度曰絕祁音上夷反

窮追單于斬首十餘萬

級還大行慶賞乃閔海內勤勞是歲遣博士褚大等六人持節巡

行天下

師古曰行音下更反

存賜鰥寡假與乏困舉遺逸獨行君子詣行在所

郡國有已為便宜者上丞相御史已聞天下咸喜昭帝始元二年

冬亡冰是時上年九歲大將軍霍光秉政始行寬緩欲已說下

師古

日說讀曰悅

僖公三十三年十二月隕霜不殺草劉歆已為草妖也劉向

已為今十月周十二月於易五為天位為君位九月陰氣至五通

於天位其卦為剝

師古曰坤下艮上

剝落萬物始大殺矣明陰從陽命臣受

君令而後殺也今十月隕霜而不能殺草此君誅不行舒緩之應

也是時公子遂顛權

師古曰公子遂莊公之子即東門襄仲也時為卿專執國政也

三桓始世官

師古曰謂父子相繼為卿也

天戒若曰自此之後將皆為亂矣文公不寤其後遂殺子赤三家

逐昭公

師古曰並已解於上

董仲舒指略同京房易傳曰臣有緩茲謂不順厥

異霜不殺也書序曰伊陟相太戊亳有祥桑穀共生

師古曰商書咸又之序也其書亡伊

陟伊尹子也太戊太甲孫也亳殷所都也桑穀二木合而共生穀音穀

傳曰俱生乎朝七日而大拱

師古曰兩手合為拱音久勇反

陟戒曰修德而木枯劉向曰為殷道既衰高宗承敝而起盡涼陰

之哀天下應之

師古曰涼信也陰默也言居哀信默三年不言也涼讀曰諫一說涼陰謂居喪之慮也謂三年處於廬中不言涼音力羊反據今尚書及諸傳記太

戊卒子仲丁立卒弟何亶甲立卒子祖乙立卒子盤庚立卒小乙之子武丁立是為高宗桑穀自太戊時生涼陰乃高宗之事而此云桑穀即高宗時出其說與尚書大傳不同未詳其義也或者

伏生既獲顯榮怠於政事國將危亡故桑穀之異見桑猶喪也穀猶

生也殺生之秉失而在下

師古曰秉音彼命反

近草妖也一曰野木生朝而暴

長小人將暴在大臣之位危亡國家象朝將為虛之應也

師古曰虛讀曰墟

書序又曰高宗祭成湯有蜚雉登鼎耳而雊

師古曰商書高宗彤日之序也蜚古飛字雊音工豆反

祖

已曰惟先假王正厥事

師古曰祖已殷賢臣假大也言先代大道之王能正其事而災異銷也

劉向曰為雉雊

鳴者雄也曰赤色為主於易離為雉雉南方近赤祥也劉歆曰為

羽蟲之孽易有鼎卦

師古曰巽下離上也

鼎宗廟之器主器奉宗廟者長子也

野鳥自外來入為宗廟器主是繼嗣將易也一曰鼎三足三公象

而曰耳行

師古曰鼎非舉耳不得行故云耳行

野鳥居鼎耳小人將居公位敗宗廟之祀

野木生朝野鳥入廟敗亡之異也武丁恐駭謀於忠賢修德而正

事內舉傅說授曰國政

師古曰武丁夢得賢相乃曰所夢之像使求之得於傅巖立曰爲相作說命三篇說讀曰悅

外伐鬼方

曰安諸夏

師古曰鬼方絕遠之地一曰國名夏大也中國大於戎狄故曰諸夏

故能攘木鳥之妖致百年之壽

師古曰攘却也音人羊反

所謂六沴作見若是共御五福廼降用章于下者也

師古曰共讀曰

恭御讀曰禦言恭己曰禦災也一說御治也恭治其事也

一曰金沴木曰木不曲直僖公三十三年十二

月李梅實劉向曰爲周十二月今十月也李梅當剝落今反華實

近草妖也先華而後實不書華舉重者也陰成陽事象臣顓君作

威福一曰冬當殺反生象驕臣當誅不行其罰也故冬華華者象

臣邪謀有端而不成至於實則成矣是時僖公死公子遂顓權文

公不寤後有子赤之變一曰君舒緩甚與氣不臧則華實復生董

仲舒曰爲李梅實臣下彊也記曰不當華而華易大夫不當實而

實易相室

應劭曰冬水王木相故象大臣冬實者變置丞相與宮室也但華則變大也師古曰相室猶言相國謂宰相也合韻故言相室相室者相王室

冬水

王木相故象大臣劉歆曰爲庶徵皆曰蟲爲孽思心羸蟲孽也李

梅實屬草妖惠帝五年十月桃李華棗實昭帝時上林苑中大柳

樹斷仆地一朝起立生枝葉有蟲食其葉成文字曰公孫病已立

又昌邑王國社有枯樹復生枝葉睦孟曰爲木陰類下民象當有

故廢之家公孫氏從民間受命爲天子者昭帝富於春秋霍光秉

政呂孟妖言誅之後昭帝崩無子徵昌邑王賀嗣位狂亂失道光

廢之更立昭帝兄衛太子之孫是爲宣帝帝本名病已京房易傳

曰枯楊生稊

師古曰大過九二爻辭也稊楊秀之始生者音徒奚反

枯木復生人君亡子元帝初元四

年皇后曾祖父濟南東平陵王伯墓門梓柱卒生枝葉上出屋

孟康

曰王伯莽之祖也師古曰莽高祖父也故下云高祖考卒讀曰莽莽也

劉向曰爲王氏貴盛將代漢家之象也後

王莽篡位自說之曰初元四年莽生之歲也當漢九世火德之厄



而有此祥興於高祖考之門門爲開通梓猶子也言王氏當有賢

子開通祖統起於柱石大臣之位受命而王之符也建昭五年究

州刺史浩賞禁民私所自立社張晏曰民間三月九月又社號曰私社臣瓚曰舊制二十五家爲一社而民或十家五家共爲田社

是私社師古曰贊說是山陽橐茅鄉社有大槐樹師古曰橐縣名也屬山陽郡茅鄉橐縣之鄉也橐音拓吏伐斷之

其夜樹復立其故處成帝永始元年二月河南街郵榜樹生支如

人頭師古曰郵謂行書之舍榜樹似桃榜音丑余反桃音丑倫反眉目須皆具亡髮耳哀帝建平三年十

月汝南西平遂陽鄉柱仆地生支如人形師古曰什頓也音赴身青黃色面白

頭有顛髮稍長大凡長六寸一分京房易傳曰王德衰下人將起

則有木生爲人狀哀帝建平三年零陵有樹僵地師古曰僵僵也音疆圍丈六

尺長十丈七尺民斷其本長九尺餘皆枯三月樹卒自立故處師古曰

曰卒讀曰粹京房易傳曰棄正作淫厥妖木斷自屬師古曰屬連續也音之欲反妃后有顛

木仆反立斷枯復生師古曰顛謂專能天辟惡之如淳曰天辟謂天子也師古曰辟音壁元帝永光二年

八月天雨草而葉相摻結大如彈丸

師古曰摻繞也摻音居蚪反

平帝元始三年正

月天雨草狀如永光時京房易傳曰君吝於祿信衰賢去厥妖天

雨草昭公二十五年夏有鸛鵒來巢劉歆曰爲羽蟲之孽其色黑

又黑祥也視不明聽不聰之罰也劉向曰爲有蜚有蠱不言來者

氣所生所謂管也

師古曰此輩謂負糞也其爲蟲臭或短孤卽今所謂水弩也隱元年有蜚莊十八年有蠱蜚音翦或音域蜚亦作蟹其音同耳

鸛鵒

言來者氣所致所謂祥也鸛鵒夷狄穴藏之禽來至中國不穴而

巢陰居陽位

師古曰今之鸛鵒中國皆有依周官而言但不踰濟水耳左氏曰爲魯所常無故巽而書之而此云夷狄禽未喻其意又此鳥本亦巢居不皆穴處也書巢者

著其居其字乳不卽去也

象季氏將逐昭公去宮室而居外野也鸛鵒白羽旱之祥

也穴居而好水黑色爲主急之應也天戒若曰旣失衆不可急暴

急暴陰將持節陽曰逐爾去宮室而居外野矣昭不寤而舉兵圍

季氏爲季氏所敗出犇于齊遂死于外野董仲舒指略同景帝三

年十一月有白頸烏與黑烏群鬪楚國呂縣白頸不勝墮泗水中

死者數千劉向已爲近白黑祥也時楚王戊暴逆無道

師古曰戊楚元王之孫也

刑

辱申公與吳王謀反烏群鬪者師戰之象也白頸者小明小者敗

也墮於水者將死水地王戊不寤遂舉兵應吳與漢大戰兵敗而

走至於丹徒爲越人所斬墮死於水之效也京房易傳曰逆親親

厥妖白黑烏鬪於國昭帝元鳳元年有烏與鵲鬪燕王宮中池上

烏墮池死近黑祥也時燕王旦謀爲亂遂不改寤伏辜而死楚燕

皆骨肉藩臣已驕怨而謀逆俱有烏鵲鬪死之祥行同而占合此

天人之明表也燕一烏鵲鬪於宮中而黑者死楚已萬數鬪於野

外而白者死象燕陰謀未發獨王自殺於宮故一烏水色者死楚

炕陽舉兵軍師大敗於野故衆烏金色者死天道精微之效也京

房易傳曰專征劫殺厥妖烏鵲鬪昭帝時有鵲鵲或曰禿鷲

師古曰鵲鵲即

汗澤也一名淘河腹下胡大如數升囊好群入澤中抔水

食魚因名禿鷲亦水鳥也鵲音大奚反鷲音胡鷲音秋

集昌邑王殿下王使人射

殺之劉向曰爲水鳥色青青祥也時王馳騁無度慢侮大臣不敬

至尊有服妖之象師古曰謂多治仄注冠又曰冠奴也故青祥見也野鳥入處宮室將空

王不寤卒曰亡京房易傳曰辟退有德厥咎狂厥妖水鳥集于國

中師古曰辟君也成帝河平元年二月庚子泰山山桑谷有戴焚其巢師古曰戴鵲也

音緣男子孫通等聞山中群鳥戴鵲聲往視見巢盡墮地中師古曰

字有三戴穀燒死師古曰鳥子新生而哺者曰穀音口豆反又音工豆反樹大四圍巢去地五丈五尺

太守平曰聞戴色黑近黑祥貪虐之類也易曰鳥焚其巢旅人先

笑後號咷師古曰旅卦上九爻辭也咷音逃泰山岱宗五嶽之長王者易姓告代之處

也天戒若曰勿近貪虐之人聽其賊謀將生焚巢自害其子絕世

易姓之禍其後趙蜚燕得幸立爲皇后弟爲昭儀姊妹專寵聞後

宮許美人曹偉能生皇子也師古曰曹偉能宮人姓名也偉能一名宮見外戚傳昭儀大怒令上奪

取而殺之皆并殺其母成帝崩昭儀自殺事乃發覺趙后坐誅此

焚巢殺子後號咷之應也一曰王莽貪虐而任社稷之重卒成易

姓之禍云京房易傳曰人君暴虐身焚其舍鴻嘉二年三月博士行

大射禮有飛雉集于庭歷階登堂而雉後雉又集太常宗正丞相

御史大夫大司馬車騎將軍之府又集未央宮承明殿屋上時大

司馬車騎將軍王音待詔寵等上言天地之氣已類相應師古曰已類

名寵不記姓也流俗書置謹告人君甚微而著雉者聽察先聞雷聲故月令

已紀氣師古曰謂季冬之月云雉雉雞乳也經載高宗雉之異師古曰已已明轉禍為福之

驗今雉已博士行禮之日大衆聚會飛集於庭歷階登堂萬衆睢

睢師古曰睢睢仰目驚怪連日徑歷三公之府太常宗正典宗廟骨肉

之官然後入宮其宿畱告曉人具備深切師古曰宿音先就雖人道相

戒何已過是後帝使中常侍鼂闕詔音曰聞捕得雉毛羽頗摧折

類拘執者得無人為之師古曰音人放此音復對曰陛下安得亡國之

雉故欲為變異者

語不知誰主為佞調之計

師古曰謂古語也

誣亂聖德如此者左右阿諛甚

眾不待臣音復調而足

師古曰足也音子喻反

公卿已下保位自守莫有正言如

令陛下覺寤懼大禍且至身深責臣下繩已聖法臣音當先受誅

豈有已自解哉今即位十五年繼嗣不立日日駕車而出泆行流

聞

師古曰言帝行多驕泆醜惡流布聞於遠方也

海內傳之甚於京師外有微行之害內有疾病

之憂皇天數見災異

師古曰見顯示

欲人變更終已不改天尚不能感動陸

下臣子何望獨有極言待死命在朝暮而已如有不然老母安得

處所尚何皇太后之有高祖天下當已誰屬乎

如淳曰老母音之老母也當隨已受罪誅也又謂已

言深切觸悟人主積患而死必行之誅不能復顧太后也師古曰如說非也此言總屬於成帝耳不然者謂不如所諫而自修改也老母帝之母即太后也言帝不自修改國家危亡太后不知處

所高祖天下無所付屬也屬音之欲反

宜謀於賢知克己復禮已求天意繼嗣可立災變尚

可銷也成帝綏和二年三月天水平襄有燕生爵哺食至大俱飛

去

師古曰哺音蒲固反食讀曰飢謂與母俱去

京房易傳曰賊臣在國厥咎燕生爵諸侯銷一

曰生非其類子不嗣世史記魯定公時季桓子穿井得土缶中得

蟲若羊師古曰缶盎也即今之盆近羊禍也羊者地上之物幽於土中象定公不用

孔子而聽季氏暗昧不明之應也一曰羊去野外而拘土缶者象

魯君失其所而拘於季氏季氏亦將拘於家臣也是歲季氏家臣

陽虎囚季桓子後三年陽虎劫公伐孟氏兵敗竊寶玉大弓而出

亡師古曰寶玉謂夏后氏之璜大弓謂封父之繁弱皆魯始封之分器所受於周也定八年陽虎作亂不克竊之而入謹陽關呂叛左氏傳魯襄公時

宋有生女子赤而毛棄之隄下宋平公母共姬之御者見而收之

師古曰平公宋共公之子也名成其讀曰恭因名曰弃長而美好納之平公生子曰佐後宋臣

伊戾讒太子痤而殺之師古曰事在襄二十六年痤音才戈反先是大夫華元出奔晉師古曰華

元奔在成十五年華弱奔魯師古曰事在襄六年華臣奔陳師古曰事在襄十七年華合比奔衛師古曰事在昭六年

據今春秋合比奔在殺太子痤後而志總言先是未詳其意劉向曰為時則火災赤眚之明應也京房易

傳曰尊卑不別厥妖女生赤毛惠帝二年天雨血於宣陽一頃所

劉向曰爲赤眚也時又冬雷桃李華常與之罰也是時政舒緩諸

呂用事讒口妄行殺三皇子建立非嗣師古曰三皇子謂趙隱王如意趙幽王友趙恭王恢皆高帝子也建立非嗣謂

立後宮美及不當立之王孟康曰呂氏三王也退王陵趙堯周昌師古曰惠帝六年王陵爲右丞相惠帝崩呂后

欲廢陵遷爲太傅實奪之相權高祖曰趙堯爲御史大夫高后元年怨堯前定趙王如意之策乃抵堯罪周昌爲趙相趙王見鳩殺昌謝病不朝見三歲而薨呂太后崩大

臣共誅滅諸呂僵尸流血京房易傳曰歸獄不解茲謂追非厥咎

天雨血茲謂不親民有怨心不出三年無其宗人又曰佞人祿功

臣僂天雨血師古曰僂古戮字哀帝建平四年四月山陽湖陵雨血廣三尺

長五尺大者如錢小者如麻子後二年帝崩王莽擅朝誅貴戚丁

傅大臣董賢等皆放徙遠方與諸呂同衆誅死者少雨血亦少

傳曰聽之不聰是謂不謀厥咎急厥罰恒寒厥極貧時則有鼓妖

時則有魚孽時則有豕禍時則有耳病時則有黑眚黑祥惟火沴

水聽之不聰是謂不謀言上偏聽不聰下情隔塞則不能謀慮利



害失在嚴急故其咎急也盛冬日短寒日殺物政促迫故其罰常

寒也寒則不生百穀上下俱貧故其極貧也君嚴猛而閉下臣戰

栗而塞耳則妄聞之氣發於音聲故有鼓妖寒氣動故有魚孽雨

曰龜為孽服虔曰多雨則龜多出龜能陸處非極陰也魚去水而死極陰之孽也

於易坎為豕豕大耳而不聰察聽氣毀故有豕禍也一曰寒歲豕

多死及為怪亦是也及人則多病耳者故有耳疴水色黑故有黑

眚黑祥凡聽傷者病水氣水氣病則火沴之其極貧者順之其福

曰富劉歆聽傳曰有介蟲孽也庶徵之恒寒劉向曰為春秋無其

應周之末世舒緩微弱政在臣下與煖而已故籍秦曰為驗師古曰借

秦始皇帝即位尚幼委政太后太后淫於呂不韋及嫪毐師古曰嫪或音居

反嫪姓也毒名也許慎說曰為嫪毒士之無行者嫪音即到反毒音易改反與公史記漢書本文不同且嫪樂之姓又非嫪也故當依本字呂讀封毒為長信侯

呂太原郡為毒國宮室苑囿自恣政事斷焉故天冬雷呂見陽不

禁閉呂涉危害舒輿迫近之變也始皇既冠毒懼誅作亂始皇誅

之斬首數百級大臣二十人皆車裂呂徇夷滅其宗遷四千餘家

於房陵是歲四月寒民有凍死者數年之間緩急如此寒輿輒應

此其效也劉歆呂為大雨雪及未當雨雪而雨雪及大雨雹隕霜

殺叔草皆常寒之罰也劉向呂為常雨屬貌不恭京房易傳曰有

德遭險茲謂逆命厥異寒誅過深當與而寒盡六日亦為雹害正

不誅茲謂養賊寒七十二日殺蜚禽師古曰蜚讀曰飛道人始去茲謂傷服虔曰有

道之人去其寒物無霜而死涌水出戰不量敵茲謂辱命其寒雖雨物不

茂聞善不予厥咎龔桓公八年十月雨雪周十月今八月也未可

呂雪劉向呂為時夫人有淫齊之行而桓有妬媚之心師古曰媚謂夫妬婦也音莫報

反夫人將殺其象見也師古曰謂欲殺桓公桓不覺寤後與夫人俱如齊而殺死

凡雨陰也雪又雨之陰也出非其時迫近象也董仲舒呂為象大

人專恣陰氣盛也釐公十年冬大雨雪劉向曰爲先是釐公立妾

爲夫人陰居陽位陰氣盛也公羊經曰大雨雹董仲舒曰爲公脅

於齊桓公立妾爲夫人不敢進群妾師古曰已解於上故專壹之象見諸雹

皆爲有所漸脅也孟康曰謂陰氣漸脅行專壹之政云昭公四年正月大雨雪

劉向曰爲昭取於吳而爲同姓謂之吳孟子師古曰魯與吳俱姬也周禮同姓不爲婚故諱不稱吳姬而云

君行於上臣非於下又三家已彊皆賤公行慢侮之心生

董仲舒曰爲季孫宿任政陰氣盛也師古曰季孫宿季武子也文帝四年六

月大雨雪後三歲淮南王長謀反發覺遷道死師古曰遷於蜀未至而死於雍故曰道死京房

易傳曰夏雨雪戒臣爲亂景帝中六年三月雨雪其六月匈奴入

上郡取苑馬吏卒戰死者二千餘人明年條侯周亞夫下獄死武

帝元狩元年十二月大雨雪民多凍死是歲淮南衡山王謀反發

覺皆自殺使者行郡國治黨與師古曰行音下更反坐死者數萬人元鼎二年

三月雪平地厚五尺是歲御史大夫張湯有罪自殺丞相嚴青翟

坐與三長史謀陷湯師古曰謂朱買臣為丞相長史王青翟自殺三長史皆棄

市元鼎三年三月水冰四月雨雪關東十餘郡人相食是歲民不

占緡錢有告者師古曰言政急刻也古音之贍反元帝建昭二年十一月齊

楚地大雪深五尺是歲魏郡太守京房為石顯所告坐與妻父淮

陽王舅張博博弟光勸視淮陽王師古曰視讀曰示博要斬光房棄

市御史大夫鄭弘坐免為庶人成帝即位顯伏辜淮陽王上書冤

博辭語增加師古曰言博本為石顯所冤增加其語故陷罪家屬徙者復得還建昭四年三月雨

雪燕多死谷永對曰皇后桑蠶師古曰共讀曰恭治祭服共事天地宗廟

正己是日疾風自西北大寒雨雪壞敗其功師古曰言不當天心鄉讀曰嚮己章不鄉

宜齊戒辟寢師古曰齊讀曰避己深自責師古曰齊讀曰避請皇后就宮高閉門戶毋得擅

上師古曰高與隔同擅上謂輒至御所也上音時掌反一曰擅專也上謂天子也讀如本字勿令皇后專固天子且令眾妾人人更進師古曰言不當己時

博施皇天說喜

師古曰更音工衡反說讀曰悅

庶幾可呂得賢明之嗣卽不行臣言災

異俞甚天變成形臣雖欲復捐身關策不及事已

師古曰言雖欲弃捐其身不廢願慮極陳計策

關說天子亦無所及

其後許后坐祝詛廢陽朔四年四月雨雪燕雀死後十六

年許皇后自殺定公元年十月隕霜殺菽

師古曰菽大豆

劉向呂爲周十月

今八月也消卦爲觀

師古曰坤下巽上也

陰氣未至君位而殺誅罰不由君出

在臣下之象也是時季氏逐昭公公死于外定公得立故天見災

呂視公也

師古曰視讀曰示

釐公二年十月隕霜不殺草爲嗣君微失秉事

之象也

師古曰謂襄仲專權殺嫡立庶公室遂弱秉音彼命反

其後卒在臣下則災爲之生矣異故言

草災故言菽重殺穀

師古曰呂其事爲重不比於殺草也

一曰菽草之難殺者也言殺菽知

草皆死也言不殺草知菽亦不死也董仲舒呂爲菽草之彊者天

戒若曰加誅於彊臣言菽呂微見季氏之罰也武帝元光四年四

月隕霜殺草木先是二年遣五將軍三十萬衆伏馬邑下

師古曰謂御史大夫

韓安國爲護軍將軍衛尉李廣爲驍騎將軍太僕公孫賀爲輕車將軍大行王恢爲將屯將軍太中大夫李息爲材官將軍

欲襲單于單于覺之而

去自是始征伐四夷師出三十餘年天下戶口減半京房易傳曰

興兵妄誅茲謂亡法厥災霜夏殺五穀冬殺麥誅不原情茲謂不

仁其霜夏先大雷風冬先雨廼隕霜有芒角賢聖遭害其霜附木

不下地佞人依刑茲謂私賊其霜在草根土隙閒不教而誅茲謂

虐其霜反在草下元帝永光元年三月隕霜殺桑九月二日隕霜

殺稼天下大飢是時中書令石顯用事專權與春秋定公時隕霜

同應成帝卽位顯坐作威福誅釐公二十九年秋大雨雹劉向曰

爲盛陽雨水溫煖而湯熱陰氣脅之不相入則轉而爲雹盛陰雨

雪凝滯而冰寒陽氣薄之不相入則散而爲霰師古曰霰雨雪雜下音先見反故沸湯

之在閉器而湛於寒泉則爲冰孟康曰投湯器中曰沈寒泉而成也師古曰湛讀曰沈及雪之銷亦冰

解而散此其驗也故雹者陰脅陽也霰者陽脅陰也春秋不書霰

者猶月食也釐公末年信用公子遂遂專權自恣將至於殺君故

陰脅陽之象見釐公不寤遂終專權後二年殺子赤立宣公師古曰公子遂

東門襄仲也委文公太子即惡也左氏傳曰聖人在上無雷雖有不為災說曰凡物不為

災不書書大言為災也凡雷皆冬之愆陽夏之伏陰也師古曰愆過也過陽冬温也伏

陰夏寒也昭公元年大雨雹是時季氏專權脅君之象見昭公不寤後季

氏卒遂昭公元年封三年十二月雷雨雹大如馬頭宣帝地節四年

五月山陽濟陰雨雹如雞子深二尺五寸殺二十人蜚鳥皆死師古

曰蜚讀曰飛其十月大司馬霍禹宗族謀反誅霍皇后廢成帝河平二年

四月楚國雨雹大如斧蜚鳥死左傳曰釐公三十二年十二月已

卯晉文公卒庚辰將殯于曲沃出絳柩有聲如牛劉向曰為近鼓

妖也喪凶事聲如牛怒象也將有急怒之謀曰生兵革之禍是時

秦穆公遣兵襲鄭而不假道還晉大夫先軫謂襄公曰秦師過不

假塗請擊之

師古曰先軫即原軫

遂要峭阨

師古曰即今之峭山也曰敗秦師匹馬騎輪無反

者

服虔曰騎音奇偶之奇師古曰騎隻也言盡虜獲之騎音居宜反

操之急矣

師古曰操持也謂執持所虜獲也操音于高反

晉不惟舊而

聽虐謀結怨疆國四被秦寇禍流數世凶惡之效也

師古曰舊音謂晉襄之父文公本為

秦所納而得國是舊恩也虐謀先軫之計也四被秦寇謂魯文二年秦孟明視帥師伐晉三年秦伯伐晉濟河焚舟取王官及郊十年秦伯伐晉取北徵十二年秦伯伐晉取羈馬禍流謂自襄公

至厲公凡五君與秦構難也

哀帝建平二年四月乙亥朔御史大夫朱博為丞相少

府趙玄為御史大夫臨延登受策有大聲如鍾鳴

師古曰延入而登殿也漢舊儀云丞相御史大

夫初拜皇帝延登魏詔也

殿中郎吏陞者皆聞焉

師古曰陞者謂執兵列於陛側

上曰問黃門侍郎楊雄

李尋尋對曰洪範所謂鼓妖者也師法曰為人君不聰為眾所惑

空名得進則有聲無形不知所從生其傳曰歲月日之中則正卿

受之今曰四月日加辰已有異是為中焉正卿謂執政大臣也宜

退丞相御史曰應天變然雖不退不出期年其人自蒙其咎

師古曰期年十

二月也蒙猶被也期音基

楊雄亦曰為鼓妖聽失之象也朱博為人彊毅多權謀宜



將不宜相恐有凶惡亟疾之怒師古曰亟也音居力反八月博立坐爲姦謀博自

殺立滅死論京房易傳曰令不修木下不安金母故自動若有音

史記秦二世元年天無雲而雷劉向曰爲雷當託於雲猶君託於

臣陰陽之合也二世不恤天下萬民有怨畔之心是歲陳勝起天

下畔趙高作亂秦遂亡一日易震爲雷爲貌不恭也史記秦始

皇八年河魚大上劉向曰爲近魚孽也是歲始皇弟長安君將兵

擊趙反死屯留軍吏皆斬遷其民於臨洮師古曰本使長安君擊趙至屯留而謀反作亂故賜長安君死斬其

軍吏遷其黔首也屯留上黨縣也臨洮即今之洮州也屯音純洮音土高反明年有嫪毐之誅魚陰類民之象逆流

而上者民將不從君令爲逆行也其在天文魚星中河而處車騎

滿野至于二世暴虐愈甚終用急亡京房易傳曰衆逆同志厥妖

河魚逆流上武帝元鼎五年秋蛙與蝦蟇羣鬪師古曰蛙音胡蟇反蝦音還蟇音麻是歲

四將軍衆十萬征南越師古曰謂伏波將軍路博德出桂陽下皇水樓船將軍楊僕出豫章下潁水歸義越侯嚴爲戈船將軍出零陵下離水田甲爲

下瀨將軍 開九郡 師古曰謂得越地曰爲南海蒼梧鬱林合浦交趾九真日南珠崖儋耳郡也 成帝鴻嘉四年秋雨魚

于信都長五寸弓下成帝永始元年春北海出大魚長六丈高五

四枚哀帝建平三年東萊平度出大魚 師古平度東萊之縣 長八丈高丈尺七枚

皆死京房易傳曰海數見巨魚邪人進賢人疎 師古曰數音所角反 桓公五年

秋螽 師古曰螽即阜螽即今之蝗蟲也螽音終蝗音之庸反 劉歆弓爲貪虐取民則螽介蟲之孽也與

魚同占劉向弓爲介蟲之孽屬言不從是歲公獲二國之聘取鼎

易邑 師古曰二國宋鄭也宋弓都鼎賂公鄭弓泰山之田易許田也 興役起城 師古曰謂五年夏城祝丘也 諸螽略皆從董仲

舒說云嚴公二十九年有蜚劉歆弓爲負螿也性不食穀食穀爲

災介蟲之孽 師古曰蜚音伏味反螿音煩 劉向弓爲蜚色青近青青也非中國所有

南越盛暑男女同川澤淫風所生爲蟲臭惡 師古曰蜚者中國所有非南越之蜚未詳向所說 是

時嚴公取齊淫女爲夫人既入淫於兩叔故蜚至天戒若曰今誅

絕之尙及不將生臭惡聞於四方嚴不寤其後夫人與兩叔作亂

二嗣曰殺

師古曰二嗣謂子般及閔公也

卒皆被辜

師古曰謂二叔哀姜皆不得其死也已解於上

董仲舒指略同釐

公十五年八月螽劉向曰為先是釐有鹹之會後城緣陵

師古曰僖十二年公

會齊侯宋公陳侯衛侯鄭伯許男曹伯于鹹鹹地十四年而與諸侯城緣陵緣陵祀邑也

是歲復曰兵車為牡且會使公孫

敖帥師及諸侯大夫救徐

師古曰十五年公會齊侯宋公陳侯衛侯鄭伯許男曹伯盟于牡且遂次于匡公孫敖帥師及諸侯之大夫救徐公

兵比三年在外

師古曰比類也文公三年秋雨螽于

孫敖孟穆伯也諸侯之大夫即所與會諸侯也時楚伐徐故救之

宋劉向曰為先是宋殺大夫而無罪

師古曰謂僖二十五年經書宋殺其大夫不書名曰其無罪

有暴虐

賦歛之應

師古曰謂宋昭公也

穀梁傳曰上下皆合言甚

師古曰上下皆合螽之多

董仲舒曰為

宋三世內取

師古曰三世謂襄公成公昭公也內取於國之大夫也事見公羊傳取讀曰娶

大夫專恣殺生不中

師古曰中音竹

仲故螽先死而至劉歆曰為螽為穀災卒遇賊陰墜而死也八年

十月螽時公伐邾取須胸城郟

師古曰須胸邾邑郟魯邑也事並在文七年胸音鉅俱反郟音吾

宣公六年

八月螽劉向曰為先是時宣伐莒向

師古曰事在四年向莒邑也向音餉

後比再如齊謀

伐萊

師古曰比類也謂四年秋及五年春公如齊七年公會齊侯伐萊是也

十三年秋螽公孫歸父會齊伐莒

師古曰

在十一年歸父東門襄仲子也字子家父讀曰甫

十五年秋螽宣亡熟歲數有軍旅襄公七年八

月螽劉向曰為先是襄興師救陳

師古曰謂五年楚伐陳公會晉侯宋公衛侯鄭伯齊太子光救陳也

滕子鄆子

小邾子皆來朝

師古曰六年滕子來朝七年鄆子小邾子來朝

夏城費

師古曰亦七年之夏費魯邑也音秘

哀公十二年十

二月螽是時哀用田賦

師古曰言重斂也解在刑法志

劉向曰為春用田賦冬而螽十

三年九月螽十二月螽比三螽虐取於民之效也

師古曰比類也

劉歆曰為

周十二月夏十月也火星既伏蟄蟲皆畢天之見變因物類之宜

不得曰螽是歲再失閏矣周九月夏七月故傳曰火猶西流司曆

過也宣公十五年冬螽生

師古曰爾雅曰螽蝮蝮說者曰為螽蝗之類螽音蒲北反又音服蝮音徒高反

劉歆曰為螽

蠹之有翼者

孟康曰蠹蠹音蚘蚘

食穀為災黑眚也董仲舒劉向曰為螽螟

始生也一曰螟始生是時民患上力役解於公田

師古曰解讀曰解

宣是時

初稅畝稅畝就民田畝擇美者稅其什一亂先王制而為貪利故

應是而螽生屬羸蟲之孽景帝中三年秋蝗先是匈奴寇邊中尉

不害將車騎材官士屯代高柳師古曰魏不書武帝元光五年秋蝗六年夏

蝗先是五將軍衆三十萬伏馬邑欲襲單于也師古曰已是歲四將軍征

匈奴師古曰謂車騎將軍衛青出上谷騎將軍公孫敖出代元鼎五年秋蝗是歲四將軍

征南越師古曰已及西南夷師古曰越騎義侯遣將巴蜀罪人發夜郎兵征西南夷之開十餘郡師古曰定越地爲九郡

元封六年秋蝗先是兩將軍征朝鮮師古曰二年樓船將軍楊僕左開

主郡師古曰武紀云曰其地爲樂浪臨屯玄菟太初元年夏蝗從東方至敦煌師古曰

三年秋復蝗元年貳師將軍征大宛天下奉其役連年征和二年秋

蝗四年夏蝗先是一年三將軍衆十餘萬征匈奴師古曰謂三年貳師將

征和三年貳師七萬人沒不還平帝元始

二年秋蝗徧天下是時王莽秉政左氏傳曰嚴公八年齊襄公田

于貝丘師古曰貝丘齊地見豕從者曰公子彭生也公怒曰射之豕人立而

嘑公懼墜車傷足喪屨劉向曰爲近豕禍也先是齊襄淫於妹魯

原御史大夫商丘成二萬人出西河重台侯馬通四萬騎出酒泉

越巂沈黎汶山

師古曰武紀云曰其地爲樂浪臨屯玄菟

師古曰定越地爲九郡

讀曰

飛

師古曰謂三年貳師將軍廣利將七萬人出五

軍廣利將七萬人出五

軍廣利將七萬人出五

軍廣利將七萬人出五

軍廣利將七萬人出五

桓公夫人使公子彭生殺威公又殺彭生曰謝魯公孫無知有寵

於先君襄公紕之師古曰無知僖公弟夷仲年之子也於襄公從父昆弟先君即僖公無知帥怨恨之徒攻襄

於田所師古曰怨恨之徒謂連稱管至父久戌葵丘也襄匿其戶聞足見於戶下遂殺之傷足喪

屨卒死於足虐急之效也昭帝元鳳元年燕王宮永巷中豕出園

壞都竈師古曰園者養豕之牢也都竈豕炊之大甕也園音胡頓反銜其脯六七枚置殿前晉灼曰脯古文釜字劉向

曰為近豕禍也時燕王旦與長公主左將軍謀為大逆誅殺諫者

暴急無道竈者生養之本豕而敗竈陳脯於庭脯竈將不用宮室

將廢辱也燕王不改卒伏其辜京房易傳曰衆心不安君政厥妖

豕入居室史記魯襄公二十三年穀洛水鬪將毀王宮劉向曰為

近火沴水也周靈王將擁之有司諫曰不可長民者不崇藪不墮

山不防川不寶澤師古曰長萌為萌之長也崇聚也藪謂澤之無水者墮毀也防止也寶穴也墮音火規反今吾執政毋乃

有所辟服虔曰音邪辟之辟而滑夫二川之神師古曰滑亂也音骨使至于爭明臣瓚曰明水道也師古曰明謂神靈

曰防王宮室王而飾之毋乃不可乎師古曰言為欲防國王宮使水不得毀故過節二川懼及子孫

王室愈卑王卒擁之曰傳推之曰四瀆比諸侯穀洛其次卿大夫

之象也師古曰穀洛皆大水故為四瀆之次為卿大夫將分爭曰危亂王室也是時世卿

專權僭括將有篡殺之謀師古曰僭括修季之子簡王之孫也篡殺之謀謂除喪服將見靈王過庭而歎曰嗚呼必有此夫如靈

王覺寤匡其失政師古曰匡正也懼曰承戒則災禍除矣不聽諫謀簡嫚大

異師古曰諫謀謂單公子愆旗問僭括之言恐必為害請殺之王不聽也簡嫚大異謂不憂穀洛任其私心塞埤擁下師古曰埤卑也音婢曰

逆水執而害鬼神後數年有黑如日者五是歲蚤霜靈王崩景王

立二年僭括欲殺王而立王弟佞夫佞夫不知景王并誅佞夫師古曰

在襄三及景王死五大夫爭權或立子猛或立子朝王室大亂師古曰

謂劉子單子尹氏召伯毛伯也已解於上京房易傳曰天子弱諸侯力政師古曰政亦征也言專已武力

禮今王室微弱文教不行厥異水鬪史記曰秦武王二年渭水赤者三日

昭王三十四年渭水又赤三日劉向曰為近火沚水也秦連相坐

之法棄灰於道者黥

孟康曰商鞅為政曰棄灰於道必斃人坊人必鬪故設黥刑已絕其原也臣瓚曰棄灰或有火火則燔廬舍故刑之也師古曰孟說

是也坊音蒲頓反

罔密而刑虐加呂武伐橫出殘賊鄰國至於變亂五行氣

色謬亂天戒若曰勿為刻急將致敗亡秦遂不改至始皇滅六國

二世而亡昔三代居三河河洛出圖書

師古曰謂夏都安邑即河東也殷都朝歌即河內也周都洛陽即河南也

居渭陽而渭水數赤

師古曰數音山角反

瑞異應德之效也京房易傳曰君湏

于酒淫于色

師古曰湏流也音莫踐反

賢人潛國家危厥異流水赤也

五行志第七中之下

金陵書局印  
汲古閣本



五行志第七下之上

漢書二十七

正議大夫行祕書少監琅邪縣開國子顏師古注

傳曰思心之不睿是謂不聖厥咎霧師古曰霧音莫豆反厥罰恒風厥極凶短

折時則有脂夜之妖時則有華孽時則有牛禍時則有心腹之痾

時則有黃眚黃祥時則有金木水火沴土思心之不睿是謂不聖

思心者心思慮也容寬也孔子曰居上不寬吾何巨觀之哉師古曰論語載

孔子之言言上不寬大包容臣下則不能居聖位貌言視聽己心為主四

者皆失則區霧無識師古曰區音口豆反霧音莫豆反其下並同故其咎霧也雨旱寒與亦已

風為本師古曰與音於六反四氣皆亂故其罰常風也常風傷物故其極凶短

折也傷人曰凶禽獸曰短山木曰折師古曰山中古草字一曰凶天也兄喪弟曰

短父喪子曰折在人腹中肥而包裏心者脂也心區霧則冥晦故

有脂夜之妖師古曰脂妖及夜妖曰有脂物而夜為妖若脂水夜汗人衣淫之

象也一曰夜妖者雲風竝起而杳冥故與常風同象也溫而風則

生螟螣

師古曰螣音徒得反

有裸蟲之孽

師古曰裸亦贏字也從衣果聲

劉向曰爲於易吳爲風爲

木卦在三月四月繼陽而治主木之華實風氣盛至秋冬木復華

故有華孽一曰地氣盛則秋冬復華一曰華者色也土爲內事爲

女孽也於易坤爲土爲牛牛大心而不能思慮思心氣毀故有牛

禍一曰牛多死及爲怪亦是也及人則多病心腹者故有心腹之

病土色黃故有黃眚黃祥凡思心傷者病土氣土氣病則金木水

火沴之故曰時則有金木水火沴土不言惟而獨曰時則有者非

一衝氣所沴明其異大也其極曰凶短折順之其福曰考終命

師古曰壽

考而終其命

劉歆思心傳曰時則有羸蟲之孽謂螟螣之屬也庶徵之常

風劉向曰爲春秋無其應釐公十六年正月六鵲退蜚過宋都

師古

曰鵲音五狄反

左氏傳曰風也劉歆曰爲風發於它所至宋而高鵲高蜚而

逢之則退經已見者為文故記退蜚傳已實應著言風常風之罰

也象宋襄公區霧自用不容臣下逆司馬子魚之諫而與彊楚爭

盟師古曰子魚公子目夷也桓公之子而為司馬爭盟謂為鹿上之盟以求諸侯於楚子魚諫曰小國爭盟禍也公不聽之後六年為楚所執師古曰

一年楚執宋公以伐宋應六鵠之數云京房易傳曰潛龍勿用師古曰乾初九爻辭衆

逆同志至德迺潛厥奧與風其風也行不解物不長師古曰不解物謂物逢之而不解散也不長所

起也雨小而傷政悖德隱茲謂亂厥風先風不雨大風暴起發屋折

木守義不進茲謂耄厥風與雲俱起折五穀莖臣易上政茲謂不

順厥風大焱發屋師古曰焱疾風也音必遙反賦斂不理茲謂禍厥風絕經緯如瀆曰有所破

鑊絕匹帛之屬也晉灼曰南北為經東西為緯絲因風鼻亂不端理也止即溫溫即蟲侯專封茲謂不統厥風疾

而樹不搖穀不成辟不思道利茲謂無澤師古曰道讀曰導不思導示於下而安利之厥風不

搖木旱無雲傷禾公常於利茲謂亂師古曰公上爵也常於利謂心常求利也厥風微而溫生

蟲蝗害五穀棄正作淫茲謂惑厥風溫螟蟲起害有益人之物侯

不朝茲謂叛厥風無恒地變赤而殺人文帝二年六月淮南王都

壽春大風毀民室殺人劉向已為是歲南越反攻淮南邊淮南王

長破之後年入朝殺漢故丞相辟陽侯上赦之歸聚姦人謀逆亂

自稱東帝見異不寤後遷于蜀道死靡文帝五年吳暴風雨壞城

官府民室時吳王濞謀為逆亂天戒數見終不改寤後卒誅滅五

年十月楚王都彭城大風從東南來毀市門殺人是月王戊初嗣

立後坐淫削國與吳王謀反刑僂諫者師古曰謂楚相張敖太傅趙夷吾也僂古戮字下皆類此吳在楚

東南天戒若曰勿與吳為惡將敗市朝王戊不寤卒隨吳亡昭帝

元鳳元年燕王都薊大風雨師古曰薊縣名燕國之所都拔宮中樹七圍已上十六

枚壞城樓燕王旦不寤謀反發覺卒伏其辜釐公十五年九月已

卯晦震夷伯之廟師古曰夷伯司空無駭之後本魯公族也號展氏劉向已為晦暝也震雷也夷

伯世大夫正書雷其廟獨冥師古曰冥暗也天戒若曰勿使大夫世官將專

事暝晦明年公子季友卒果世官

師古曰謂季友之孫行父仍執政專國自此以後常爲卿

政在季氏至

成公十六年六月甲午晦正晝皆暝陰爲陽臣制君也成公不寤

其冬季氏殺公子偃

師古曰爲季文子所殺也已解於上

季氏萌於釐公

師古曰萌喻草木始生也言其始有成權

大

於成公此其應也董仲舒曰爲夷伯季氏之孚也

師古曰孚信也所信任之臣也

陪臣

不當有廟震者雷也晦暝雷擊其廟明當絕去僭差之類也向又

由爲此皆所謂夜妖者也劉歆曰爲春秋及朔言朔及晦言晦人

道所不及則天震之展氏有隱慝故天加誅於其祖夷伯之廟曰

譴告之也成公十六年六月甲午晦晉侯及楚子鄭伯戰于鄢陵

皆月晦云隱公五年秋螟董仲舒劉向曰爲時公觀漁于棠貪利

之應也

師古曰棠魯地也陳漁者之事而觀之也

劉歆曰爲又逆臧釐伯之諫

師古曰臧僖伯公子彌也孝公之子諫觀漁

貪利區霧曰生羸蟲之孽也八年九月螟時鄭伯曰邠將易許田

師古曰鄭祀泰山之邑也音彼命反已解於上

有貪利心京房易傳曰臣安祿茲謂貪厥災蟲蟲

食根德無常茲謂煩蟲食葉不絀無德蟲食本與東作爭茲謂不

時師古曰奪農時也

蟲食節蔽惡生孽蟲食心

師古曰蔽謂惡人蔽君之明謂災孽也

嚴公六年秋螟

董仲舒劉向曰為先是衛侯朔出奔齊齊侯會諸侯納朔

師古曰朔謂惠公也

桓十六年以左公子洵右公子職立公子黔牟故惠公奔齊至莊五年會齊人宋人蔡人伐衛而納惠公也

許諸侯賂

師古曰諸國各有賂

齊人歸衛

寶魯受之

師古曰以伐衛所獲之寶來歸魯

貪利應也文帝後六年秋螟是歲匈奴大

入上郡雲中漢火通長安遣三將軍屯邊三將軍屯京師

師古曰竝已解於上

宣公三年郊牛之口傷改卜牛牛死劉向曰為近牛禍也是時宣

公與公子遂謀其殺子赤而立

師古曰已解於上也

又曰喪娶

師古曰宣元年正月公子遂如齊逆女三月遂

以夫人婦姜至自齊時成公喪制未除

區霧昏亂亂成於口幸有季文子得免於禍天猶惡

之生則不饗其祀

師古曰謂郊牛傷死是天不欲饗其祀

死則災燔其廟

師古曰成三年新宮與新宮者宣之廟也以其新成

故謂之新宮

董仲舒指略同秦孝文王五年游胸衍有獻五足牛者

師古曰胸衍地

名在北地胸音許子反

劉向曰為近牛禍也先是文惠王初都咸陽廣大宮室南

至渭北臨涇思心失逆土氣足者止也戒秦建止奢秦將致危

如淳曰建立  
基止秦奢秦

秦遂不改至於離宮三百復起阿房未成而亾一曰牛

力爲人用足所旨行也其後秦大用民力轉輸起負海至北邊

海猶言  
背海也

天下叛之京房易傳曰興繇役奪民時厥妖牛生五足景帝

中六年梁孝王田北山有獻牛足上出背上劉向曰爲近牛禍先

是孝王驕奢起苑方三百里宮館閣道相連三十餘里納於邪臣

羊勝之計欲求爲漢嗣刺殺議臣爰盜事發負斧歸死旣退歸國

猶有恨心內則思慮霽亂外則土功過制故牛旤作足而出於背

下奸上之象也

師古曰奸  
犯也音干

猶不能自解發疾暴死又凶短之極也左

氏傳昭公二十一年春周景王將鑄無射鍾

師古曰鍾聲中無射  
之律也射音弋石反

泠州鳩

曰應劭曰泠官也州鳩名也師古曰樂官

王其旨心疾死乎夫天子省風旨作

樂

應劭曰風土地風俗也省中和之風以作樂然後可移惡風易惡俗也  
臣瓚曰省風俗之流遵作樂以救其敝也師古曰應說是也省觀也

小者不窳大者

不擲師古曰寔輕小也擲橫大也擲則不容心是曰感感實生疾今鍾擲矣寔音亡寔反擲音胡化反

王心弗裁孟康曰古堪字其能久乎劉向曰爲是時景王好聽淫聲適庶不

明師古曰適讀曰嫡謂太子壽卒王立子猛爲嗣後又欲立子朝也思心霧亂明年曰心疾崩近心腹之病

凶短之極者也昭二十五年春魯叔孫昭子聘于宋元公與燕飲

酒樂語相泣也師古曰昭子叔孫婿也元公宋平公子也相泣相對而俱泣也樂祁佐師古曰樂祁宋司城子梁也佐佐酒告人曰

今茲君與叔孫其皆死乎吾聞之哀樂而樂哀皆喪心也師古曰哀樂可樂而

反哀也樂哀可哀而反樂也喪失之也心之精爽是謂魂魄魂魄去之何曰能久冬十月叔

孫昭子死十一月宋元公卒昭帝元鳳元年九月燕有黃鼠銜其

尾舞王宮端門中往視之鼠舞如故王使夫人曰酒脯祠鼠舞不

休夜死黃祥也時燕刺王且謀反將敗死凶象也其月發覺伏辜

京房易傳曰誅不原情厥妖鼠舞門成帝建始元年四月辛丑夜

西北有如火光壬寅晨大風從西北起雲氣赤黃四塞天下終日



夜下著地者黃土塵也是歲帝元舅大司馬大將軍王鳳始用事

又封鳳母弟崇為安成侯食邑萬戶庶弟譚等五人賜爵關內侯

食邑三千戶師古曰譚商音根達時凡五人復益封鳳五千戶悉封譚等為列侯是為

五侯哀帝即位封外屬丁氏傅氏周氏鄭氏凡六人為列侯師古曰外戚傳

傳太后弟子喜封高武侯晏封孔鄉侯商封汝昌侯同母弟子鄭業為陽信侯丁太后兄明封陽安侯子滿封平周侯傅氏鄭氏侯者四人丁氏侯者二人今此言六人為列侯其數是也傅氏丁氏鄭氏則有之而不見周氏楊宣對曰五侯封日天氣赤黃丁傅復然服虔曰楊宣諫

所出志傳不同未詳其意也此殆爵土過制傷亂土氣之祥也京房易傳曰經稱觀其生師古

曰易觀卦上九爻辭大臣之義當觀賢人知其性行推而貢之否則為聞善

不與茲謂不知師古曰徒知之而不能進助也厥與黃厥咎孽厥災不嗣黃者日上

黃光不散如火然有黃濁氣四塞天下蔽賢絕道故災與至絕世

也經曰良馬逐師古曰此易大畜九三爻辭逐進也言大臣得賢者謀當顯進其人

否則為下相攘善師古曰攘卻也言不進達之也一曰攘因也因而竊取曰攘音人羊反茲謂盜明厥咎亦不嗣

否則為下相攘善師古曰攘卻也言不進達之也一曰攘因也因而竊取曰攘音人羊反茲謂盜明厥咎亦不嗣

至於身僂家絕師古曰僂古數字史記周幽王二年周三川皆震應劭曰震地震三川竭也師古曰三

川溼涓涓也洛即漆沮也川自震耳故將壅塞非地震也劉向曰為金木水火沴土者也伯陽甫曰服虔曰周太史

周將亾矣天地之氣不過其序若過其序民亂之也陽伏而不能

出陰迫而不能升應劭曰迫陰迫陽使不能升也於是有地震今三川實震是陽失其

所而填陰也應劭曰失其所失其道也填陰為陰所填不得升也師古曰填音竹刃反陽失而在陰原必塞師古曰原謂水泉之

也本原塞國必亾夫水土演而民用也應劭曰演引也所以引出土氣者也師古曰演音衍土無所演而

民乏財用不亾何待昔伊雒竭而夏亾河竭而商亾今周惠如二

代之季其原又塞塞必竭川竭山必崩夫國必依山川山崩川竭

亾之徵也若國亾不過十年數之紀也是歲二川竭岐山崩劉向

曰為陽失在陰者謂火氣來煎枯水故川竭也山川連體下竭上

崩事執然也時幽王暴虐妄誅伐不聽諫迷於褒姒廢其正后師古

曰褒姒褒人所獻之女也正后申后也蓋白華之詩所為作也廢后之父申侯與犬戎共攻殺幽王一日其

在天文水爲辰星辰星爲蠻夷月食辰星國呂女亾幽王之敗女

亂其內夷攻其外京房易傳曰君臣相背厥異名水絕師古曰有文名之水

公九年九月癸酉地震劉向曰爲先是時齊桓晉文魯釐二伯賢

君新沒師文曰齊桓晉文一伯也魯僖賢君也伯讀曰霸周襄王失道師古曰謂避叔帶之難而出奔尖爲君之道楚穆王殺

父師古曰穆王商臣也殺其父成王也諸侯皆不肖權傾於下天戒若曰臣下彊盛者將

動爲害後宋魯晉莒鄭陳齊皆殺君師古曰文十六年宋人殺其君杵臼十八年襄仲殺惡宣二年晉趙盾殺其君夷皋文十

八年莒弑其君庶其宣四年鄭公子婦生弑其君夷十年陳夏徵舒殺其君平國文十八年齊人殺其君商人諸震略皆從董仲舒說也京

房易傳曰臣事雖正專必震其震於水則波於木則搖於屋則瓦

落大經在辟而易臣茲謂陰動服虔曰經常也辟首刑辟之辟蘇林曰大經五行之常經也在辟衆陰犯殺其上也師古曰辟讀曰

辟謂常法辟與而易臣也厥震搖政宮大經搖政茲謂不陰厥震搖山山出涌水嗣

子無德專祿茲謂不順厥震動丘陵涌水出襄公十六年五月甲

子地震劉向曰爲先是雞澤之會諸侯盟大夫又盟師古曰雞澤衛地也襄二年公會單

子晉侯宋公衛侯鄭伯莒子邾子齊世子光已未同盟于雞澤  
陳侯使袁僑如會戊寅叔孫豹及諸侯大夫及陳袁僑盟也  
是歲三月諸侯為溴梁

之會而大夫獨相與盟師古曰經書諸大夫盟謂晉宋  
衛鄭曹莒邾辭杞小邾之大夫五月地震矣其後崔

氏專齊欒盈亂晉良霄傾鄭闞殺吳子燕逐其君楚滅陳蔡師古曰  
崔氏齊

卿崔杼也欒盈晉大夫欒桓子之子懷子也二十一年奔楚二十三年復入于晉而作亂良霄鄭  
大夫伯有也三十年子皙以駟氏之甲伐而焚之伯有奔靡梁遂奔許晨自墓門之竇入介于襄

庫以伐舊北門駟帶率國人伐之伯有死于羊肆闞守門者也吳子餘祭也吳人伐越獲俘焉以  
為闞使守舟二十九年餘祭觀舟闞以刀殺之燕北燕國也昭三年冬燕大夫殺公之外嬖公懼

奔齊昭八年楚師滅陳十一年楚滅蔡也昭公十九年五月己卯地震劉向曰為是時季氏將

有逐君之變其後宋三臣曹會皆已地叛師古曰二十年宋華亥向寧華定出奔  
陳二十一年自陳人于宋南里已叛曹會

大夫公孫會也二十年自鄭出奔宋殺梁傅蔡莒逐其君吳敗中國殺二君師古曰  
昭二十

一年蔡人信費無極之言出蔡侯朱朱出奔楚二十三年莒子庚輿虐而好劍國人患之秋七月烏  
存帥國人以逐之庚輿出奔魯戊辰吳敗楚頓胡沈蔡陳許之師于雞父胡子髡沈子逞滅是也

二十三年八月乙未地震劉向曰為是時周景王崩劉單立王子

猛尹氏立子朝師古曰已  
解於上其後季氏逐昭公黑肱叛邾師古曰黑肱邾大夫  
也三十一年經書邾

黑肱以濫來吳殺其君僚師古曰二十七年吳公子光  
使專設諸抽劍刺王是也宋五大夫晉二大夫皆

呂地叛

師古曰定十年宋公之弟辰暨仲它石彊山奔陳十一年春辰及仲它石彊公子地自陳入于蕭以叛秋宋樂大心自曹入于蕭十三年晉荀寅士吉射入朝敬以叛

哀

公三年四月甲午地震劉向曰爲是時諸侯皆信邪臣莫能用仲

尼盜殺蔡侯齊陳乞弒君

師古曰哀四年經書盜殺蔡侯申左氏傳曰蔡昭侯將如吳諸大夫恐其又遷也公孫翩逐而別之入于家人而卒

陳乞齊大夫陳僖子也六年乞殺其君荼荼景公之子安孺子也荼音大胡反

惠帝二年正月地震隴西厭四百餘家

師古曰厭音一甲反次下亦同

武帝征和二年八月癸亥地震厭殺人宣帝本始四年

四月壬寅地震河南呂東四十九郡北海琅邪壞祖宗廟城郭殺

六千餘人元帝永光三年冬地震綏和二年九月丙辰地震自京

師至北邊郡國三十餘壞城郭凡殺四百一十五人釐公十四年

秋八月辛卯沙麓崩穀梁傳曰林屬於山曰麓

師古曰屬聯也音之欲反

沙其名也

劉向曰爲臣下背叛散落不事上之象也先是齊桓行伯道會諸

侯師古曰伯讀曰霸其下亦同

事周室管仲旣死桓德曰衰天戒若曰伯道將廢諸

侯散落政逮大夫陪臣執命臣下不事上矣桓公不寤天子蔽晦

師古曰被掩蔽而暗也

及齊威死天下散而從楚王札子殺二大夫

師古曰二大夫召伯毛伯也

晉

敗天子之師

師古曰謂敗之於費戎也已解於上也

莫能征討從是陵遲公羊曰為沙麓河

上邑也董仲舒說略同一曰河大川象齊大國桓德衰伯道將移

於晉文故河為徒也左氏曰為沙麓晉地沙山名也地震而麓崩

不書震舉重者也伯陽甫所謂國必依山山川崩川竭亾之徵也

不過十年數之紀也至二十四年晉懷公殺於高梁

師古曰懷公謂子圍惠公之子也文

公入國而使殺之高梁晉地

京房易傳曰小人剝廬

師古曰剝廬上九爻之辭

厥妖山崩茲謂陰乘陽

弱勝彊成公五年夏梁山崩穀梁傳曰雁河三日不流

師古曰雁讀曰壑

晉

君帥羣臣而哭之廼流

師古曰從伯宗用釐者之言

劉向曰為山陽君也水陰民也

夫戒若曰君道崩壞下亂百姓將失其所矣哭然後流喪亾象也

梁山在晉地自晉始而及天下也後晉暴殺三卿厲公弒

師古曰三卿謂

御筆卻錡卻至也厲公殺之而變書中行偃又弒厲公事在成十七年

溴梁之會天下大夫皆執國政

師古曰已解於上

其

後孫甯出衛獻

師古曰孫孫林父甯甯殖皆衛大夫也衛獻公定公之子也名衎獻公戒

之敗公徒于柯澤  
事在襄十四年

三家逐魯昭單尹亂王室

師古曰並  
解於上

董仲舒說略同劉歆

曰爲梁山晉望也崩弛崩也

師古曰言漸解散  
也施音式爾反

古者三代命祀祭不越

望吉凶禍福不是過也國主山川山崩川竭亾之徵也美惡周必

復

師古曰復  
音扶目反

是歲歲在鶉火至十七年復在鶉火樂書中行偃殺厲

公而立悼公高后二年正月武都山崩殺七百六十人地震至八

月廼止文帝元年四月齊楚地山二十九所同日俱大發水潰出

劉向曰爲近水沴土也天戒若曰勿盛齊楚之君今失制度將爲

亂後十六年帝庶兄齊悼惠王之孫文王則薨無子帝分齊地立

悼惠王庶子六人皆爲王

師古曰謂齊孝王將閭濟北王志菑川王  
賢膠東王雄渠膠西王卬濟南王辟光

賈誼晁錯

諫曰爲違古制恐爲亂至景帝三年齊楚七國起兵百餘萬漢皆

破之春秋四國同日災

師古曰宋  
衛陳鄭

漢七國同日衆山潰咸被其害不

喪天威之明效也成帝河平三年二月丙戌犍爲柏江山崩捐江

山崩皆靡江水

師古曰靡讀曰  
藥次下亦同

江水逆流壞城殺十三人地震積二十

一日百二十四動元延三年正月丙寅蜀郡岷山崩靡江江水逆

流三日廼通劉向曰爲周時岐山崩三川竭而幽王亾岐山者周

所興也漢家本起於蜀漢今所起之地山崩川竭星孛又及攝提

大角從參至辰

如滄曰孛星尾長及攝提  
大角始發於參至辰也

殆必亾矣其後三世亾嗣王莽

### 篡位

傳曰皇之不極是謂不建厥咎眊

服虔曰眊  
音老耄

厥罰恒陰厥極弱時則

有射妖時則有龍蛇之孽時則有馬禍時則有下人伐上之病時

則有日月亂行星辰逆行皇之不極是謂不建皇君也極中建立

也人君貌言視聽思心五事皆失不得其中則不能立萬事失在

眊悖故其咎眊也

師古曰眊不明也  
悖惑也音布丙反

王者自下承天理物雲起於山而



彌於天

師古曰彌滿也

天氣亂故其罰常陰也一曰上失中則下彊盛而蔽

君明也易曰亢龍有悔貴而亾位高而亾民賢人在下位而亾輔

師古曰乾上九文言也

如此則君有南面之尊而亾一人之助故其極弱也盛陽

動進輕疾

服虔曰陽行輕且疾也

禮春而大射曰順陽氣

韋昭曰將祭與祭臣射謂之大射

上微弱則

下奮動故有射妖易曰雲從龍

師古曰乾九五文言

又曰龍蛇之蟄曰存身也

師古曰下繫辭也

陰氣動故有龍蛇之孽於易乾爲君爲馬馬任用而彊力

君氣毀故有馬禍一曰馬多死及爲怪亦是也君亂且弱人之所

叛天之所去不有明王之誅則有篡弑之禍故有下人伐上之病

凡君道傷者病天氣不言五行沴天而曰日月亂行星辰逆行者

爲若下不敢沴天猶春秋曰王師敗績于貿戎不言敗之者曰自

敗爲文尊尊之意也劉歆皇極傳曰有下體生上之病說曰爲下

人伐上天誅已成不得復爲病云皇極之常陰劉向曰爲春秋亾

其應一曰久陰不雨是也劉歆曰爲自屬常陰昭帝元平元年四

月崩亾嗣立昌邑王賀賀卽位天陰晝夜不見日月賀欲出光祿

大夫夏侯勝當車諫曰天久陰而不雨臣下有謀上者陛下欲何

之賀怒縛勝師古曰屬委也音之欲反呂屬吏師古曰屬委也音之欲反吏白大將軍霍光光時與車騎將軍

張安世謀欲廢賀光讓安世呂爲泄語安世實不泄召問勝勝上

洪範五行傳曰皇之不極厥罰常陰時則有下人伐上不敢察察

言臣瓚曰不敢察察明言之故云臣下有謀光安世讀之大驚呂此益重經術士後

數日卒其廢賀此常陰之明效也京房易傳曰有蜺蒙霧霧上下

合也蒙如塵雲蜺日旁氣也其占曰后妃有專蜺再重赤而專至

衝旱孟康曰專員也若五月再重赤而員至十一月旱也妻不壹順黑蜺四背又白蜺雙出日中妻

呂貴高夫茲謂擅陽蜺四方日光不陽解而溫服虔曰蒙氣解而溫內取茲謂

禽服虔曰人君內淫於骨肉也臣瓚曰人君取於國中也師古曰取如禮記聚麀之聚瓚說非

蜺如禽在日旁呂尊降妃茲謂

薄嗣蜺直而塞六辰

韋昭曰六辰謂從卯至申

除夜星見而赤女不變始茲謂乘

夫

孟康曰始貴高於夫終行此不變也

蜺白在日側黑蜺果之氣正直

師古曰果謂干之也

妻不順正茲

謂擅陽蜺中窺貫而外專夫妻不嚴茲謂媾

韋昭曰媾言媾慢也師古曰音先列反

蜺與日

會婦人擅國茲謂頃

師古曰頃讀曰頃

蜺白貫日中赤蜺四背

服虔曰蜺背日

適不答

茲謂不次

服虔曰言適妻不見答也臣瓚曰夫不接妻謂不答師古曰適讀曰嫡答報也言妻有承順之心不見報答也一日答對也言不以恩意接對之

蜺直

在左蜺交在右取於不專茲謂危嗣蜺抱日兩未及君淫外茲謂

亾蜺氣左日交於外取不達茲謂不知蜺白奪明而大溫溫而雨

師古曰取讀曰聚

尊卑不別茲謂媾蜺三出三巳三辰除

韋昭曰若從寅至辰也蜺旦見西晏則雨

除則

日出且雨臣私祿及親茲謂罔辟

韋昭曰辟君也師古曰辟音璧其下並同

厥與蒙其蒙先大

溫已蒙起日不見行善不請於上茲謂作福蒙一日五起五解辟

不下謀臣辟異道茲謂不見上蒙下霧風三變而俱解立嗣子疑

茲謂動欲蒙赤日不明德不序茲謂不聰蒙日不明溫而民病德

不試空言祿

師古曰試用也

茲謂主竄臣天

孟康曰謂君情願用人不以次第爲天也師古曰竄音廣

蒙起而白君

樂逸人茲謂放蒙日青黑雲夾日左右前後行過日公不任職茲

謂怙祿蒙三日又大風五日蒙不解利邪己食茲謂閉上蒙大起

白雲如山行蔽日公懼不言道茲謂閉下蒙大起日不見若雨不

雨至十二日解而有天雲蔽日祿生於下茲謂誣君蒙微而小雨

已乃大雨下相攘善茲謂盜明蒙黃濁下陳功求於上茲謂不知

蒙微而赤風鳴條解復蒙下專刑茲謂分威蒙而日不得明大臣

厭小臣茲謂蔽蒙微日不明若解不解大風發赤雲起而蔽日衆

不惡惡茲謂閉蒙尊卦用事

孟康曰尊卦乾坤也臣瓚曰京房謂之方伯卦震兌坎離也師古曰孟說是

三日而起

日不見漏言亾喜茲謂下厝用

師古曰厝音千各反

蒙微日無光有雨雲雨不

降廢忠惑佞茲謂亾蒙天先清而暴蒙微而日不明有逸民茲謂

不用蒙濁奪日光公不任職茲謂不紕蒙白三辰止則日青青而

寒寒必雨忠臣進善君不試茲謂過師古曰試用也蒙先小雨雨已蒙起微

而日不明惑眾在位茲謂覆國蒙微而日不明一溫一寒風揚塵

知佞厚之茲謂庫蒙甚而溫君臣故弼茲謂悖師古曰弼猶相戾也悖惑也厥災風

雨霧風拔木亂五穀已而大霧庶正蔽惡茲謂生孽災厥異霧此

皆陰雲之類云嚴公十八年秋有蜮劉向已為蜮生南越越地多

婦人男女同川淫女為主亂氣所生故聖人名之曰蜮蜮猶惑也

在水旁能射人射人有處甚者至死師古曰以氣射人也南方謂之短弧師古曰即射工

也亦呼水弩近射妖死亾之象也時嚴將取齊之淫女故蜮至天戒若曰

勿取齊女將生淫惑篡弑之禍嚴不寤遂取之入後淫於二叔二

叔已死兩子見弑夫人亦誅師古曰並解于上劉歆已為蜮盛暑所生非自

越來也京房易傳曰忠臣進善君不試厥咎國生蜮師古曰試用也史記魯

哀公時有隼集于陳廷而死師古曰隼鷩鳥即今之鳩也說者以為鷩失之矣廷朝廷也鷩字音胡骨反楛矢貫之

應劭曰楛木名師古曰音怙其木堪爲箭筈  
今幽以北皆用之士俗呼其木爲楛子也  
石弩應劭曰弩鐵也音奴又乃互反長尺有咫張晏曰八寸曰咫陳

閔公使使問仲尼師古曰閔公名周懷公之子仲尼曰隼之來遠矣昔武王克商通

道百蠻使各以方物來貢肅慎貢楛矢臣瓚曰肅慎東北夷石弩長尺有咫先

王分異姓以遠方職使毋忘服師古曰服事也故分陳以肅慎矢試求之故

府果得之師古曰得昔所分之矢於府藏中劉向以爲隼近黑祥貪暴類也矢貫之近

射妖也死於廷國亾表也象陳眊亂不服事周師古曰眊音莫報反而行貪暴

將致遠夷之禍爲所滅也是時中國齊晉南夷吳楚爲彊師古曰中國則齊晉

爲彊南夷則吳楚爲彊陳交晉不親附楚不固數被二國之禍後楚有白公之亂

師古曰白公楚平王太子建之子勝也建遇讒奔鄭而死勝在吳子西召之使處吳境爲白公吳人伐慎白公敗之請以職備獻因作亂子西子期皆死事在哀十六年陳乘而侵

之師古曰白公之亂陳人恃其聚而侵楚事見哀十七年卒爲楚所滅師古曰陳閔公之二十年獲麟之歲也其二十四年而爲楚所滅史記夏

后氏之衰有二龍止於夏廷而言余喪之二君也師古曰衰古國名夏帝卜

殺之去之止之莫吉卜請其禱而藏之乃吉應劭曰禱沫也鄭氏曰禱音牛齡之齡師古曰去謂驅逐也止

謂拘雷也去音丘  
呂反繁音丑之反  
於是布幣策告之師古曰奠幣為禮讀策辭而告之也說者以為策者糴米蓋失之矣龍亾而繁在

乃匱去之師古曰匱匱也去藏也匱音讀去音丘呂反其後夏亾傳匱於殷周三代莫發至厲

王末發而觀之繁流于廷不可除也厲王使婦人羸而譟之應劭曰羸呼曰

譟師古曰譟繁化為玄鼃韋昭曰玄黑鼃蜃蜴也似蛇而有足入後宮處妾遇之

而孕師古曰處妾宮中之童女生子懼而棄之宣王立女童嘗曰厲弧其服實亾周

國服虔曰屢屢桑也師古曰女童謠閭里之童女為歌謠也屢山桑之有黠文者也木弓曰後

有夫婦鬻是器者宣王使執而僂之師古曰鬻賣也音弋六反既去見處妾所棄妖

子聞其夜號哀而收之遂亾奔褒後褒人有罪入妖子已贖是為

褒姒幽王見而愛之生子伯服王廢申后及太子宜咎而立褒姒

伯服代之廢后之父申侯與緡西畎戎共攻殺幽王師古曰畎戎即犬戎亦曰昆夷詩

曰赫赫宗周褒姒威之師古曰小雅正月之詩也赫赫盛貌也宗周鎬京也威滅也音呼悅反劉向曰為夏后季

世周之幽厲皆諄亂逆天師古曰諄惑也音布丙反故有龍鼃之怪近龍蛇孽也繁

血也一曰沫也麋弧桑弓也萸服蓋弓萸草爲箭服近射妖也女

童者禍將生於女國呂兵寇也師古曰因婦人以致兵寇也左氏傳昭公十九

年龍鬪於鄭時門之外洧淵師古曰時門鄭城門也洧泉洧水之泉也洧水出滎陽密縣東南至潁川長平入潁也劉向呂

爲近龍孽也鄭呂小國攝乎晉楚之間師古曰攝收持之重呂彊吳師古曰重音直用反鄭

當其衝不能修德將鬪三國呂自危師古曰言若不修德則三國伐之必危也是時子產任

政內惠於民外善辭令呂交三國鄭卒亡患能呂德消變之效也

京房易傳曰衆心不安厥妖龍鬪惠帝二年正月癸酉旦有兩龍

見於蘭陵廷東里溫陵井中師古曰蘭陵縣之廷東里也溫陵人姓名也至乙亥夜去劉向呂

爲龍貴象而困於庶人井中象諸侯將有幽執之禍其後呂太后

幽殺三趙王諸呂亦終誅滅京房易傳曰有德遭害厥妖龍見井

中又曰行刑暴惡黑龍從井出左氏傳魯嚴公時有內蛇與外蛇

鬪鄭南門中內蛇死劉向呂爲近蛇孽也先是鄭厲公劫相祭仲



而逐兄昭公代立

師古曰厲公母宋離氏之女也祭仲祭封人仲足也桓十一年宋人執祭仲曰不立突將死仲乃與宋盟而立厲公昭公奔衛祭音側介反

後厲公出奔昭公復入

師古曰桓十五年厲公與祭仲之婿靡糾謀殺祭仲不克五月出奔蔡六月昭公復歸于鄭九月厲公殺檀伯而居櫟也

弟子儀代立

師古曰桓十七年高渠彌弑昭公而立其弟子儀十八年齊人殺子慶祭仲乃立慶之弟儀也

厲公自外劫大夫傅

瑕使僂子儀

師古曰傅瑕鄭大夫也莊十四年厲公自櫟侵鄭獲傅瑕與之盟於是傅瑕殺子儀而納厲公也

此外蛇殺內蛇之

象也蛇死六年而厲公立嚴公聞之問申繻曰猶有妖乎

師古曰申繻魯大夫

也繻音須對曰人之所忌其氣炎呂取之

師古曰炎音弋贍反

妖由人興也人亾豐焉

妖不自作人棄常故有妖

師古曰巳解於上

京房易傳曰立嗣子疑厥妖蛇

居國門闕左氏傳文公十六年夏有蛇自泉宮出

師古曰泉宮即泉臺

入于國

如先君之數劉向曰為近蛇孽也泉宮在園中公母姜氏嘗居之

蛇從之出象宮將不居也詩曰維虺維蛇女子之祥

師古曰小雅斯于之詩

又蛇

入國國將有女憂也如先君之數者公母將薨象也秋公母薨公

惡之乃毀泉臺夫妖孽應行而自見非見而為害也文不改性循

正其御厥罰

師古曰其讀曰恭御讀曰禦文讀如木字

而作非禮已重其過

師古曰重音直用反

後二年薨

公子遂殺文之二子惡視而立宣公

師古曰惡即子赤也視其母弟

文公夫人大歸于

齊

師古曰本齊女故出而歸齊所謂哀姜者也

武帝大始四年七月趙有蛇從郭外入與邑中

蛇鬪孝文廟下邑中蛇死後二年秋有衛太子事事自趙人江充

起左氏傳定公十年宋公子地有白馬駒

師古曰地宋元公子也四馬曰駒

公嬖向魋

欲之

師古曰公謂景公即地之兄也魋宋司馬桓魋也向音式尚反魋音大回反

公取而朱其尾鬣

師古曰鬣領上鬣也音力涉反

呂子

之地怒使其徒扶魋而奪之

師古曰扶擊也音丑失反

魋懼將走公閉門而泣之目

盡腫公弟辰謂地曰子為君禮不過出竟君必止子

師古曰辰亦元公子也言若見君怒懼而

出奔是為臣之禮也竟讀曰境也

地出奔陳公弗止辰為之請不聽辰曰是我廷吾兄

也

應劭曰廷音若狂臣墳曰廷音九放反師古曰二說皆非也廷欺也音求往反

吾呂國人出君誰與處遂與其徒出

奔陳明年俱入于蕭以叛大為宋患

師古曰蕭宋邑

近馬禍也史記秦孝公

二十一年有馬生人昭王二十年牡馬生子而死劉向曰為皆馬

禍也孝公始用商君攻守之法東侵諸侯至於昭王用兵彌烈師

曰烈也其象將呂兵革抗極成功而還自害也牡馬非生類矣生而死

猶秦恃力彊得天下而還自滅之象也曰諸畜生非其類子孫必

有非其姓者至於始皇果呂不韋子京房易傳曰方伯分威厥妖

牡馬生子亾天子諸侯相伐厥妖馬生人文帝十二年有馬生角

於吳角在耳前上鄉師古曰鄉讀曰嚮次下亦同右角長三寸左角長二寸皆大二

寸劉向曰爲馬不當生角猶吳不當舉兵鄉上也是時吳王濞封

有四郡五十餘城師古曰高紀云六年春以故東陽郡鄣郡吳郡五十三縣立劉賈爲荆

復立吳王長沙王臣等請立沛侯爲吳王而荆燕吳傳云荆王劉賈爲縣布所殺無後上患會稽

輕悍無壯王填之乃立濞爲吳王王三郡五十三城是則濞之所封賈本地也止有三郡荆燕吳

傳與紀罔矣今此云四郡未詳其說若以賈本內懷驕恣變見於外天戒早矣王

不得會稽濞加一郡者則不得言五十三城也不寤後卒舉兵誅滅京房易傳曰臣易上政不順厥妖馬生角茲

謂賢士不足又曰天子親伐馬生角成帝綏和三年二月大廩馬

生角在左耳前圍長各二寸是時王莽為大司馬害上之萌自此

始矣

師古曰萌若草木之始生也

哀帝建平二年定襄牡馬生駒三足隨羣飲食太

守呂聞馬國之武用三足不任用之象也後侍中董賢年二十二

為大司馬居上公之位天下不宗哀帝暴崩成帝母王太后召弟

子新都侯王莽入收賢印綬賢恐自殺莽因代之并誅外家丁傅

又廢哀帝傅皇后令自殺發掘帝祖母傅太后母丁太后陵更呂

庶人葬之辜及至尊大臣微弱之禍也文公十一年敗狄于鹹

師古曰鹹

魯地也

穀梁公羊傳曰長狄

師古曰防風之後漆姓也國號鄭囑鄭音所求反囑音莫干反

兄弟三人一者之魯

師古曰僑如也來伐魯為叔孫得臣所獲

一者之齊

師古曰梁如也齊襄公二年伐齊為王子成父所獲

一者之晉

師古曰焚如也宣十五年晉滅潞國而獲之

皆殺之身橫九晦

師古曰晦古私字

斷其首而載之眉見於軾

師古曰軾車前橫木

何呂書

記異也劉向為是時周室衰微三國為大可責者也天戒若曰

不行禮義大為夷狄之行將致危亾其後三國皆有篡弑之禍

師古

曰謂魯文公薨襄仲弑惡及視而立宣公齊連稱管至父弑襄公而立無知晉欒書中行偃弑厲公而立悼公

近下人伐上之病也劉歆曰

爲人變屬黃祥一曰屬羸蟲之孽一曰天地之性人爲貴凡人爲

變皆屬皇極下人伐上之病云京房易傳曰君暴亂疾有道厥妖

長狄入國又曰豐其屋下獨苦

師古曰豐其屋易豐卦上六爻辭也豐大也

長狄生世主虜史

記秦始皇帝二十六年有大人長五丈足履六尺皆夷狄服凡十

二人見于臨洮

師古曰隴西之縣也音吐高反

天戒若曰勿大爲夷狄之行將受其禍

是歲始皇初并六國反喜曰爲瑞銷天下兵器作金人十二曰象

之遂自賢聖燔詩書阮儒士奢淫暴虐務欲廣地南戍五嶺北築

長城曰備胡越

師古曰五嶺解在張耳陳餘傳

塹山填谷西起臨洮東至遼東徑數千

里故大人見於臨洮明禍亂之起後十四年而秦亾亾自成卒陳

勝發史記魏襄王十三年魏有女子化爲丈夫京房易傳曰女子

化爲丈夫茲謂陰昌賤人爲王丈夫化爲女子茲謂陰勝厥咎亾

一曰男化為女宮刑濫也

如淳曰宮刑之行大濫也

女化為男婦政行也哀帝建平

中豫章有男子化為女子嫁為人婦生一子長安陳鳳言此陽變

為陰將亾繼嗣自相生之象一曰嫁為人婦生一子者將復一世

乃絕哀帝建平四年四月山陽方與女子田無嗇生子

師古曰方與者山陽之縣也女

子姓田名無嗇方與音房豫

先未生二月兒嘔腹中及生不舉葬之陌上三日人過

聞嘔聲母掘收養平帝元始元年二月朔方廣牧女子趙春病死

師古曰廣牧朔方之縣也姓趙名春

斂棺積六日

師古曰斂音力瞻反棺音工喚反

出在棺外自言見夫死父曰

年二十七不當死太守譚曰聞京房易傳曰幹父之蠱有子考亾

咎韋昭曰蠱事也子能止父之事是為有子故考不為咎累師古曰易蠱卦初六爻辭也

子三年不改父道思慕不皇亦重

見先人之非

師古曰言父有不善之事當速改之若唯思慕而已無所變易是重顯先人之非也一曰三年之內但思慕而已不服見父之非故不改也重音直用反

則為私厥妖人死復生一曰至陰為陽下人為上六月長安女子

有生兒兩頭異頸面相鄉四臂其匈俱前鄉

師古曰鄉讀曰嚮

尻上有目長

二寸所京房易傳曰睽孤見豕負塗

師古曰易睽卦上九象辭也睽孤乖刺之意也塗泥也睽音苦攜反

厥妖

人生兩頭下相攘善妖亦同人若六畜首目在下茲謂亾上正將

變更凡妖之作曰譴失正各象其類二首下不壹也足多所任邪

也足少下不勝任或不任下也凡下體生於上不敬也上體生於

下媒瀆也生非其類淫亂也人生而大上速成也生而能言好虛

也羣妖推此類不改乃成凶也景帝二年九月膠東下密人年七

十餘生角角有毛時膠東膠西濟南齊四主有舉兵反謀謀由吳

王濞起連楚趙凡七國下密縣居四齊之中

師古曰四齊卽上所云膠東膠西濟南齊也本皆齊地故謂之

四齊角兵象上鄉者也

師古曰鄉讀曰嚮次下亦同

老人吳王象也年七十七國象也

天戒若曰人不當生角猶諸侯不當舉兵曰鄉京師也禍從老人

生七國俱敗云諸侯不寤明年吳王先起諸侯從之七國俱滅京

房易傳曰冢宰專政厥妖人生角成帝建始三年十月丁未京師

相驚言大水至渭水虜上小女陳持弓年九歲

師古曰虜上地名也昔斯

走入橫城

門入未央宮尙方掖門殿門門衛戶者莫見至句盾禁中而覺得

師古曰句盾少府之署覺得事覺而見執得也

民呂水相驚者陰氣盛也小女而入宮殿中者下

人將因女寵而居有宮室之象也名曰持弓有似周家糜弧之祥

易曰弧矢之利以威天下

師古曰下繫之辭也

是時帝母王太后弟鳳始為上

將秉國政天知其後將威天下而入宮室故象先見也其後王氏

兄弟父子五侯秉權至莽卒篡天下蓋陳氏之後云京房易傳曰

妖言動衆茲謂不信路將亾人司馬死成帝綏和二年八月庚申

鄭通里男子王褒

師古曰鄭縣之通里

衣絳衣小冠帶劍入北司馬門殿東門

師古曰入北司馬門又入殿之東門也

上前殿入非常室中

如淳曰殿上室名

解帷組結佩之

師古曰組緩類所以

係帷又垂以為飾也佩帶之

招前殿署長業等曰天帝令我居此業等收縛考問褒

故公車大誑卒

應劭曰在司馬殿門掌謹呵者也服虔曰衛士之帥也著樊噲冠師古曰大誑者主問非常之人云姓名是誰也而應氏乃以謹譁為義云大謹呵



不當厥理後之學者概改此書誰字為譚違本文矣大誰本以誰何稱因用名官有大誰長今此卒者長所領士卒也

病狂易

師古曰謂病狂而變易其常也

不自知

入宮狀下獄死是時王莽為大司馬哀帝即位莽乞骸骨就第天

知其必不退故因是而見象也姓名章服甚明徑上前殿路寢入

室取組而佩之稱天帝命然時人莫察後莽就國天下寃之哀帝

徵莽還京師明年帝崩莽復為大司馬因是而篡國哀帝建平四

年正月民驚走持橐或振一枚

如滑曰振麻幹也師古曰橐禾稗也音工老反振音鄉又音側九反

傳相付與

曰行詔籌道中相過逢多至千數或被髮徒踐

師古曰徒踐謂徒跣也

或夜折關

或踰牆入或乘車騎奔馳已置驛傳行經歷郡國二十六至京師

其夏京師郡國民聚會里巷仞伯設祭張博具

師古曰博戲之具

歌舞祠西

王母又傳書曰母告百姓佩此書者不死不信我言視門樞下當

有白髮

師古曰樞門扇所用開閉者也音昌于反

至秋止是時帝祖母傅太后驕與政事

師古曰與讀曰

豫

故杜鄴對曰春秋災異已指象為言語籌所已紀數民陰水類

也水曰東流爲順走而西行反類逆上象數度放溢妄曰相子違

忤民心之應也西王母婦人之稱博奕男子之事於街巷任伯明

離闈內師古曰闈門概也音魚列反與疆外師古曰與讀曰豫臨事盤樂炕陽之意白髮衰年

之象體尊性弱難理易亂門人之所由樞其要也居人之所由制

持其要也其明甚著今外家丁傅竝侍帷幄布於列位有罪惡者

不坐辜罰亾功能者畢受官爵皇甫三桓詩人所刺春秋所譏亾

曰甚此師古曰皇甫周卿士之字也用后嬖寵而處職位詩人刺之事見小雅十月之交篇指象昭昭曰覺聖朝奈何不

應後哀帝崩成帝母王太后臨朝王莽爲大司馬誅滅丁傅一曰

丁傅所亂者小此異乃王太后莽之應云

五行志第七下之上終

金陵書局  
汲古閣本

漢書二十七

五行志第七下之下

漢書二十七

正議大夫行祕書少監琅邪縣開國子顏師古注

隱公三年二月己巳日有食之穀梁傳曰言日不言朔食晦公羊

傳曰食二日董仲舒劉向曰為其後戎執天子之使師古曰凡伯周大夫也隱七年天王

使凡伯來聘戎伐鄭獲魯隱師古曰公羊傳隱六年春鄭人來偷平湍平墮成也曰吾成敗

滅戴師古曰十年秋宋人蔡人衛人伐戴鄭伯伐取之戴國今衛魯宋咸殺君師古曰

州吁殺其君完十一年羽父使賊殺公左氏劉歆曰為正月二日燕越之分野

也凡日所纏而有變則分野之國失政者受之師古曰纏踐也音纏人君能修

政其御厥罰則災消而福至師古曰其讀曰恭御不能則災息而禍生師古

曰息謂善滋也故經書災而不記其故蓋吉凶常隨行而成禍福也周襄

天子不班朔師古曰班布也魯歷不正置閏不得其月月大小不得其度史

記曰食或言朔而實非朔或不言朔而實朔或脫不書朔與日皆

官失之也京房易傳曰亾師茲謂不御厥與日食其食也既竝食

不一處誅衆失理茲謂生叛厥食既光散縱畔茲謂不明厥食先

大雨三日雨除而寒寒即食專祿不封茲謂不安厥食既先日出

而黑光反外燭韋昭曰中無光四邊有明外燭君臣不通茲謂亾厥蝕三既同姓上侵

茲謂誣君厥食四方有雲中央無雲其日大寒公欲弱主位茲謂

不知厥食中白青四方赤已食地震諸侯相侵茲謂不承厥食三

毀三復君疾善下謀上茲謂亂厥食既先雨雹殺走獸弑君獲位

茲謂逆厥食既先風雨折木日赤內臣外鄉茲謂背師古曰鄉讀曰嚮厥食

食且雨地中鳴韋昭曰地中有聲如鳴耳或曰如狗子聲冢宰專政茲謂因厥食先大風食時

日居雲中四方亾雲伯正越職茲謂分威師古曰伯讀曰霸正者長帥之稱厥食日中

分諸侯爭美於上茲謂泰厥食日傷月食半天營而鳴韋昭曰食半謂

月食半謂食月之半也月食常以望不為異也賦不得茲謂竭厥食星隨而下受命之臣專征云

賦不得茲謂竭厥食星隨而下受命之臣專征云

試厥食雖侵光猶明

師古曰試用也自擅意也一說試與弑同謂欲弑君

若文王臣獨誅紂矣

韋昭曰是時紂

臣尚未欲誅紂獨文王之臣欲誅之

小人順受命者征其君云殺厥食五色至大寒隕霜

韋昭曰紂惡益甚其臣欲順武王而誅紂

諸侯更制茲謂叛

師古曰殺亦讀曰弑

若紂臣順武王而誅紂矣

韋昭曰紂惡益甚其臣欲順武王而誅紂

諸侯更制茲謂叛

師古曰更改也

厥食三復三食食已而風地動適讓庶茲謂生欲

師古曰適謂曰嫡

厥

食日失位光晻晻月形見

師古曰晻音烏感反見音胡電反

酒亾節茲謂荒厥蝕乍青

乍黑乍赤明日大雨發霧而寒凡食二十占其形二十有四改之

輒除不改三年三年不改六年六年不改九年推隱三年之食貫

中央上下竟而黑臣弑從中成之形也後衛州吁弑君而立桓公

三年七月壬辰朔日有食之既董仲舒劉向曰為前事已大後事

將至者又大則既先是魯宋弑君魯又成宋亂易許田亾事天子

之心楚僭稱王後鄭桓王師射桓王

師古曰並已解於上

又一君相篡

師古曰謂厲公奔蔡而昭

公入高渠彌殺昭公而立子慶

劉歆曰為六月趙與晉分

晉灼曰周之六月今之四月始去畢而入參參晉分也畢趙也日行去趙遠入晉分

多故曰與計二十八宿分其次  
度其月及所屬下皆以爲例  
先是晉曲沃伯再弑晉侯師古曰曲沃伯本桓叔成師之封號也其後遂繼翼

焉魯惠公三十年大夫潘父殺昭侯而納成師不克晉人立  
孝侯惠之四十五年成師之子曲沃莊伯伐翼殺孝侯也  
是歲晉大亂師古曰桓三年莊伯之子曲沃武公

伐翼遂翼侯于汾  
滅其宗國師古曰桓八年曲沃武公滅翼遂并其國  
京房易傳曰爲桓三年日食

貫中央上下竟而黃臣弑而不卒之形也後楚嚴稱王兼地千里

師古曰楚武王荆尸久已見傳  
今此言莊始稱王未詳其說  
十七年十月朔日有食之穀梁傳曰言朔不

言日食二日也劉向曰爲是時衛侯朔有罪出奔齊師古曰朔衛惠公也桓十六年經書

衛侯朔出奔齊公羊傳曰得罪乎  
天子穀梁傳曰天子召而不往也  
天子更立衛君師古曰謂公子黔牟  
朔藉助五國舉兵伐

之而自立王命遂壞師古曰莊五年冬公會齊人宋人陳人蔡人伐衛莊十八年春王人子突殺衛夏衛侯朔入放公子黔牟于周是也  
魯夫

人淫失於齊卒殺威公師古曰失讀曰佚  
董仲舒曰爲言朔不言日惡魯桓

且有夫人之禍將不終日也劉歆曰爲楚鄭分嚴公十八年三月

日有食之穀梁傳曰不言日不言朔夜食張晏曰日夜食則無景立六尺木不見其景以此爲候  
史推

合朔在夜明旦日食而出出而解孟康曰夜食也  
是爲夜食劉向曰

食者陰因日明之衰而奪其光身居天子之口衣未其

會諸侯而行伯道師古曰伯讀曰霸其後遂九合諸侯師古曰解在如祀志天子使世子會

之師古曰僖五年齊侯宋公陳侯衛侯鄭伯許男曹伯會王太子于首止是此其效也公羊傳曰食晦董仲舒曰為

宿在東壁魯象也後公子慶父叔牙果通於夫人曰劫公劉歆曰

為晦魯衛分二十五年六月辛未朔日有食之董仲舒曰為宿在

畢主邊兵夷狄象也後狄滅邢衛師古曰春秋閔元年狄伐邢二年狄滅衛其後並為齊所立而邢遷于夷儀衛遷于楚丘劉

歆曰為五月二日魯趙分二十六年十二月癸亥朔日有食之董

仲舒曰為宿在心心為明堂文武之道廢中國不絕若綫之象也

師古曰綫纆也音先箭反劉向曰為時戎侵曹師古曰事在莊二十四年魯夫人淫於慶父叔牙將

曰弑君故比年再蝕曰見戒師古曰比類也見顯也劉歆曰為十月二日楚鄭分

三十年九月庚午朔日有食之董仲舒劉向曰為後魯二君弑師古曰

子般為圍人所殺閔公為卜齒所殺也夫人誅師古曰哀姜為齊人所殺兩弟死師古曰謂叔牙及慶父也狄滅邢師古曰已解於上徐

取舒

師古曰僖三年徐人取舒舒國名也在廬江舒縣也

晉殺世子

師古曰僖五年晉侯殺其太子申生

楚滅弦

師古曰僖五年楚人滅弦弦國名也

劉歆曰為八月秦周分僖公五年九月戊申朔日有食之董仲

舒劉向曰為先是齊桓行伯江黃自至

師古曰伯讀曰霸江黃二國名也僖二年齊侯未公江人黃人盟子賈傳曰服

江黃也江國在汝南安陽縣黃國在弋陽縣

南服疆楚

師古曰僖四年齊侯以諸侯之師侵蔡遂伐楚盟于邵陵

其後不內自正而外

執陳大夫則陳楚不附

師古曰邵陵盟後以陳轅濤塗為誤軍而執之陳不服罪故伐之楚自是不復通

鄭伯逃盟

師古曰僖五年

五年秋齊侯與諸侯盟于首止鄭伯逃歸不盟

諸侯將不從桓政故天見戒其後晉滅虢

師古曰事在僖五年

楚圍許諸侯伐鄭

師古曰事並在僖六年

晉弑二君

師古曰謂里克弑奚齊及卓子

狄滅溫

師古曰溫周邑也僖十年

狄滅之楚伐黃

師古曰僖十一年黃不歸楚貢故伐之桓不能救劉歆曰為七月秦晉分十二

年三月庚午朔日有食之董仲舒劉向曰為是時楚滅黃

師古曰事在十二年夏

狄侵衛鄭

師古曰僖十三年秋侵衛十四年狄侵鄭

莒滅杞

師古曰僖十四年諸侯城緣陵公辛傳曰莒為城杞滅也孰滅之蓋徐莒也

劉歆曰

為三月齊衛分十五年五月日有食之劉向曰為象晉文公將行

伯道

師古曰伯讀曰霸

後遂伐衛執曹伯敗楚城濮

師古曰事並在二十八年

再會諸侯



年五月盟于踐  
土冬會于淵  
召天王而朝之師古曰晉侯不欲就朝王故召王使來經書天王狩于河陽此其效也日食者

臣之惡也夜食者掩其罪也  
呂為上  
凸明王桓文能行伯道攘夷

狄安中國師古曰伯讀曰霸攘卻也雖不正猶可蓋春秋實與而文不與之義也董

仲舒已為後秦獲晉侯師古曰晉侯夷吾也僖十五年十一月晉侯及秦伯戰于韓秦獲晉侯以歸也齊滅項師古曰事在公羊傳僖十

七年項國今楚敗徐于婁林師古曰事在僖十五年冬婁林徐地劉歆已為二月朔齊越分文

政師古曰謂東門襄仲也公子遂如京師師古曰事在僖三十年報宰周公之聘後楚世子商臣殺父齊

公子商人弑君皆自立師古曰已解於上宋子哀出奔師古曰宋子哀宋卿高哀也義宋公而來奔魯事在文十四

年晉滅江師古曰春秋文四年楚人滅江今此云晉未詳其說楚滅六師古曰六國名也在廬江六縣文五年楚人滅之大夫公孫敖

叔彭生並專會盟師古曰文七年冬公孫敖如莒莒盟十二年叔彭生會卻缺于承匡公孫敖孟穆伯叔彭生叔仲惠伯也劉歆已為正

月朔燕越分十五年六月辛丑朔日有食之董仲舒劉向已為後

宋齊莒晉鄭八年之間五君殺死師古曰文十六年宋弑其君杵臼十八年夏齊人弑其君商人冬莒弑其君庶其宣二年晉趙

宋齊莒晉鄭八年之間五君殺死師古曰文十六年宋弑其君杵臼十八年夏齊人弑其君商人冬莒弑其君庶其宣二年晉趙

盾弑其君夷臯四年鄭  
公子歸生弑其君夷也  
夷滅舒蓼劉歆曰為四月二日魯衛分宣公八年

七月甲子日有食之既董仲舒劉向曰為先是楚商臣弑父而立

至于嚴王遂彊諸夏大國唯有齊晉齊晉新有篡弑之禍內皆未

安故楚乘弱橫行八年之間六侵伐而一滅國師古曰六侵伐者謂宣元年

年伐鄭六年伐鄭八年伐陳也師古曰宣二年楚子伐陸渾之戎

一滅國者謂八年滅舒蓼也 伐陸渾戎觀兵周室師古曰宣二年楚子伐陸渾之戎

也威武後又入鄭鄭伯肉袒謝罪北敗晉師于邲流血色水師古曰事並在

色水謂血流入水而變師古曰事在十五年炊爨圍宋九月析骸而炊之師古曰事在十五年炊爨

為十月二日楚鄭分十年四月丙辰日有食之董仲舒劉向曰為

後陳夏徵舒弑其君師古曰紂靈公楚滅蕭師古曰蕭宋附庸晉滅二國師古

十五年滅赤狄潞氏師古曰事王札子殺召伯毛伯師古曰事劉歆曰為二月魯衛分

十七年六月癸卯日有食之董仲舒劉向曰為後邾支解鄆子師古

曰十八年邾人戕鄆子于鄆支解師古曰事晉敗王師于貿戎師古曰事敗齊于鞏師古曰事

而節斷之謂解其四支斷其骨節師古曰事敗齊于鞏師古曰事

劉歆曰為三月晦眇魯衛分

服虔曰眇相觀也日晦食為眇臣瓚曰志云晦而月見西方曰眇以此名之非日食晦之名也師古曰眇音化

了反成公十六年六月丙寅朔日有食之董仲舒劉向曰為後晉敗

楚鄭于鄆陵

師古曰事在十六年鄆陵鄭地

執魯侯

師古曰已解於上

劉歆曰為四月二日魯衛

分十七年十二月丁巳朔日有食之董仲舒劉向曰為後楚滅舒

庸

師古曰事在十七年日食之後舒庸蓋羣舒之一種楚與國也

晉弑其君

師古曰謂厲公也事在十八年

宋魚石因楚奪君邑

師古曰魚石宋大夫也十五年出奔楚至十八年楚伐宋取彭城而納之

莒滅鄆齊滅萊

師古曰事並在襄六年鄆萊皆小國

鄭伯弑死

曰鄭僖公也襄七年會于鄆其大夫子駟使賊夜殺之而以虐疾赴鄆音薦

劉歆曰為九月周楚分襄公十四年二

月乙未朔日有食之董仲舒劉向曰為後衛大夫孫甯其逐獻公

立孫剽

孟康曰剽音騾師古曰孫林父齊殖逐獻公襄十四年四月出奔齊而立剽剽禮公之孫也剽又音匹妙反

劉歆曰為前年十二

月二日宋燕分十五年八月丁巳日有食之董仲舒劉向曰為先

是晉為雞澤之會諸侯盟又大夫盟後為溴梁之會諸侯在而大

夫獨相與盟

師古曰已解於上

君若綴旒不得舉手

應劭曰旒旌旗之流隨風動搖也師古曰言為下所執隨人東西也劉

飲呂爲五月二日魯趙分二十年十月丙辰朔日有食之董仲舒

呂爲陳慶虎慶寅蔽君之明師古曰二慶並陳大夫也襄二十一年陳侯之弟黃出奔楚將出呼於國曰慶氏無道求專陳國墨蔑其君而去

其親五年不滅是無天也邾庶其有叛心師古曰庶其邾大夫後庶其呂漆閭丘來奔師古曰事在二十一年漆及閭

戶邾之二邑陳殺二慶師古曰二十三年陳侯如楚公子黃訴二慶楚人召之慶氏以陳叛楚屈建從陳侯圍陳遂殺二慶也劉歆呂爲八月

秦周分二十一年九月庚戌朔日有食之董仲舒呂爲晉欒盈將

犯君後入于曲沃師古曰已解於上劉歆呂爲七月秦晉分十月庚辰朔日

有食之董仲舒呂爲宿在軫角楚大國象也後楚屈氏譖殺公子

追舒師古曰公子追舒楚令尹子南也二十二年楚殺之齊慶封督君亂國師古曰慶封齊大夫也二十七年使盧蒲嬰帥甲攻崔氏殺成及彊靈俘

其家崔杼縊而死自是慶封當國專執政也劉歆呂爲八月秦周分二十三年二月癸酉朔日

有食之董仲舒呂爲後衛侯入陳儀師古曰衛侯衍也前爲孫甯所逐二十五年入于陳儀陳儀衛邑左傳云夷儀甯

喜弒其君剽師古曰二十六年甯喜殺剽而衍入于衛喜甯殖子也劉歆呂爲前年十二月二日宋燕

分二十四年七月甲子朔日有食之既劉歆呂爲五月魯趙分八

月癸巳朔日有食之董仲舒曰爲比食又旣

師古曰比類也象陽將絕

夷狄主上國之象也後六君弑

師古曰謂二十五年齊崔杼殺其君光二十六年衛甯喜弑其君烈二十九年閻殺吳子餘祭三十

年蔡太子班弑其君固三十一年莒人弑其君

密州昭元年楚令尹子圖入問王疾縮而殺之楚子果從諸侯伐鄭

許男滅舒鳩

師古曰二十五年楚屈建帥師滅舒鳩舒鳩亦羣舒一種

魯往朝之

師古曰二十八年公如楚

卒主中國

師古曰謂楚靈

王以昭四年與諸侯會于申

伐吳討慶封

師古曰慶封以二十八年爲慶舍之難自齊出奔魯遂奔吳至申之會楚靈王伐吳執慶封而殺之

劉歆曰

爲六月晉趙分二十七年十二月乙亥朔日有食之董仲舒曰爲

禮義將大滅絕之象也時吳子好勇使刑人守門

師古曰吳子即餘祭也刑人閹者蔡

侯通於世子之妻

師古曰卽蔡侯固爲太子所殺者也

莒不早立嗣

師古曰卽密州也生去疾及展與旣立展與又廢之後闡

戕吳子

師古曰戕傷也它國臣來弑君曰戕音牆

蔡世子般弑其父莒人亦弑君而庶子爭

曰展與因國人攻其父而殺之展與卽位去疾奔齊明年去疾入而展與出奔吳並非嫡嗣故云庶子爭

劉向曰爲自二十年至此歲八

年間日食七作禍亂將重起

師古曰重音直用反

故天仍見戒也

師古曰仍類也後齊崔

杼弑君

師古曰已解於上

宋殺世子

師古曰宋平公太子也事在二十六年

北燕伯出奔

孟康曰有南燕故言北燕南燕結姓

北燕姬姓也師古曰昭三年北燕伯款出奔齊

鄭大夫自外入而篡位

師古曰謂伯有也已解於上

指略如董仲舒

劉歆曰為九月周楚分昭公七年四月甲辰朔日有食之董仲舒

劉向曰為先是楚靈王弑君而立會諸侯

師古曰已解於上

執徐子滅賴

師古曰申

之會楚人執徐子遂滅賴

後陳公子招殺世子

師古曰招成公子哀公弟也昭八年經書陳侯之弟招殺陳太子偃師偃師即哀公之子也招首昭

因而滅之

師古曰偃師之死哀公縊其九月楚公子棄疾奉偃師之子孫吳圍陳遂滅之

又滅蔡

師古曰十一年楚師滅蔡也執太子有以婦用之

後

靈王亦弑死

師古曰十三年楚公子比弑其君虔于乾谿是也

劉歆曰為二月魯衛分傳曰晉侯

問於士文伯曰誰將當日食

公曰何故對曰去衛地如魯地於是有災其衛君乎魯將上卿是

師古曰士文伯晉大夫伯瑕

對曰魯衛惡之衛大夫魯小

歲八月衛襄公卒十一月魯季孫宿卒晉侯謂士文伯吾所問日

食從矣可常乎

師古曰從謂如上文伯之言也可常謂常可以此占之下

對曰不可六物不同民心不壹

事序不類官職不則同始與終胡可常也詩曰或宴宴居息或盡

頌事國

如清曰頌古悼字也師古曰小雅北山之詩也宴宴安息之貌也盡悼言盡力而悼病也

其與終也如是公曰何謂六

頌事國

頌事國

如清曰頌古悼字也師古曰小雅北山之詩也宴宴安息之貌也盡悼言盡力而悼病也

頌事國

物對曰歲時日月星辰是謂公曰何謂辰對曰日月之會是謂公

曰詩所謂此日而食于何不臧何也師古曰小雅十月之交之詩也臧善也對曰不善政之

謂也國無政不用善則自取適于日月之災師古曰適讀曰適故政不可不

慎也務三而已一曰擇人二曰因民三曰從時此推日食之占循

變復之要也易曰縣象著明莫大於日月師古曰上繫之辭也是故聖人重之

載于三經師古曰謂易詩春秋於易在豐之震曰豐其沛日中見昧折其右肱

亾咎服虔曰日中而昏也師古曰此豐卦九三爻辭也言遇此災則當退去右肱之臣乃免咎於詩十月之交則著卿士司徒

下至趣馬師氏咸非其材師古曰十月之交詩曰皇父卿士番維司徒厥維趣馬攝維師氏黜妻嬭方處司徒地官卿也掌邦教趣馬中士也

掌王馬之政師氏中大夫也掌司朝得失之事番厥攝皆氏也美色曰黜妻嬭也黜或作閻亦嬭妾之姓也嬭嬖也詩人刺王淫於色故皇父之徒皆用后寵而處職位不己德選也趣音干后反厥音居衛反攝音居禹反番音扶元反同於右肱之所折協於三務之所擇明小人乘君

子陰侵陽之原也十五年六月丁巳朔日有食之劉歆曰為三月

魯衛分十七年六月甲戌朔日有食之董仲舒曰為時宿在畢晉

魯衛分十七年六月甲戌朔日有食之董仲舒曰為時宿在畢晉

國象也晉厲公誅四大夫失衆心已弑死

師古曰四大夫謂三卻及胥童也胥童非厲公所誅以違亂而死故總書

四大夫厲公竟爲樂書中行偃所殺

後莫敢復責大夫六卿遂相與比周專晉國君還事

師古曰六卿謂范氏中行氏智氏韓魏趙也

曰比再食其事在春秋後故不載於經劉歆曰

爲魯趙分左氏傳平子曰

師古曰季平子

唯正月朔慝未作日有食之於是

乎天子不舉伐鼓於社諸侯用幣於社伐鼓於朝禮也其餘則否

太史曰在此月也日過分而未至三辰有災百官降物君不舉避

移時樂奏鼓祝用幣史用辭嗇夫馳庶人走此月朔之謂也當夏

四月是謂孟夏說曰正月謂周六月夏四月正陽純乾之月也慝

謂陰爻也冬至陽爻起初故曰復至建巳之月爲純乾凶陰爻而

陰侵陽爲災重故伐鼓用幣責陰之禮降物素服也不舉去樂也

移時避正堂須時移災復也嗇夫掌幣吏庶人其徒役也劉歆

曰爲六月二日魯趙分二十一年七月壬午朔日有食之董仲舒



曰為周景王老劉子單子專權師古曰已蔡侯朱驕君臣不說之象

也師古曰蔡侯朱蔡平公之子說讀曰悅後蔡侯朱果出奔師古曰昭二十一年出奔楚劉子單子立王猛劉

歆曰為五月二日魯趙分二十二年十二月癸酉朔日有食之董

仲舒曰為宿在心天子之象也後尹氏立王子朝天王居于狄泉

師古曰天王敬王也避子朝之難故居狄泉劉歆曰為十月楚鄭分二十四年五月乙未朔日

有食之董仲舒曰為宿在胃魯象也後昭公為季氏所逐劉向曰

為自十五年至此歲十年間天戒七見人君猶不寤後楚殺我蠻

子師古曰昭十六年楚子誘我蠻子殺之戎蠻國在河南新城縣晉滅陸渾戎師古曰十七年晉荀吳帥師滅陸渾之戎其地今陸渾縣是也盜殺衛

侯兄師古曰衛靈公兄也名縶二十年為齊豹所殺以豹不義故貶稱盜所謂求名而不得蔡莒之君出奔師古曰蔡君即朱也莒君莒子庚與也二

十二年吳滅巢師古曰二十四年吳滅巢巢吳楚間小國即居巢城是也公子光殺王僚師古曰事在二十七年宋三臣

曰邑叛其君師古曰二十一年宋華亥向熹華定入于宋南里以叛是也它如仲舒劉歆曰為二日魯趙

分是月斗建辰左氏傳梓慎曰將大水師古曰梓慎魯大夫昭子曰旱也師古曰叔孫昭子

日過分而陽猶不克克必甚能無旱乎孟康曰謂春分後陰多陽少陽不克

莫將積聚也蘇林曰莫莫爾不勝為積聚也是歲秋大雩旱也二至二分日有食之不

為災日月之行也春秋分日夜等故同道冬夏至長短極故相過

相過同道而食輕不為大災水旱而已三十一年十二月辛亥朔

日有食之董仲舒曰為宿在心天子象也時京師微弱後諸侯果

相率而城周師古曰定元年晉魏舒合諸侯之大夫于狄泉以城周是也宋中幾亾尊天子之心而不衰

城師古曰中幾宋大夫襄城謂以差次受功賦也襄音初為反劉向曰為時吳滅徐師古

曰事在昭而蔡滅沈師古曰定四年蔡公孫姓帥師滅沈楚圍蔡吳敗楚入郢昭王走出師古

並定劉歆曰為二日宋燕分定公五年三月辛亥朔日有食之董

仲舒劉向曰為後鄭滅許師古曰六年鄭游速帥師滅許以許男斯歸魯陽虎作亂竊寶玉大

弓季桓子退仲尼宋三臣曰邑叛師古曰已解於上劉歆曰為正月二日燕

趙分十二年十一月丙寅朔日有食之董仲舒劉向曰為後晉三

大夫呂邑叛辭弑其君

師古曰十三年晉趙鞅入于晉陽以叛荀寅士吉射入朝歌以叛辭殺其君比

楚滅頓胡

師古曰十四年

楚公子結帥師滅頓以頓子牂歸十五年楚人滅胡以胡子豹歸

越敗吳

師古曰十四年五月於越敗吳于檣李是也檣音醉

衛逐世子

子劇賈出奔宋

劉歆呂為十二月二日楚鄭分十五年八月庚辰朔日有食

之董仲舒呂為宿在柳周室大壞夷狄主諸夏之象也明年中國

諸侯果累累從楚而圍蔡

師古曰哀元年楚子陳侯隨侯許男圍蔡是也蔡頃曰曩與不絕之貌

蔡恐遷于州來

師古曰哀二年十一月蔡遷于州來州來楚邑今下蔡縣是

晉人執戎蠻子歸于楚

師古曰哀四年晉人執戎蠻子赤歸於楚

京師

楚也

師古曰言以楚為京師

劉向呂為盜殺蔡侯

師古曰哀四年蔡公孫翩殺蔡侯申翩非大夫故賤之而書盜

齊陳乞弑

其君而立陽生

師古曰哀六年齊陳乞弑其君茶茶即景公之子也陽生茶之兄即悼公也茶音塗

孔子終不用劉歆呂

為六月晉趙分哀公十四年五月庚申朔日有食之在獲麟後劉

歆呂為三月二日齊衛分

凡春秋十二公二百四十二年日食三十六穀梁呂為朔二十六

晦七夜二二日一公羊呂為朔二十七二日七晦二左氏呂為朔

十六二日十八晦一不書日者二高帝三年十月甲戌晦日有食  
之在斗二十度燕地也後二年燕王臧荼反誅立盧縮爲燕王後  
又反敗十一月癸卯晦日有食之在虛三度齊地也後二年齊王  
韓信徙爲楚王明年廢爲列侯後又反誅九年六月乙未晦日有  
食之旣在張十三度惠帝七年正月辛丑朔日有食之在危十三  
度谷永曰爲歲首正月朔日是爲三朝尊者惡之五月丁卯先晦  
一日日有食之幾盡師古曰幾音鉅  
依反後皆類此在七星初劉向曰爲五月微陰始  
起而犯至陽其占重至其八月宮車晏駕有呂氏詐置嗣君之害  
京房易傳曰凡日食不曰晦朔者名曰薄人君誅將不曰理或賊  
臣將暴起日月雖不同宿陰氣盛薄日光也高后二年六月丙戌  
晦日有食之七年正月己丑晦日有食之旣在營室九度爲宮室  
中時高后惡之曰此爲我也明年應師古曰謂  
高后也文帝二年十一月癸卯

晦日有食之在婺女一度三年十月丁酉晦日有食之在斗二十  
三度十一月丁卯晦日有食之在虛八度後四年四月丙辰晦日  
有食之在東井十三度七年正月辛未朔日有食之景帝三年二  
月壬午晦日有食之在胃二度七年十一月庚寅晦日有食之在  
虛九度中元年十二月甲寅晦日有食之中二年九月甲戌晦日  
有食之三年九月戊戌晦日有食之幾盡在尾九度六年七月辛  
亥晦日有食之在軫七度後元年七月乙巳先晦一日日有食之  
在翼十七度武帝建元二年二月丙戌朔日有食之在奎十四度  
劉向曰爲奎爲卑賤婦人後有衛皇后自至微興卒有不終之害

師古曰皇后自  
殺不終其位也

三年九月丙子晦日有食之在尾二度五年正月己巳

朔日有食之元光元年二月丙辰晦日有食之七月癸未先晦一  
日日有食之在翼八度劉向曰爲前年高園便殿災與春秋御廩

災後日食於翼軫同其占內有女變外爲諸侯其後陳皇后廢江  
都淮南衡山王謀反誅日中時食從東北過半晡時復元朔二年  
二月乙巳晦日有食之在胃三度六年十一月癸丑晦日有食之  
元狩元年五月乙巳晦日有食之在柳六度京房易傳推呂爲是  
時日食從旁右法曰君失臣明年丞相公孫弘薨日食從旁左者  
亦君失臣從上者臣失君從下者君失民元鼎五年四月丁丑晦  
日有食之在東井二十三度元封四年六月己酉朔日有食之太  
始元年正月乙巳晦日有食之四年十月甲寅晦日有食之在斗  
十九度征和四年八月辛酉晦日有食之不盡如鉤在亢二度晡  
時食從西北日下晡時復昭帝始元三年十一月壬辰朔日有食  
之在斗九度燕地也後四年燕刺王謀反誅元鳳元年七月己亥  
晦日有食之幾盡在張十二度劉向曰爲己亥而旣其占重

水也純陰故食為最重也日食盡為既

後六年宮車晏駕卒呂氏嗣宣帝地節元年十二月

癸亥晦日有食之在營室十五度五鳳元年十二月乙酉朔日有

食之在婺女十度四年四月辛丑朔日有食之在畢十九度是為

正月朔慝未作左氏曰為重與元帝永光二年三月壬戌朔日有

食之在婁八度四年六月戊寅晦日有食之在張七度建昭五年

六月壬申晦日有食之不盡如鉤因入成帝建始三年十二月戊

申朔日有食之其夜未央殿中地震谷永對曰日食婺女九度占

在皇后地震蕭牆之內咎在貴妾師古曰蕭牆謂門屏也蕭肅也人臣至此加肅敬也二者俱發明

同事異人其掩制陽將害繼嗣也直日食則妾不見師古曰直讀曰但下列並同直

地震則后不見異日而發則似殊事也故動變則恐不知是月后

妾當有失節之郵師古曰郵與尤同尤過也故天因此兩見其變若日違失婦道隔

遠眾妾師古曰遠音于萬反妨絕繼嗣者此二人也杜欽對亦曰日呂戊申食

時加未戊未土也中宮之部其夜殿中地震此必適妾將有爭寵

相害而爲患者

師古曰適讀曰嫡

人事失於下變象見於上能應之曰德則

咎與消忽而不戒則禍敗至

師古曰忽息危

應之非誠不立非信不行河平

元年四月己亥晦日有食之不盡如鉤在東井六度劉向對曰四

月交於五月月同孝惠日同孝昭東井京師地且旣其占恐害繼

嗣日蚤食時從西南起三年八月乙卯晦日有食之在房四年三

月癸丑朔日有食之在昴陽朔元年二月丁未晦日有食之在胃

永始元年九月丁巳晦日有食之谷永曰京房易占對曰元年九

月日蝕酒亾節之所致也獨使京師知之四國不見者若曰湛酒

于酒君臣不別禍在內也

師古曰湛讀曰沈又讀曰耽也

永始二年二月乙酉晦日有

食之谷永曰京房易占對曰今年二月日食賦斂不得度民愁怨

之所致也所曰使四方皆見京師陰蔽者若曰人君好治宮室大



營墳墓賦斂茲重而百姓屈竭

師古曰茲益也屈盡也音其勿反

禍在外也三年正月

己卯晦日有食之四年七月辛未晦日有食之元延元年正月己亥朔日有食之哀帝元壽元年正月辛丑朔日有食之不盡如鉤在營室十度與惠帝七年同月日二年三月壬辰晦日有食之平帝元始元年五月丁巳朔日有食之在東井二年九月戊申晦日有食之既

凡漢著紀十二世二百一十二年日食五十三朔十四晦三十六先晦一日三

成帝建始元年八月戊午晨漏未盡三刻有兩月重見京房易傳

曰婦貞厲月幾望君子征凶

師古曰小畜上九爻辭也幾音鉅依反

言君弱而婦彊爲陰所

乘則月竝出晦而月見西方謂之朏朔而月見東方謂之仄慝

孟康

曰朏者月行疾在日前故早見仄慝者行遲在日後當沒而更見師古曰朏音吐了反

仄慝則侯王其肅朏則侯王其舒劉

向呂爲眇者疾也君舒緩則臣驕慢故日行遲而月行疾也仄慝

者不進之意君肅急則臣恐懼故日行疾而月行遲不敢迫近君

也不舒不急呂正失之者食朔日劉歆曰爲舒者侯王展意顯事

臣下促急故月行疾也肅者王侯縮胸不任事服虔曰胸音忸妮之忸鄭氏曰不任事之貌也師古

曰胸音女六反臣下弛縱故月行遲也師古曰弛放也音式爾反當春秋時候王率多縮胸不

任事故食二日仄慝者十八食晦日眇者一此其效也考之漢家

食晦眇者三十六終亾二日仄慝者歆說信矣此皆謂日月亂行

者也元帝永光元年四月日色青白亾景韋昭曰日下無景也無景謂唯質見耳正中時有

景亾光韋昭曰無光曜也是夏寒至九月日乃有光京房易傳曰美不上人

茲謂上弱厥異日白七日不溫順亾所制茲謂弱孟康曰君順從於臣下無所能制日

白六十日物亾霜而死天子親伐茲謂不知日白體動而寒弱而

有任茲謂不亾日白不溫明不動辟魯公行茲謂不伸孟康曰辟君也有過而公行之

厥與日黑大風起天無雲日光晦

師古曰晦與闇同也

不難上政茲謂見過日

黑居大如彈丸成帝河平元年正月壬寅朔日月俱在營室時

日出赤二月癸未日朝赤且入又赤夜月赤甲申日出赤如血

光漏上四刻半乃頗有光燭地赤黃食後乃復京房易傳曰辟不

聞道茲謂亾厥與日赤三月乙未日出黃有黑氣大如錢居日中

央京房易傳曰祭天不順茲謂逆厥與日赤其中黑聞善不予茲

謂失知厥與日黃夫大人者與天地合其德與日月合其明故聖

王在上總命羣賢呂亮天功

師古曰虞書舜典帝曰咨二十有一人欽哉惟時亮天功謂敕六官十二牧四嶽令各敬其職事信定其功順

天道也故志引之

則日之光明五色備具燭耀亾主有主則爲與應行而變

也色不虛改形不虛毀觀日之五變足呂監矣故曰縣象著明莫

大乎日月此之謂也嚴公七年四月辛卯夜恆星不見夜中星隕

如雨董仲舒劉向呂爲常星二十八宿者人君之象也衆星萬民

之類也列病不見象諸侯微也衆星隕墜民失其所也夜中者爲

中國也不及地而復象齊桓起而救存之也鄉亾桓公星遂至地

中國其良絕矣師古曰鄉讀曰嚮中國中夏之國也良猶信也劉向曰爲夜中者言不得終性命

中道敗也或曰象其叛也言當中道叛其上也天垂象曰視下師古曰視

讀曰示將欲人君防惡遠非慎卑省微曰自全安也師古曰遠離也省視如人君有

賢明之材畏天威命若高宗謀祖已師古曰謂殷之武丁有雖雉之災而祖已訓諸王作高宗形曰高宗之訓成王

泣金滕師古曰武王有疾周公作金滕之書爲王請命王翌日乃瘳後武王崩成王卽位管蔡流言而周公居東天大雷電以風禾盡偃大木斯拔王啟金滕乃得周公代武王之說

王執書以泣遣使者逆公王出郊天乃雨反風禾則盡起改過修正立信布德存亾繼絕修廢舉逸下學

而上達師古曰下學謂博謀於羣下也上達謂通於天道而畏威裁什一之稅復三日之役師古曰古之田租十稅其一歲役兆庶

不過三日也節用儉服曰惠百姓則諸侯懷德士民歸仁災消而福興矣

遂莫肯改寤法則古人而各行其私意終於君臣乖離上下交怨

自是之後齊宋之君弑師古曰莊八年齊無知弑其君諸兒十二年宋萬弑其君捷也譚遂邢衛之國滅師古曰十

年齊侯滅譚十三年齊人滅遂閔二年  
狄人入衛僖二十五年衛侯燬滅邢

宿遷於宋

師古曰莊十年宋人遷宿蓋取其地也宿國東平無鹽縣是

蔡獲於

楚師古曰莊十年荆敗蔡師于莘以蔡侯獻舞歸也

晉相弑殺五世乃定

師古曰謂殺奚齊卓子及懷公也自獻公以至文公反國凡易五君乃定

此其效也左氏傳曰恒星不見夜明也星隕如雨與雨偕也劉歆

曰為晝象中國夜象夷狄夜明故常見之星皆不見象中國微也

星隕如雨如而也星隕而且雨故曰與雨偕也明雨與星隕兩變

相成也洪範曰庶民惟星易曰雷雨作解

師古曰解卦象辭也

是歲歲在玄枵

齊分壅也夜中而星隕象庶民中離上也雨曰解過施復從上下

象齊桓行伯復興周室也

師古曰伯讀曰霸

周四月夏二月也日在降婁魯

分壅也先是衛侯朔奔齊衛公子黔牟立齊帥諸侯伐之天子使

使救衛

師古曰已解於上

魯公子溺專政會齊曰犯王命

師古曰溺魯大夫名也莊三年溺會齊師伐衛疾其專命

故貶而去族天子救衛而溺伐之故云犯王命

嚴弗能止卒從而伐衛逐天王所立

師古曰謂放黔牟也不義

至甚而自為功名去其上政繇下作

師古曰繇讀與由同次下亦同

尤著故星隕於

魯天事常象也成帝永始二年二月癸未夜過中星隕如雨長一

二丈繹繹未至地滅師古曰繹繹光采貌至雞鳴止谷永對曰日月星辰燭臨

下土其有食隕之與則遐邇幽隱靡不咸睹星辰附離于天猶庶

民附離王者也王者失道綱紀廢頓下將叛去故星叛天而隕已

見其象春秋記異星隕最大自魯嚴已來至今再見臣聞三代所

已喪亾者皆繇婦人羣小湛酒於酒師古曰湛讀曰沈又讀曰耽其下亦同書云乃用其婦

人之言四方之逋逃多罪是信是使師古曰周書秦誓也言紂惑於妲已而昵近亾逃罪人信用之詩曰赫

赫宗周褒姒威之師古曰小雅正月之詩也顛覆厥德荒沈于酒師古曰大雅抑之詩也刺

王傾敗其德荒廢政事而耽酒及秦所已二世而亾者養生大奢奉終大厚方今國家

兼而有之社稷宗廟之大憂也京房易傳曰君不任賢厥妖天雨

星文公十四年七月有星孛入于北斗董仲舒已為孛者惡氣之

所生也謂之孛者言其孛孛有所妨蔽闇亂不明之貌也北斗大

國象後齊宋魯莒晉皆弑君師古曰文十四年齊公子商人弑其君舍十六年宋人弑其君杵臼十八年襄仲殺惡及視莒弑其君庶其宣

二年晉趙穿攻靈公於桃園劉向曰為君臣亂於朝政令虧於外則上濁三光之精

五星羸縮變色逆行甚則為孛北斗人君象孛星亂臣類篡殺之

表也星傳曰魁者貴人之牢又曰孛星見北斗中大臣諸侯有受

誅者一曰魁為齊晉夫彗星較然在北斗中天之視人顯矣師古曰視讀曰

示史之有占明矣時君終不改寤是後宋魯莒晉鄭陳六國咸弑

其君師古曰宋魯莒晉已解於上宣四年鄭公子歸生弑其君夷十年陳夏徵舒弑其君平國齊再弑焉師古曰再弑者謂商人殺舍而開職等又殺商人中

國既亂夷狄竝侵兵革從橫楚乘威席勝深入諸夏師古曰謂邲戰之後六侵

伐師古曰謂宣十二年春楚子圍鄭夏與晉師戰于邲晉師敗績十三年楚子伐宋十四年楚子圍宋成二年楚師侵衛遂侵魯師于蜀成六年楚公子嬰齊師師伐鄭一滅國

師古曰謂宣十二年楚子滅蕭觀兵周室師古曰已解於上晉外滅二國師古曰謂宣十五年晉滅赤狄潞氏十六年滅赤狄甲氏也內

敗王師師古曰謂成元年晉敗王師于貿戎是也又連三國之兵大敗齊師于鞏師古曰謂成二年晉卻克會魯季孫

行父衛孫良夫曹公子首及齊侯戰于鞏齊師敗績鞏齊地追亾逐北東臨海水師古曰謂逐之三周華不注又從之入自丘輿擊馬陸東至海濱也

威陵京師武折大齊皆孛星炎之所及流至二十八年

師古曰炎音弋贍反其下竝同

星傳又曰彗星入北斗有大戰其流入北斗中得名人

孟康曰謂不

入失名人宋華元賢名大夫大棘之戰華元獲於鄭

師古曰宣二年宋華元帥師及鄭公

子端生戰于大棘宋師敗績獲華元大棘宋地

傳舉其效云左氏傳曰有星孛北斗周史服曰不

出七年宋齊晉之君皆將死亂

四星入其中也斗天之三辰綱紀星也宋齊晉天子方伯中國綱

師古曰史服周內史叔服也

劉歆曰為北斗有環域

紀彗所召除舊布新也斗七星故曰不出七年至十六年宋人弑

昭公

師古曰即梓白

十八年齊人弑懿公

師古曰即商人

宣公二年晉趙穿弑靈公昭

公十七年冬有星孛于大辰董仲舒曰為大辰心也心在明堂天

子之象後王室大亂三王分爭此其效也

師古曰三王已解於上

劉向曰為星傳

曰心大星天王也其前星太子後星庶子也尾為君臣乖離孛星

加心象天子適庶將分爭也

師古曰適讀曰適

師古曰適讀曰適

其在諸侯角亢氏陳鄭也房



心宋也後五年周景王崩王室亂大夫劉子單子立王猛尹氏召

伯毛伯立子鼂子鼂楚出也師古曰姊妹之子曰出時楚彊宋衛陳鄭皆南附楚

王猛既卒敬王即位子鼂入王城天王居狄泉莫之敢納五年楚

平王居卒子鼂奔楚王室乃定後楚帥六國伐吳吳敗之于雞父

殺獲其君臣師古曰昭二十三年楚遷越帥師及頓胡沈蔡陳許之師與吳師戰于雞父楚師敗績胡子髡沈子逞滅獲陳大夫夏齧雞父楚地也父讀曰甫蔡

怨楚而滅沈楚怒圍蔡吳人救之遂為相舉之戰敗楚師屠郢都

妻昭王母鞭平王墓師古曰沈楚之與國定四年四月蔡公孫姓帥師滅沈以沈子嘉婦秋楚為沈故圍蔡冬吳興師以救之與楚戰于柏舉楚師敗績

庚辰吳入郢君舍于君室大夫舍乎大夫室妻楚王之母撻平王之墓也此皆孛彗流災所及之效也左氏傳曰有

星孛于大辰西及漢申孺曰彗所已除舊布新也師古曰申須魯大夫天事恒

象今除於火火出必布焉諸侯其有火災乎梓慎曰往年吾見是

其徵也火出而見今茲火出而章必火入而伏其居火也久矣其

與不然乎火出於夏為三月於商為四月於周為五月夏數得天

若火作其四國當之在宋衛陳鄭乎宋大辰之虛陳太昊之虛鄭

祝融之虛師古曰虛讀皆曰墟其下並同皆火房也星孛及漢漢水祥也衛顛頊之虛

其星為大水水火之牡也張晏曰水以天一為地二牡丙與午南方火也子及壬北方水也又其配合其巳丙子若

壬午作乎水火所巳合也若火入而伏必巳壬午不過見之月明

年夏五月火始昏見丙子風梓慎曰是謂融風火之始也張晏曰融風立春木

風也火之母也火所始生也淮南子曰東北曰炎風高誘以為良氣所生也炎風一曰融風七日其火作乎張晏曰自丙子至壬午凡七日既其配合之曰又火

以七為紀戊寅風甚壬午太甚師古曰太甚者又更甚也宋衛陳鄭皆火劉歆曰為大辰

房心尾也八月心星在西方孛從其西過心東及漢也宋大辰虛

謂宋先祖掌祀大辰星也陳太昊虛虛義木德火所生也師古曰虛讀與伏同

鄭祝融虛高辛氏火正也故皆為火所舍衛顛頊虛星為大水營

室也天星既然而四國失政相似及為王室亂皆同哀公十三年

冬十一月有星孛于東方董仲舒劉向曰為不言宿名者不加宿

也孟康曰不在二十八宿之中也

曰辰乘日而出亂氣蔽君明也明年春秋事終一曰

周之十一月夏九月日在氏出東方者軫角亢也軫楚角亢陳鄭

也或曰角亢大國象為齊晉也其後楚滅陳

師古曰襄十七年楚公孫朝帥師滅陳也

田氏篡

齊

師古曰齊平公十二年春秋之傳終矣平公二十五年卒後七十年而康公為田和所滅

六卿分晉

師古曰晉出公八年春秋之傳終矣出公十七年卒卒後八十

年至靜公為韓魏趙所滅而三分其地蓋晉之衰也六卿擅權其後范氏中行氏智氏滅而韓魏趙兼其土田人眾故總言六卿分晉也

此其效也劉歆曰為

孛東方大辰也不言大辰旦而見與日爭光星入而孛猶見是歲

再失閏十一月實八月也日在鶉火周分野也十四年冬有星孛

在獲麟後劉歆曰為不言所在官失之也高帝三年七月有星孛

于大角旬餘乃入劉向曰為是時項羽為楚王伯諸侯

師古曰伯讀曰霸而

漢已定三秦與羽相距滎陽天下歸心於漢楚將滅故彗除王位

也一曰項羽阬秦卒燒宮室弑義帝亂王位故彗加之也文帝後

七年九月有星孛于西方其本直尾箕末指虛危長丈餘及天漢

十六日不見劉向曰爲尾宋地今楚彭城也箕爲燕又爲吳越齊

宿在漢中負海之國水澤地也是時景帝新立信用鼂錯將誅正

諸侯王其象先見後三年吳楚四齊與趙七國舉兵反

師古曰四齊膠東膠西菑川濟

南也皆誅滅云武帝建元六年六月有星孛于北方劉向曰爲明年

淮南王安入朝與太尉武安侯田蚡有邪謀而陳皇后驕恣其後

陳后廢而淮南王反誅八月長星出于東方長終天三十日去占

曰是爲蚩尤旗見則王者征伐四方其後兵誅四夷連數十年元

狩四年四月長星又出西北是時伐胡尤甚元封元年五月有星

孛于東井又孛于三台其後江充作亂京師紛然此明東井三台

爲秦地效也宣帝地節元年正月有星孛于西方去太白二丈所

劉向曰爲太白爲大將彗孛加之掃滅象也明年大將軍霍光薨

後二年家夷滅成帝建始元年正月有星孛于營室青白色長六

七丈廣尺餘劉向谷永呂爲營室爲後宮懷任之象彗星加之將

有害懷任絕繼嗣者一曰後宮將受害也其後許皇后坐祝詛後

宮懷妊者廢趙皇后立妹爲昭儀害兩皇子上遂無嗣趙后姊妹

卒皆伏辜元延元年七月辛未有星孛于東井踐五諸侯

孟康曰五諸侯星名

出河成北奉行軒轅太微後日六度有餘晨出東方十三日夕見

西方犯次妃長秋斗填蠱炎再貫紫宮中大火當後達天河除於

妃后之域南逝度犯大角攝提至天市而按節徐行

服虔曰謂行遲

炎入市

中旬而後西去五十六日與倉龍俱伏谷永對曰上古呂來大亂

之極所希有也察其馳騁驟步凶炎或長或短所歷奸犯

師古曰內奸首干

爲後宮女妾之害外爲諸夏叛逆之禍劉向亦曰三代之凶攝提

易方秦項之滅星孛大角是歲趙昭儀害兩皇子後五年成帝崩

昭儀自殺哀帝卽位趙氏皆免官爵徙遼西哀帝亾嗣平帝卽位

王莽用事追廢成帝趙皇后哀帝傅皇后皆自殺外家丁傅皆免

官爵徙合浦歸故郡平帝亾嗣莽遂篡國釐公十六年正月戊申

朔隕石于宋五是月六鷓退飛過宋都董仲舒劉向曰為象宋襄

公欲行伯道將自敗之戒也師古曰伯讀曰霸石陰類五陽數自上而隕此

陰而陽行欲高反下也石與金同類色曰白為主近白祥也鷓水

鳥六陰數退飛欲進反退也其色青青祥也屬於貌之不恭天戒

若曰德薄國小勿持炕陽欲長諸侯與疆大爭必受其害襄公不

寤明年齊威死伐齊喪師古曰僖十七年齊桓公卒十八年宋襄公以諸侯伐齊執滕子圍曹師古曰十九年三月宋人

執滕子嬰齊秋宋人圍曹為孟之會與楚爭盟卒為所執後得反國師古曰二十一年春為鹿上之盟秋會于

孟於是楚執宋公以伐宋冬會于薄以釋之鹿上孟蒲皆宋地不悔過自責復會諸侯伐鄭與楚戰于泓軍

敗身傷為諸侯笑師古曰二十二年夏宋公衛侯許男滕子伐鄭十一月宋公及楚人戰於泓宋師敗績公傷股門官殲焉二十三年卒傷於泓故也泓水名也

音於宏反左氏傳曰隕石星也鷓退飛風也宋襄公曰問周內史叔興曰

是何祥也吉凶何在對曰今茲魯多大喪明年齊有亂師古曰今君

將得諸侯而不終退而告人曰是陰陽之事非吉凶之所生也吉

凶繇人吾不敢逆君故也師古曰繇是歲魯公子季友郈季姬公孫

茲皆卒師古曰僖十六年三月公子季友卒四月季姬卒七月明年齊威死適庶亂

師古曰適宋襄公伐齊行伯卒為楚所敗師古曰已解於劉歆曰為是歲

歲在壽星其衝降婁師古曰降降婁魯分壅也故為魯多大喪正月

日在星紀厥在亥枵亥枵齊分壅也石山物齊大嶽後師古曰齊姜姓

四嶽四嶽分五石象齊威卒而五公子作亂師古曰五公子謂無虧也故為明

年齊有亂庶民惟星隕於宋象宋襄將得諸侯之衆而治五公子

之亂星隕而鷦退飛故為得諸侯而不終六鷦象後六年伯業始

退執於孟也師古曰伯民反德為亂亂則妖災生言吉凶繇人然後

陰陽衝厭受其咎齊魯之災非君所致故曰吾不敢逆君故也京

房易傳曰距諫自彊茲謂卻行厥與鵠退飛適當黜則鵠退飛師古

曰適讀曰嫡惠帝三年隕石緜諸一師古曰緜諸道也屬天水郡也武帝征和四年二月丁酉

隕石雍二天晏亾雲聲聞四百里師古曰雍扶風之縣也晏天清也元帝建昭元年正

月戊辰隕石梁國六成帝建始四年正月癸卯隕石橐四肥累一

孟康曰皆縣名也故屬真定師古曰橐音工老反累音力追反陽朔三年二月壬戌隕石白馬八師古曰東郡之縣名鴻

嘉二年五月癸未隕石杜衍三師古曰南陽之縣名元延四年三月隕石都關

二師古曰山陽之縣名哀帝建平元年正月丁未隕石北地十其九月甲辰隕

石虞二師古曰梁國之縣名平帝元始二年六月隕石鉅鹿二自惠盡平隕石

凡十一皆有光耀雷聲成哀尤屢

漢書卷之二十七

五行志第七下之下終

金陵書局

汲古閣本

漢書二十七









